

OLELIAHONA



Talisapaia le
Meaalofa o
O Tatou Tino,
itulau 34, 42-65


“A Matou Ō Ea
la Te Ai?”—O le
Tatou Filifiliga Sili,
itulau 12

5 Mataupu
Faavae e Taiala
ai Lau Sailiga
mo le Faatuatua,
itulau 20

UA I AI
IINEI LE
EKALESIA

Salta **Atenitina**





O ni nai mea moni nei e uiga i le Ekalesia i Atenitina:



1923 E lua aiga mai Siamani o ni tagata o le Ekalesia ua siitia atu i Atenitina.

1925 Apostolo Melvin J. Ballard na auina atu i Atenitina; toaono tagata o le ekalesia na papatisoina.

1939 Uluai falesa na fausiaina i Amerika i Saute, i Buenos Aires.

2018 Ua fofogaina mai le Malumalu o Salta Atenitina

 O le falesa a le Uarota o El Portezuelo

 O se falemai lea e masani ona foa'i ai e le au paia toto ma lavalava

I le gagana Sipaniolo o le aai e masani ona ta'ua o Salta la Linda, "Salta le Lalelei." O le a sili atu ona matagofie pe a faatu ai se malumalu.






O Le Taua e Faavavau o Filifiliga
Amiotonu

Elder Quentin L. Cook

20



Filifiliga Laiti,
Taunuuga Tetele

Elder Massimo De Feo

12



E Mafai
Ona Ou
Fesoasoani
i se Tasi
e Sui?
8

I le Faatusa o le Atua

O le tino. O se mea oofogia, a ea? E faafia ona e faalogo i se tasi o fai mai, "E, matamata i le mea lenei"? Po o le a lava le mea e mulimuli mai atonu e matua oofogia pe valea foi, ae tatou te maua pea lava pea mea e mafai e o tatou tino ona fai.

Na foaoaina i tatou i le faatusa o le Atua. E faapefea ona tatou tausia o tatou tino i luga o le ala e avea ai faapei o o tatou Matua Faalelagi? E faapefea ona tatou aloese mai le fa'aaogaina o o tatou tino i auala e le tatau ona tatou faia?

O na fesili o se vaega o le mafua'aga e taulai atu ai vaega mo le autalavou ma talavou matutua i lenei masina i le a'oa'o atu e uiga i le tino (tagai itulau 42 ma le 50). O lenei masina tatou te fa'aaliai ai le oofogia, faavavega, ma le paia moni o le tino. Ou te fa'amoemoe o nei savali e mafai ona avea ma punaoa aoga mo oe ma lou aiga ao e a'oa'o e uiga i le paia o le tino.

I le itulau e 50, ua uunaia ai i tatou e Peresitene Russell M. Nelson ia pulea manaoga o o tatou tino ma ia manatua o tatou tino e le o ni mea e gata ai mo i latou lava. Na ia aoao mai o o tatou agaga e aumaia le ola i o tatou tino ma o o tatou agaga o faia filifiliga. O le fautuaga faaperofeta a Peresitene Nelson e mafai ona aoga tele mo le autalavou ma tagata matutua foi.

Ou te faamoemoe o saunoaga a Peresitene Nelson ma isi savali i lenei lomiga o le a fesoasoani ia te oe e te lagona ai le faatuatua pe a oo mai i le aoao atu ma malamalama i le meaalofa matagofie o lo tatou tino faitino.

J. Ryan Jensen

Mekasini a le Ekalesia



Anotusi

- 5 O le Pau ma le Toefaaafouina o Tagata—ma le Lalolagi** 

6 O Atatosi o le Faatuatua: Tomicka Barnes—Alabama, ISA 
O faauigaga a tagata o le Ekalesia na mafua ai ona fesiligia e ia, ae o lana molimau e uiga i le Tusi a Mamona na faamalosia ai o ia.

8 Mataupu Faavae mo le Auaunaga: E Mafai Ona Ou Fesoasoani i se Tasi e Sui?
Aoao mai mea e fitu na faia e le Faaola e valaaulia ai isi e sui.

12 Lesona mai le Feagaiga Fou: Filifiliga Laiti, Taunuuga Tetele Saunia e Elder Massimo De Feo
O le filifiliga e tasi i se fonotaga mo le galuega na faia ai se eseesega tele.

16 O Le Auala ua Mafai ai Nei e le Seminare ona Faaleleia le Aafiaga o le Sau, Mulimuli Mai ia te A'u a Lou Aiga.
Saunia e Jeffrey Coleman ma Brittany Ann Reece
O le suesueina o le tusi lava e tasi o tusitusiga paia i le seminare ma le *Sau, Mulimuli mai ia te A'u*, o le a fesoasoani i a outou talavou ia saofaga atu atili i suesuega o tusitusiga paia faaleaiga.

20 O Le Taua e Faavavau o Filifiliga Amiontonu
Saunia e Elder Quentin L. Cook
Ua tatou ola i taimi matautia, ae o le talalelei e mafai ona tuufaatasia ma faamalosia i tatou.

28 Faamanuiaga o le Ola Tutoatasi: O Le Teugatupe Aupito Sili Ona Lelei 
Saunia e Michael R. Morris
Ina ua faafusei ona faamalolo Blanca mai lana galuega, na ia maua le faamanuiaga i le fesoasoani mai o se vaega o le ola tutoatasi.

30 O Leo o Le Au Paia o Aso e Gata Ai 
O se tagata e le toaga mai na ootia i le alofa o le epikopo; o se ulugalii e maua le toofilemu i le lotolotoi o se faalavelave; o se kuka o le lasagna o se meaalofa mo soo se taimi; o le Tusi a Mamona e fesoasoani i se tagata e manumalo i mea ua fai ma vaisu.

34 Aoaoina o le Autalavou ma Fanau Laiti: O o Tatou Tino Paia 
Saunia e Marissa Widdison
E tatau ona tatou manatua o o tatou tino o meaalofa ma e tele auala e tausia ai i latou.

36 Ua Lava le Mamalu
I lenei fuaitau mai le *Au Paia* voluma 2, ua saunia le Au Paia e tuua Navu.

40 Tofiga o Au Peresitene i Eria 

 Faitauga Vave



I Le Faavaa
Ata na tusia e
Scotty Reifspnyder

Vaega

Autalavou Matutua

42
O le faatumau-
ina o **foliga lelei**
o le tino e mafai
ona avea ma
tauviga. Faitau
fa'amatalaga
patino mai tala-
vou matutua o e ua a'oa'oina e
faafetai mo o latou tino ma
fa'aleleia o latou lava foliga.



Autalavou

50
Faalogo ia Peresitene Nelson
o talanoa e uiga
i faamanuiaaga o
lou tino, faama-
nino mea ua e iloa
e uiga i le tulafono
o le ola mama ma
le Upu o le Poto, ma
vaai pe o faapeflea
ona avea **lou tino o**
se malumalu.



Tamaiti

Saili pe fa'apefea ona **fa'atino**
le fa'atuatua. Aoao atili e uiga
i le Agaga Paia. Ma vaai po o le
a le mea na tupu i le asiasiga a
Elder Andersen i Ivory Coast.



E NA’O TUSIGA FAATEKINOLOSI O AOKUSO

**Auala e Fausia ai le Talitonuga ma le Taua
Faaletagata Lava ia****Saunia e le Uelefea ma Auaunaga o le Ola Tutoatasi**

Faatasi ai ma le fausiaina o lo tatou faatuatua, e tatau ona tatou aoao ai ni tomai e fesoasoani ai ia i tatou e faatoilalo ai le manatu maulalolo o le tagata lava ia.

**O Ositaulaga na Ou Faia e Auai ai i le Ekalesia****Saunia e Nickie Guthrie**

Sa tuua e se talavou matua mai Sikotilani ni uo tuai ae na maua ni uo maoa'e fou i totonu o le Ekalesia.

ATA PUE O TAMAITAI TALAVOU SAUNIA E JOANNA NIUXUNSPASH, ATA PUE O TALAVOU MATUTUA SAUNIA E TIMOTHY ETHEN HANSEN

SAILI NISI MEA

I le polokalama o le Potutusi o le Talalelei [Gospel Library] ma i le liahona.lds.org, e mafai ona e:

- Saili le lomiga o le taimi nei.
- Maua ai na’o anotusi faatekinolosi.
- Saili lomiga ua mavae.
- Auina mai au tala ma manatu faaalia.
- Totogi [se lomiga] pe tuu atu se meaalofa o le totogi o se lomiga.
- Faaleleia au suesuega i meafaigaluega faatekinolosi.
- Faasoa atu tusiga ma vitio e sili ona e fiafia i ai.
- Sii mai pe lolomi ia tusiga.
- Faalogologo i tusiga e sili ona e fiafia i ai.

FAAFESOOTAI MAI I MATOU

Imeli mai au fesili ma manatu faaalia i le liahona@ldschurch.org.

ia auina mai au tala e faatupu faatuatua i le liahona.lds.org pe meli i le:

Liahona, flr. 23

50 E. North Temple Street

Salt Lake City, UT 84150-0023, USA

AOKUSO 2019 VOL. 43 NU. 8

LIAHONA 18608 890

O le mekasini faaomaloa o Le Ekalesia a Iesu Keriso o le Au Paia o Aso e Gata Ai

O Le Au Peresitene Sili: Russell M.

Nelson, Dallin H. Oaks, Henry B. Eyring

O le Korama a Apostolo e Toasefululu:

M. Russell Ballard, Jeffrey R. Holland, Dieter F. Uchtdorf, David A. Bednar, Quentin L. Cook, D. Todd Christofferson, Nell L. Andersen, Ronald A. Rasband, Gary E. Stevenson, Dale G. Renlund, Gerrit W. Gong, Ulisses Soares

Faatonu: Randy D. Funk

Faufautua: Brian K. Ashton, Randall K. Bennett, Becky Craven, Sharon Eubank, Cristina B. Franco, Donald L. Hallstrom, Larry S. Kacher, Erich W. Kopischke, Lynn G. Robbins

Pule Faatonu: Richard I. Heaton

Faatonu: Mekasini a le Ekalesia: Allan R. Loyborg

Pule o Mea Tau Pisini: Garff Cannon

Pule Faatonu: Adam C. Olson

Pule Faatonu Lagolago: Ryan Carr

Faasalalau Lagolago: Camilla Castrillón

Au Tusitusi ma Faatonutonu: Maryssa Dennis, David Dickson, David A.

Edwards, Matthew D. Flitton, Garrett H. Garff, Jon Ryan Jensen, Aaron Johnston, Charlotte Larcabal, Michael R. Morris, Eric B. Murdoch, Joshua J. Perkey, Jan Pinborough, Richard M. Romney, Mindy Selu, Lori Fuller Sosa, Chakell Wardleigh, Marissa Widdison

Pule Faatonusili o Faatufugaga: J. Scott Knudsen

Faatonusili o Faatufugaga: Tadd R. Peterson

Mamanu: Jeanette Andrews, Fay P. Andrus, Mandy Bentley, C. Kimball Bott,

Thomas Child, Joshua Dennis, David Green, Colleen Hinckley, Eric P. Johnsen, Susan Logren, Scott M. Mooy, Emily Chioko Remington, Mark W. Robison, K. Nicole Walkenhorst

Faatonu o le Puletaofia o Meatotino:

Collette Nebeker Aune

Pule i le Gaosiga: Jane Ann Peters

Gaosiga: Ira Glen Adair, Julie Burdett,

Thomas G. Cronin, Bryan W. Gygi, Ginny J. Nilson, Marrissa M. Smith

Taillolomi: Joshua Dennis, Ammon Harris

Faatonusili Lomitusi: Steven T. Lewis

Faatonusili o Faletusi: Troy R. Barker

Mo le okaina o mekasini, alu i le store.lds.org po o le Faletusi Tutotonu i Pesega. Telefoni 64127. Totogi o le Mekasini: \$0.55 (Samoa) i le kopi. Totogi mo le Tausaga Atoa \$6.60 (Samoa).

Auina atu tusitusiga ma faafesili i luga o le initoneti i le liahona.lds.org:

pe meli mai i le *Liahona*, Rm. 2420, 50 E. North Temple, Salt Lake City, UT 84150-0024, USA; po o le i-meli: liahona@ldschurch.org.O Le *Liahona* (o lona uiga i le Tusi a Mamona o le "tapasa" po o se

"faatonu'a") e lomia i le faa-Alepania, Aminia (Sasae), Pisilama, Palekeria, Kemupotia, Sepuano, Saina, Kalotaia, Siekisolvakia, Tenimaka, Take, Igilisi, Esitonua, Fiti, Finelani, Farani, Siamani, Eleni, Hanikeri, Initu, Iselani, Initonlesia,

Italia, Japani, Kiripati, Korea, Latvia,

Litunia, Malakasa, Masela, Monokolia, Nouei, Polani, Potukale, Romania,

Rusia, Samoa, Saina (ua faafaofoieina), Silovenia, Sipanioli, Suetena, Swahili,

Tagaloka, Tahiti, Tai, Toga, Iukureini,

Urutu, ma Viatename. (E eseese lava gagana.)

© 2019 Puletaofia e le Intellectual Reserve, Inc. Ua taofia aia tatau uma. Lomia i le lunaite Setete o Amerika.

Faamatalaga o le Puletaofia: Vagana ua faailoa mai, e mafai e tagata taitoatasi

ona kopi anomea mai le *Liahona* mo lo latou lava faaaogaina patino, e le faia

ai ni pisini (e aofia ai valaauga o le Ekalesia). O lenei aia tatau e mafai ona faaleaogaina i soo se taimi. E le tatau ona kopiina ia ata pe afai o loo faaalia le faasaina i le laina o faaaloaloga faatasi

ai ma le faatufugaga. ia auina mai fesili

e uiga i le puletaofia i le Intellectual

Property Office, 50 E. North Temple St., FL 13, Salt Lake City, UT 84150, USA;

email: cor-intellectualproperty@ldschurch.org.

Mo le Aufaitau i le lunaite Setete ma Kanata:

August 2019 Vol. 43 No. 8.

LIAHONA (USPS 311) Samoan (ISSN 1045-0947) is published monthly by The Church of Jesus Christ of Latter-day

Saints, 50 E. North Temple St., Salt Lake City, UT 84150. USA subscription price is \$10.00 per year; Canada, \$12.00 plus applicable taxes. Periodicals Postage Paid at Salt Lake City, Utah. Sixty days' notice required for change of address. Include



address label from a recent issue; old and new address must be included. Send USA and Canadian subscriptions to Salt Lake Distribution Center at address below.

Subscription help line: 1-800-537-5971. Credit card orders (American Express, Discover, MasterCard, Visa) may be taken by phone or at store.lds.org. (Canada

Post Information: Publication Agreement #40017431)

POSTMASTER: Send all UAA to CFS (see DMM 507.15.2). NONPOSTAL

AND MILITARY FACILITIES: Send address changes to Distribution Services, Church Magazines, P.O. Box 26368, Salt Lake City, UT 84126-0368, USA.



OLE PAU MA LE TOEFAAFOUINA

O TAGATA—MA LE LALOLAGI

Tatou te oo uma lava i le fanau mai, olaga, maliu, ma le toetutu—ma faapena foi le lalolagi, i se tulaga. Na fanau mai le lalolagi (e ala i le Foafoaga), na papatisoina i le vai (e ala i le Lolo), o le a papatisoina i le afi (“pe a afio mai le Alii, . . . ma o le a liusuavai ai elemene i le vevela tele” [Mamona 9:2]), ma o le a faafouina e pei o le toetutu.¹

3. O le Lalolagi ma Tagata i se Tulaga Faapaiaina:

“I le Afio Faalua Mai o lesu Keriso, o le a faafoi le lalolagi . . . i lona tulaga faaparataiso ma toe faafouina.”⁵

O le mea lea, o le a faapaiaina [le lalolagi]; ioe, e ui o le a mate, o le a toe faaolaina,” ma o le a fai ma tofi o e amiontonu le malo o selesitila (le lalolagi faapaiaina) (tagai Mataupu Faavae ma Feagaiga 88:17–26).



1. O le Lalolagi ma Atamu ma Eva i se Tulaga Faaparataiso:

“O le foafaina muamua faataitai o mea uma . . . sa faaparataiso i le natura.”² I le taimi lava na mae'a ai le Foafoaga, e leai se mea faitino pe noatia i le otu.³

2. O le Lalolagi ma Tagata i le Tulaga Pau:


“O le lalolagi lava ia na pa'u i lalo o le malaia i le pau o [Atamu ma Eva], ma . . . e pei ona togolaina le tagata, o le a faapea foi ona toe faafouina le lalolagi.”⁴

FAAMATALAGA

- Tagai i le James E. Talmage, *Jesus the Christ* (1916), 322.
- Bruce R. McConkie, “Christ and the Creation,” *Ensign*, June 1982, 9.
- Tagai Robert L. Millet, “O le Tagata o Atamu,” *Liahona*, Feb. 1998, 14.
- James E. Talmage, *Jesus the Christ*, 322; tagai foi Kenese 3:17.
- Russell M. Nelson, “O le Foafoaga,” *Liahona*, Julai 2000, 85.

Tomicka Barnes

Alabama, ISA



E le o le aoao e uiga i le faasaina o le perisitua na maluelue ai le faatuatua o Tomicka; o le taumatematega i tua o lena tapulaa na tuiina atu e nisi o le Au Paia o Aso e Gata Ai. Na feagai Tomicka ma se filifiliga: savali ese mai le Ekalesia pe piimau i le ai uamea. Faafetai i le Tusi a Mamona, sa ia piimau ai.

LESLIE NILSSON, TAGATA PUEATA

O nisi tagata na latou fai mai mea e pei o le, "E le'i lava lou lototoa i le taua i le lagi" po o le, "E te le atamai pe faamaoni." O na mea e le ogatasi ma mea na ou iloa e moni mai lo'u tina, mai isi tagata uli o le Ekalesia, o ni faataitaiga lelei o le faatuatua, ma e oo lava mai tagata uli faamaoni i fafo atu o le Ekalesia.

Sa ou maua sina taimi, o se tulaga faigata o le faatuatua, ina ua ou mafaufau e mafai lava ona ou savali ese mai ai. Ae i lena taimi, sa ou mafaufau ai, "Pe moni le Tusi a Mamona? E te talitonu e moni?"

E mafai ona ou tali, "loe, e aunoa ma sina masalosalo, ou te talitonu e moni." Ona ta'u mai lea e le Agaga ia te a'u, "la, afai e moni le Tusi a Mamona, e faapea foi ma mea uma lava."

O le mafuaaga lena na mafai ai ona ou nofo.

AOAO ATILI

Tagai atili e uiga i le malaga o le faatuatua a Tomicka, e aofia ai ata faaopoopo, i totonu o le Potutusi o le Talalelei po o le kopi i luga o le initoneti o lenei tusiga i le liahona.ids.org.

Faitau e uiga i le auala na tumau ai Elder Edward Dube o le Fitugafulu i lona faatuatua ina ua uma ona ia iloaina le faasaina o le perisitua ae lei oo i le 1978 i le ids.org/go/8196.



Mataupu Faavae o le Auaunaga E MAFAI ONA OU FESOASOANI I SE TASI E SUI?



ioe. Ae o lau matafaioi atonu e ese nai lo le mea na e mafaufau i ai.

Nta foafoaina i tatou ma le gafatia e sui ai. O le tupu-tupu ae agai i lo tatou gafatia paia o le faamoemoega lea o lo tatou aafiaga faaletino. O se tasi o a tatou sini autu i le auaunaga o le fesoasoani lea i isi e o mai ia Keriso ma faia suiga e tatau ai e toe foi atu ai i Lona afioaga. Ae ona o la latou faitalia, o la tatou matafaioi i le fesoasoani ia latou avea atili e faapei o Keriso e tapulaa.

O ni lesona mamana ia e fitu mai le Faaola i auala e mafai ai ona tatou fesoasoani i isi i a latou taumafaiga e sui ma avea atili e faapei o Ia.

1. Aua le Fefe e Valaaulia le Suiga

Sa le fefe le Faaola e valaaulia isi e tuua auala tuai i tua ma opoina Ana aoaoga. Na Ia valaauliaina Peteru ma Iakopo e tuua a la galuega ma “faia oulua ma fai faiva i tagata” (Mareko 1:17). Sa Ia valaauliaina le fafine na molia i le mulilua; e “alu ia oe, aua e te toe agasala” (Ioane 8:11). Sa ia valaauliaina le taulealea mauoa ina ia tuu ese lana sootaga i mea faalelalolagi ma mulimuli ia te Ia. (tagai Mareko 10:17–22). E mafai foi e i tatou uma ona lototetele ma lotoalolofa a o tatou valaauliaina isi e faia ni suiga ma mulimuli i le Faaola.



FAASOA OU AAFIAGA

Auina mai ou aafiaga ia i matou a o e
auauna atu i isi pe na e mauaina ni auau-
naga. Alu i le liahona.lds.org ma kiliki le
"Submit an Article po o Feedback."

2. Manatua O La Latou Filifiliga le Suia

O le ituaiga o suiga e valaaulia e le Faaola e le mafai ona faa-
malosia. Sa aoao ma valaaulia e le Faaola, ae Na te lei faamalosia.
O le alii talavou mauoa "ona alu ese ai lea o ia ma le tiga" (Mataio
19:22). I Kapanaumi, o le toatele o Ona soo na filifili e "toe foi," ma
na Ia fesili atu i le Toasefululua pe latou te o ese foi (tagai Ioane
6:66–67). O nisi o soo o Ioane le Papatiso na filifili e mulimuli i le
Faaola, o isi e le'i faapea ona faia (tagai Ioane 1:35–37; 10:40–42).
E mafai ona tatou valaauliaina isi ina ia avea faapei o Ia, ae e le
mafai ona tatou faia le filifiliga e sui mo i latou. Ma afai latou te lei
filifili lava e sui, e le tatau ona tatou fiu—e le tatau foi ona tatou
lagona ua tatou toilalo.

3. Tatalo mo le Gafatia o Isi ia Suia

I le taimi o Lana Tatalo Faatoga, na ole atu ai Iesu i le Atua ina
ia taofia ona soo mai le leaga, ia avea faapei o Ia ma le Tama, ma
o le a faatumuina i le alofa o le Atua (tagai Ioane 17:11, 21–23, 26).
Ma o le iloaina o le a manaomia e Peteru le malosi i ana taumafaiga
e tuputupu ae i lana matafaioi, na tatalo ai le Faaola mo ia (tagai
Luka 22:32). O a tatou tatalo mo isi e mafai ona faia se eseesega
(tagai Iakopo 5:16).



4. Aoao i Latou ia Faalagolago i Lona Mana

Ua na o le Faaola lava e mafai ai ona tatou sua moni ma alualu i luma i le gafatia paia tatou te maua uma. O Ia “o le ala, ma le upu moni, ma le ola: e le alu atu lava se tasi i le tama, pe a le ui mai ia te [Ia]” (Ioane 14:6). O Lona mana lea e mafai ona “faia mea vaivai ia avea ma mea malolosi” (Eteru 12:27). O le faatuatua i Lona mana faaola na mafai ai e Alema le Itiiti ona suia (tagai Alema 36:16–23). E mafai ona tatou aoao isi e faalagolago i le Faaola ina ia latou maua foi Lona mana faamainaina i o latou olaga.

5. Taulimaina i Latou o ni Tagata e Mafai ona Avea ai i Latou

O le alofa ma le taliaina e mafai ona avea ma malosiaga mamana o suiga. O le fafine i le vaieli sa nonofa ma se tamaloa e le o lana tane. E oo lava i soo o Iesu

“ua ofo ina ua tautala i laua ma le fafine” (Ioane 4:27), ae na sili atu le popole o Iesu i le ituaiga tagata e mafai ona avea ai o ia. Na Ia aoaoina o ia ma tuu atu le avanoa e sua ai, lea sa ia faia. (Tagai i le Ioane 4:4–42.)

Pe a tatou taulimaina isi e pei ona latou i ai nai lo le ituaiga tagata e mafai ona avea ai i latou, e mafai ona tatou taofia i latou. Nai lo lea, e mafai ona tatou fa‘amagalo ma fa‘agalo mea sese ua tuanai. E mafai ona tatou talitonu e mafai e isi ona suia. E mafai ona tatou le amanaiaina le vaivai ma faasino atu i uiga lelei atonu latou te le mafai ona vaai ia i latou lava. “Ua ia i matou le tiutetauave e vaai atu ai i tagata taitoatasi e le pei oi latou ae pei ona mafai ona avea ai i latou.”¹

6. Tuu ia i Latou e Sui I La Latou Lava Taimi

O le suaia e tele se taimi e alu ai. E tatau ona tatou “faauau pea i le onosai seia faaatoatoaina [tatou]” (Mataupu

VALAAULIA E FAATINO

O le a se mea e mafai ona e faia i lenei vaiaso e valaauliaina ai ma lagolago isi i a latou taumafaiga e sui ma avea atili e faapei o le Faaola?



Faavae ma Feagaiga 67:13). Sa onosai Iesu i isi ma sa faaaauau pea ona aoao atu e oo lava ia i latou na tetee ia te Ia, ma molimau atu i Lana matafaioi na tuuina atu ia te Ia e Lona Tama ma tali a latou fesili (tagai Mataio 12:1–13; Ioane 7:28–29). E mafai ona tatou onosa'i i isi ma fa'amaslosia i latou ia onosai ia i latou lava.

7. Aua le Fiu pe Afai Latou te Toe fo'i i Ala Tuai

Ina ua mavae le maliu o Keriso, e oo lava ia Peteru ma nisi o Apostolo na toe foi atu i mea na latou masani ai (tagai Ioane 21:3). Na faamanatu atu e Keriso ia Peteru e tatau ona ia “fafagaina [Ana] mamoe” (tagai Ioane 21:15–17), ma na toe foi Peteru i le galuega. E mafai ona faigofie tele le toe fo'i i auala muamua. E mafai ona tatou faaaauau pea ona lagolago atu ma le agamalu ma faamaslosiauga musuia e faaaauau pea ona mulimuli i le Faaola ma taumafai e avea atili e faapei o Ia.

Faataga Isi ia Tuputupu A'e

Na faamatalaina e Elder Jeffrey R. Holland o le Korama a Apostolo e Toasatefulua lenei tala e uiga i le faatagaina o isi ia tuputupu ae: “Sa ta'u mai ia te au e uiga i se taulealea lea na tele lava ona avea ma autu o tausuaga uma i lana aoga mo le tele o tausaga. Sa i ai ni ona vaivaiga, ma na faigofie ai i ana tupulaga ona faalili ia te ia. Mulimuli ane i lona olaga na malaga ese o ia. Na iu ina faatasi atu o ia i le ami ma na mauaina ai ni aafiaga faamanuiaina iiina i aoaoga ma faasolosolo ai lava ina laa ese mai le taimi ua tuanai. O le taualuga o na mea uma, e pei ona faia e le toatele i le militeli, na ia mauaina le matagofie ma le mamalu sili o le Ekalesia ma sa toaga ma fiafia ai.

“Ina ua mavae ni nai tausaga, sa toe foi o ia i le aai sa nofo ai a o talavou. O le toatele lava o lana tupulaga ua malaga ese ae le o i latou uma. O le mea moni lava, ina ua ia toe foi mai ma le matuai faamanuiaina ma ua toe fanauina, sa i ai pea lava iiina le faiva o mafaufauga sa i ai muamua, o loo faatalitali i lona toe foi mai. I tagata i lona lava nuu, o ia lava lea tuai ‘ma lea mea ma lea.’ . . .

“O sia mea itiiti ma sia mea itiiti o taumafaiga a lenei alii faapei o Paulo ina ia tuua na mea uma ua tuanai ae pue mai le taui lea na faataatia e le Atua i ona luma, sa mou malie ese atu seja oo ina maliu o ia i le tulaga lava lea na ia ola ai i lona talavou. . . . E matuai leaga, matuai faanoanoa lava ona ua toe siomia o ia e . . . i latou o e na manatu e sili atu le manai a lona taimi ua mavae nai lo lona lumanai. Na mafai ona latou toso ese mai lona lima le mea lea na uuina ai o ia e Keriso. Ma na maliu faanoanoa o ia, e ui e le o sona sese na mafua ai. . . .

“Tuu atu i tagata ia salamo. Tuu atu i tagata ia tuputupu ae. Talitonu e mafai e tagata ona sui ma faaleleia.”² ■

FAAMATALAGA

1. Thomas S. Monson, “Vaii Atu i Isi i Tagata e Mafai ona Avea ai i Latou,” *Liahona*, Nov. 2012, 68, 70.

2. Jeffrey R. Holland, “Le mea Sili e Oo i Ai,” *Liahona*, Jan. 2010, 19, 20.



Filifiliga Laiti, Taunuuga Tetele

E faapefea ona tatou tali atu pe a fesili le lalolagi,
“E te le fia alu foi?”

Talu mai lo'u laitiiti, ou te fiasia lava i le Feagaiga Fou. Ou te fiasia e faitau e uiga i le Faaola o aoao atu Ona soo i mataupu faavae e faavavau na suia ai o latou olaga e faavavau.

Ou te iloa foi le matagofie o le auala na suia ai e na lava mataupu faavae lo'u lava olaga i le tele o auala. O lea taimi ma lea taimi, ua ou vaaia pe a tatou faaaogaina aoaoga a le Matai, o a tatou lava faaiuga, e oo lava i faaiuga laiti, e masani ona taitai atu ai i ni tau-nuuga tetele.



**Saunia e Elder
Massimo De Feo**
O le Fitugafulu

O La'u Filifiliga "Laitiiti"

I le tele o tausaga talu ai, i le avea ai ma se pule fou, sa ou malaga atu i Amerika i Saute e auai i se semina mo le galuega na faia e ni taitai maululuga o le matagaluega a le malo na ou galue ai.

I le po muamua lava i le faaiuga o le konafesi, na faasila-sila ai e le "pule sili" a le matagaluega se gaoioiga faapitoa mo lena po. Na mautinoa o le a talisapaia e tagata uma lana talosaga, na ia folafola mai ma le mitamita: "Ina ia faaali atu ia te oe le tele o le matou talisapaia o oe, o le po nei matou te valaaulaina outou uma i se po faapitoa i fafo, e asiiasi atu i pa i totonu o le aai, e lauiloa mo se vai taumafa malosi faapitoa [special cocktail drink]. O le a tatou tofo i fesuiaiga eseese o lena vai taumafa ma palota po o le a le pa na faia le vai tau-mafa pito sili ona lelei. O le a i ai se tauvaga ma se e manu-malo. Ma aua le popole, o a'u e totogiina mea uma, o la'u meaalofa lea mo outou."

A'o patipati fiafia atu tagata uma i lana fuafuaga, sa ia faaopoopoina se fesili tofotofo: "E i ai se tasi e le sau? Fai mai loa i le taimi nei pe leai!"

A'o toe patipati uma tagata, na ou manatu o le a maasiasi le fai atu o se mea i luma o na tagata uma, e feteenai ma le manatu o le pule o se ofo tele lea.

Ae ui i lea, e le'i tele ni sekone na alu ae ou filifilia ai le mea e fai. Na sii lo'u lima, na'o a'u lava na faia. Ona, i se auala tau-faamatau, na ia fesili mai po o le a le mea e tatau ona ou fai atu ai. Ou te le'i lagonaina lava se filemu tele faapea i lo'u olaga!

Sa ou fai atu: "Lau Susuga, ou te faafetai mo lau foai maoa'e, ae o le a ou le faatasi atu ma outou uma i le po nei."

Ina ua mavae se isi taimi filemu, na sili atu le filemu nai lo le mea na ou manatu e mafai, na ia fesili, "Aisea?" O le taimi

lena, semanu ou te maua ni nai alofaga lelei-sa ou ma'i pe na i ai se telefoni ttau tele e faia i le isi itu o le lalolagi po o se isi lava mafuaaga na mafai ona laveaiina a'u mai le maasiasi lenei. Ae sa ou fai atu le upumoni faigofie, i le avea ai o se tagata o Le Ekalesia a Iesu Keriso o le Au Paia o Aso e Gata Ai, ou te le inu ava malosi.

"O le a Matou Fiafia e aunoa ma Oe"

Ina ua uma ona mafaufau loloto mo se taimi, na iu ina ia faapea mai, "O le a matou fiafia la e aunoa ma oe." Ma i isi, sa ia fai mai, "Mulimuli mai ia te au. Tatou o tatou fiafia! Ae tuu ai pea o ia."

Ou te manatuina pea lava pea a latou talie leotetele ao latou tuua le potu o le konafesi ma na tuua na o au. Na ou iloaina o le tele o taimi, o le filifilia o le Alii, e pei ona aoao mai e Peresitene Thomas S. Monson (1927-2018), e faatatau i le filifilia "o le mea faigata e sa'o, nai lo le mea faigofie e sese,"¹ e oo lava i le tulaga lamatia o le tuuatoatasi.

A o ou savali atu i lo'u potu, ou te manatua lo'u faalogo i se leo manino i lo'u mafaufau: "E te le fia alu foi?" Sa ou le mauttonu mo sina taimi, ae na faafuasei ona oo mai upu a Simona Peteru i le Faaola i lo'u mafaufau. I lena fesili lava e tasi, na ia tali atu "Le Alii e, a matou o ea ia te ai? o ia te oe upu o le ola e faavavau" (Ioane 6:68).

Faatasi ai ma lagona o le filemu fou, sa ou lagona e pei ua siomia a'u e agelu o loo tauaveina au. E ui lava na o a'u, ou te le'i lagonaina le tuuatoatasi. A o ou filifilia le Alii ma tu mo a'u mataupu faavae, na ou vaaia a tatou filifili le Alii, e mafai ona tuua na o i tatou i le lalolagi, ae o le a le tuulafoaiina lava i tatou e le Faaola.

Laitiiti ae Tele

O faaiuga tatou te faia i aso uma atonu e foliga mai e laiti, ae e i ai i taimi uma o latou a'afiaga ma taunuuga tetele, mo le lelei po'o le leaga.

O le mea moni, i ni nai tausaga talu mai lena aso, na asiasi mai le pule lava lea e tasi i lo matou ofisa i Roma. O ia lava o le tagata e tasi, e tumu i le mana ma le pule. O le mea lava e tasi, sa foliga taufaamata'u ia i matou uma.

O le taimi lenei, ina ua mae'a fonotaga uma, sa ia talanoa mai ia te a'u i se isi auala. Na maoa'e lona agalelei. Sa ia ta'u mai ia te a'u o loo ia manatua pea le aso na ou tu ai mo o'u talitonuga. Ma, i lo'u te'i, na ia fesili mai pe ou te talia e avea ma pule o le lala mo Europa atoa, o se avanoa tele mo la'u matata. A o ia taumafai e faatalitonu au o le galuega fou o le a manaia i tuutuuga o totogi, femalagaaiga, ma faamanuiaga,


Pe a tatou filifilia le Faaola, o le a Ia le tuulafoaiina lava i tatou.

o le mea moni na faia ai le eseesega ina ua ia fai mai: "Matou te le autilo i na o tulaga lelei o le agavaa. Matou te mana'omia tagata e amiosa'o, o lo'o tutū mo a latou mataupu faavae. Matou te manaomia tagata pei o oe."

Na ou maofa i le faalogoina o na upu, ma iloa ai o la'u filifiliga laitiiti e tu mo ou talitonuga i tausaga ua mavae na i'u lava ina i ai se aafiaga tele ia te ia. O la'u filifiliga laitiiti na iu ai ina avea ma se faamanuiaga sili mo au, i le faaletino ma le faaleagaga. O le mea e malie ai, o se vaega o lo'u tofiga fou, na avea foi a'u ma supavaisa o le tele o pule o e na talie mai ia te a'u i tausaga ua mavae.

O Le Filifiliga Sa'o

Na saunoa mai Peresitene Monson, "A o tatou mafaufau i faaiuga tatou te faia i o tatou olaga i aso taitasi—pe faia ea lenei filifiliga po o lena filifiliga—afai tatou te filifilia Keriso, o le a tatou faia le filifiliga sa'o."²



Na aoao mai foi le Apostolo o Paulo o le filifilia o le Alii o le filifiliga sili lea ona lelei, e ui lava i le faigata o lena filifiliga: "Ua tatou iloa foi e galulue faatasi mea uma e lelei ai i latou e ua alofa atu i le Atua" (Roma 8:28).

O aso uma, o filifiliga tatou te faia o le a mautinoa tonu ai lava le tulaga o le a avea ai i tatou. A tatou filifili le Alii, e pei ona saunoa ai Peresitene Monson, "ua tatou faia le filifiliga sa'o," aua, e pei ona ta'ua e Paulo, "e galulue faatasi mea uma e lelei ai i latou o e ua alofa atu i le Atua."

E tele taimi tatou te mumusu ai e fai filifiliga sao aua tatou te taumafai e faafafia le Alii e aunoa ma le faatiga ia Satani. "Ae e le mafai ona tatou faafafiaina le Atua e aunoa ma le faaitaina o Satani. E le mafai ona tatou auauna i matai e lua. O la tatou faaiuga mulimuli o le a i ai pe o le ola i tulafono muamua e lua i le faatulagana sa'o: Ia muamua auauna atu i le Atua ona auauna lea i o tatou tuaoi, pe tuu le poloiga lona lua i luma atu o le muamua e ala i le taumafai



e faamalie isi ae tatou te le'i faamalieina le Atua (tagai Mataio 22:37-39).

Tutu Atu o ni Molimau

O le feagaiga lautele o lo'o tatou faia i le papatisoga o le "tutu o ni molimau a le Atua i taimi uma ma i mea uma, ma i nofoaga uma atonu [tatou te] i ai" (Mosaea 18:9; faaopoopo le faamafafa). O lena feagaiga o se filifiliga tatou te faia i le taimi e tasi ma le faavavau, e tutu mo o tatou talitonuga o ni molimau a le Atua i taimi uma o o tatou olaga. O le faamanuiaga folafolaina o le a sili atu ona tatou maua le Agaga io tatou luga (tagai Mosaea 18:10).

O le lalolagi, a tatou tupulaga, ma tagata e le tutusa o tatou tulaga faatauaina, o le a avea pea ma uunaiga ia i tatou, o uunaiga e oo mai pe a tatou taumafai e ola i se tulafono faaselesitila i se lalolagi telesitila. Ioe, o le ola amiontonu i se lalolagi amiroleaga e le o se galuega faigofie. O nisi taimi e

O le ola amiontonu i se lalolagi amiroleaga e le o se galuega faigofie. Ae ua ia i tatou le folafolaga o le a sili atu ona tatou maua le Agaga pe a tatou tutu o ni molimau moni a le Atua.

foliga mai ai o se luitau tele. O nisi taimi e foliga mai ai o se faafitauli i aso uma. Ae ua ia i tatou le folafolaga o le a sili atu ona tatou maua le Agaga pe a tatou tutu o ni molimau moni a le Atua. Pe a tatou tatalo i le Tama Faalelagi, o le a Ia faaminiaina i tatou i le mana o le Agaga Paia, tuuina mai ai lena fesoasoani faaopoopo taua lea tatou te manaomia. O le alofa tunoa o le Atua o le a faatumulia ai le vavalalata faaleagaga e le mafai ona faaalia tatou te iloa uma o ni tagata le atoatoa o taumafai e o'o atu i se tulaga maualuga atu ma le paia.

Taunuuga e Faavavau

O filifiliga atonu e foliga mai o se mea itiiti i lena taimi e mafai ona i ai ni taunuuga e faavavau. Ae ona sa tatou osia se feagaiga, ua i ai sa tatou folafolaga. Pe a tatou filifilia le Alii —pe a tatou tutu o ni molimau i taimi uma, i mea uma, ma i nofoaga uma—ona galulue faatasi lea o mea uma mo le lelei oi latou oe alolofa i le Atua. A o tatou filifili le Alii, e ui ina tatou tumau na o tatou i nisi taimi, o le a siomia i tatou e agelu, ma lagolagoina i tatou, ma o le a tatou le toe lagona le tuuatoatasi(tagai Matapu Faavae ma Feagaiga 84:88).

Ou te molimau faamaoni atu i na taimi paia o filifiliga laiti ae o taunuuga tetele, e na o le Tama Faalelagi ma Lona Alo, o Iesu Keriso, o le a tatou maua ai le filemu ma le malologa. I le tele o taimi, o le a talosagaina i tatou e o ma le lalolagi pe tutu mo a matou mataupu faavae. E faapefea ona tatou tali atu pe a fesiligia: "Pe tou te fia o ese foi?" Pe o le a tatou o ma le lalolagi pe tatou te nonofo faatasi ma le Alii? Pe o le a tatou fifilemu ma galueaiina, pe o le a tatou tutu atu ea mo o tatou talitonuga ma galulue?

Talosia ia tatou filifili i taimi uma le Alii ma vave ona tali atu: "A matou o ea ia te ai? O ia te oe upu o le ola e faavavau." Ona tatou olioli ai lea i faamanuiaga oa tatou faaiuga amiontonu, i le faaletino ma le faaleagaga, i lenei olaga ma mo le faavavau. ■

FAAMATALAGA

1. Thomas S. Monson, "O Filifiliga," *Liahona*, Me 2016, 86.
2. Thomas S. Monson, "Filifiliga," 86.

O Le Auala ua Mafai ai Nei e le Seminare ona Faaleleia le Aafiaga o le Sau, *Mulimuli* *Mai ia te A'u a Lou Aiga*

Matua, o le auala lenei o le a mafai ai ona faaleleia atili e le seminare la outou suesuega o le talalelei faaleaiga.

Saunia e Jeffrey Coleman ma Brittany Ann Reece

Ta Mati 2019 na faasilasila atu ai e le Au Peresitene Sili se suiga tele i le seminare. O loo suesueina nei e vasega seminare i le lalolagi atao le tusitusiga paia lava e tasi o loo suesueina e tagata taitoatasi ma aiga i le fale ma le lotu o se vaega o le *Sau, Mulimuli Mai ia te A'u*. I le avea ai ma ni faiaoga seminare (ma ni matua), e leai se mea e sili ona matou fiafia i ai!

O se tasi o faamanuiaga manino o le auala lea o le a faafaigofieina ai olaga o a tatou talavou. E le gata i aoga, taaloga, galuega, taimi faaleaiga, ma le olaga faaagafesootai, o le toatele o talavou i le taimi ua tuanai na tau-mafai e suesue mai tusitusiga paia eseese e tolu: tasi mo le seminare, tasi mo le Aoga Sa, ma le isi tasi mo suesuega faaleaiga. Ua tele naua lena mea.

Na tuufaatasia loa e taitai o le Ekalesia suesuega faaleaiga ma le Aoga Sa i le tusitusiga paia e tasi, o le faaogatusaina atu i ai ma le seminare sa avea ma se faaiuga talafeagai. Ua mafai ai e le autalavou ona suesue ma le loloto i se tusi e tasi o tusitusiga paia. Peitai o le faafaigofieina ua na o se amataga.

Faamalosia o le Aiga

Na aoao atu e Sister Bonnie H. Cordon, Peresitene Aoao o Tamaitai Talavou faapea ao talosagaina le autalavou e avea ma “se vaega o le aoaoga, ina ia avea ma se vaega o lena gaoioiga maoae i le aiga,” o le a latou fesoasoani i le “faamalosia o le aiga.”¹

Ua galala le autalavou mo le upumoni ma ua naunau e faasoatou! Atonu e fai sina faigata o le talitonu i ai i lena mea pe afai na e mauaina se sioa gaogao mai se talavou. I le avea ai ma matua ma faiaoga, na tupu foi ia i tatou uma! I le avea ai ma ni faiaoga seminare, tatou te tuina atu ni fesili i le autalavou i taimi uma. O nisi taimi e toe foi mai ai ia i tatou se sioa gaogao



I le taimi ua tuanai, atonu na tauivī aiga e faaogatusa le suesueina o tusitusiga paia i le Ekalesia, seminare, ma le aiga. O suiga talu ai e mafai ona fesoasoani ina ia faaleleia atili talanoaga o le talalelei mo tagata uma o le aiga.

ATA NA TUSI A E RICHARD MIA

talau ai ona e le o maua e la tatou autalavou ni tali. Ae ina ua faaogatusaina le mataupu aoaoina a le seminare ma le *Sau, Mulimuli Mai ia te A'u*, ua faigofie atu mo a tatou fanau e i le vaitausaga o le seminare ona faaaoga mea sa latou aoaoina i le seminare i se talanoaga o le talalelei faaleaiga po o le fesuiai foi. Ua uma ona matou vaaia i a matou vasega seminare.

Aumaia o Suesuega o Tusitusiga Paia mai le Fale i le Seminare

I le amataga o le 2019, i le faatoa amataina o le *Sau, Mulimuli Mai ia te A'u* fou, sa matou lagonaina le naunautaiga o tagata aoga. E ui lava sa matou suesue mai le Mataupu Faavae ma Feagaiga i le seminare, sa amata ona latou faasoaina mai ni mea sa latou aoaoina mai le suesueina o le Feagaiga Fou faatasi ai ma o latou aiga. Sa latou matua fiafia lava i ai. Ina ua matou suesueina le Mataupu Faavae ma Feagaiga 89 (o le Upu o le Poto) i le seminare, o le taimi lava foi lea sa matou suesueina ai le Ioane 2 (lea na faaliliuina ai e Iesu Keriso le vai i le uaina) i le *Sau, Mulimuli Mai ia te A'u*. O le mauaina o ni mataupu faavae ma ni manatu masani i le va o faitauga e lua na mafai ai ona fefaaosaa tagata aoga ma a latou uo i mea sa latou aoaoina i le fale. Ua sili atu ona latou punouai, ma ua sili atu ona ola talanoaga auas sa i ai mea sa talanoa i ai tagata aoga. Sa mafai ona latou faaaogaina mea sa latou aoaoina i le fale i mea sa matou aoaoina i le seminare.

Aumaia o le Seminare i le Fale

I le 2020, o le suesueina o le Tusi a Mamona i le fale, i le seminare, ma i le Aoga Sa o le a tatalaina lautele atu ai le faitotoa mo tagata aoga e faasoatili atu ai mea latou te aoaoina i na nofoaga.

E i ai ni nai auala faaleaoaoga tatou te faaaogaina i le seminare lea e mafai ona fesoasoani i suesuega o tusitusiga paia a lou aiga. O le iloaina e uiga i ai e mafai ona fesoasoani e te vaai ai i ni auala ia faaaofia atili ai lau autalavou i au suesuega o tusitusiga paia e faatotonugalemu-i-le-aiga.

Ao outou saofafai ai i lalo o se aiga, atonu ua uma ona suesueina e au fanau talavou ia mataupu faavae lava e tasi mai le tusi lava e tasi o tusitusiga paia, ma o le a i ai ni o latou malamalamaga pe afai ua uma ona latou suesue i na mataupu faavae i le seminare. O le a latou le lagona le “tuuina i le tulaga” pe a e fai atu ia i latou e faasoa mai aua o le a i ai moni lava ni mea latou te faasoa mai. O a latou aafiaga i le seminare o le a fesoasoani e faamalosia i latou e talanoa e uiga i le talalelei i le fale. O le a avea atili afaifi faaleaiga ma suesuega o tusitusiga paia faaleaiga ma se taimi e faasoa mai ai ni malamalamaga faaletagata lava ia i le tasi ma le isi.

O nisi nei o fesili e tatala mai ai manatu atonu e te faaaogaina e valaaulia ai lau tupulaga talavou e faasoa mai i lou aiga:

1. O le a se aafiaga faaleagaga sa e mauaina i le seminare ananei?
2. O le a se mea na sili ona uunaia ai oe ananei?
3. O le a le mataupu faavae na e aoaoina i le seminare e te lagona e mafai ona fesoasoani ia i tatou o se aiga?
4. O le a se tala faatusipaia sa e aoaoina ananei e te lagona e mafai ona e faasoa mai ia i matou?
5. O le a se tala faatusipaia na aafia ai lou olaga i le seminare?
6. Na faapefea ona uunaia oe i le seminare ina ia lelei atili ananei?
7. O le a se mea sa e aoaoina e uiga i le Faaola ona o mea sa e aoaoina i le seminare?

Atonu e i ai taimi e muamua ai suesuega a lou aiga mai mea o loo suesueina i le seminare.

I taimi faapenei, e mafai ai e faiaoga seminare ona fetunai fesili o loo i luga e faaaoga ai mea o loo aoaoina e talavou i le fale.

Atamai i Aoaoga Faavae

O le metotia a le seminare i le suesueina o tusitusiga paia e le na o le taulotoina. Tatou te taulai atu i le atamai i aoaoga faavae—fesoasoani i tagata aoga ia malamalamama, faaaoga, ma maua se molimau e uiga i le aoaoga faavae na aoao mai i tusitusiga paia. E matele atu i le faamalosia o le liuaina i aoaoga faavae moni ma le iloaina pe faapefea ona aoao atu ma le mana.

Mo se faataitaiga, afai e aoao atu se fuaitau e uiga i le Aiga Atua, pe a tatou suesueina lena mau i le seminare, tatou te sue mo isi mau o loo aoao atu e uiga i le Aiga Atua. Ona tatou uunaia lea o tagata aooga e tagai mo mea e mafai ona tatou aoaoina e uiga i le Aiga Atua mai na fuaitau. Ma le mea mulimuli, tatou te fatuina ni tulaga lea e faatino ai i se tala e tagata aoga le auala latou te ono faamatatai ai o tatou talitonuga e uiga i le Aiga Atua e faaaoga ai na mau.

E mafai ona e faaaogaina le auala lenei i le fale ma valaaulia au talavou e:

1. Aoao atu mataupu faavae i le mau.
2. Fefasoaaai mau faasino i isi mau e uiga i le autu.
3. Fesoasoani i lou aiga e tauloto pe manatua le auala e saili ai ia mau.
4. Talanoa pe faapefea ona faatatau ia aoaoga i o outou olaga?

Sauniuniga mo le Aoaoina Loloto

E i ai se faamamafa lapoa i le seminare i se mea tatou te ta’ua o le aoaoina loloto—o le aoaoina lea e taitai atu ai i le liuaina. O se mea e tasi e sili ona taua i le aoaoina loloto o le faaleleia lea o sauniuniga e aoao ai. O le faaleleia o sauniuniga a tagata aoga e eseese mo vasega seminare uma, ae o le mea e tasi o loo taumafai ai nisi o vasega seminare o se tofiga mo sauniuniga. Tatou te auina atu tagata aooga i le fale ma ni poloka mau ua atofaina ma ni fesili suesue ina ia latou faiatou ai i mau lea o le a matou suesueina i le vasega. Afai e tutusa vaega o loo suesueina e mataupu aoaoina a le seminare ma le *Sau, Mulimuli Mai ia te A’u*, e mafai ona tufa atu ia galuega atofaina mo sauniuniga mo le seminare i le aiga a le tagata aoga. O le a avatua i aiga se isi auala e tasi e aoao faatasi ai.

E mafai ona e valaauliaina lau autalavou e:

1. Fefasoaoai galuega atofaina mo sauniuniga ma le aiga.
2. A uma le lesona o le seminare, faasoa atu seisi mea sa ia aoaoina i le autu.



Faatuina o ni Sini Patino

Atonu na e matauina le uunaia soo o i tatou e le mataupu aoaoina o le *Sau, Mulimuli Mai ia te A'u* e faatu ni sini. O se mea o loo matou faamafaina foi i le seminare. O loo matou aoaoina a matou tagata aoga e faatu ni sini patino, e le na o ni sini lautele e pei o le "Ia soifua maloloina atili." A faatu e se tagata aoga se sini, latou te fuafuaina *po o afea, o fea*, ma *pefaapefea* ona latou ausiaina lena sini.

Mo se faataitaiga, afai e faatu e se talavou se sini ina ia atiinae atili le onosai, o le laasaga e sosoo ai o le fuafuaina o le auala o le a latou atiinae-inia ai. O a ni auala po o tulaga latou te lagona o loo latou tauivi ai ma le onosai? Sa filifili se tagata aoga se toatasi e mafai ona ia faaaogaina atili le onosai ao aveina lana taavale. Ina ua ma talanoa e uiga i le auala e mafai ona ia faataitai ai le onosai i lena taimi, sa ia mafaufau i se fuafuaga o le faalogo-logo i musika malū i le taavale ma tuu se faamatalaga i luga o le dashboard e faamanatu atu ai ia te ia le tatalo mo le onosai i taimi uma na te alu ai i totonus o le taavale.

E mafai ona e valaauliaina lau autalavou e:

1. Talanoa e uiga i ana sini.
2. Faasoa mai pe mafai faapefea ona e faatuina ma ausiaina ni sini talitutusa faatasi ai o se aiga.

Faamalosia Lau Fanau e Faamalosia Lou Aiga

Ua ia te oe se avanoa ofoo fogia e faaaogaina ai se naunautaiga tele i le suesueina faaleaiga o tusitusiga paia, ma i le taimi nei i le mataupu aoaoina ua faaogatusaina, e mafai ona e valaauliaina lau fanau e i le vaitausaga seminare e faasoa mai ni mea sa latou aoaoina. Pe a latou suesue i mau e tutusa i le seminare ma o latou aiga i le *Sau, Mulimuli Mai ia te A'u*, o le a mafai atili ona latou faamalosia o latou aiga i o latou malamalamaga i le talalelei.

O le isi laasaga e sosoo ai i taumafaiga a le Ekalesia ina ia avea "*o se Ekalesia e faatotonugalemu-i-le-aiga*", ma lagolagoina e mea o loo tutupu i totonus o o tatou falelotu o paranesi, uarota, ma le siteki"² o le a mafai ai e le autalavou ona saofaga atili atu i le faamalosia o o latou aiga. Matou te malilie faatasi ma Elder Jeffrey R. Holland o le Korama a Aposetolo e Toasefululua i lana saunoaga:

"Matou te manatu o se atinaega maoae lea i lenei taimi lea e manaomia ai e o tatou tagata talavou le malosi sili atu. Matou te manatu o se faaogatusa matagofie lenei mea e tuufaatasia ai ma mea o loo faia e le isi vaega o le Ekalesia, ma e matou te talitonu o se faalaugatasia matagofie ma lagolago e le Ekalesia—ma o lea ua matou faaopoopo i ai i le taimi nei le lagolagoina-e-le-seminare—o suesuega o le talalelei e faatotonugalemu-i-le-aiga."³ ■

O tusitala o ni faiaoga seminare i Iuta, ISA.

FAAMATALAGA

1. Bonnie H. Cordon, "Seminary Curriculum to Support Home-centered Learning" (video, Mar. 22, 2019), ChurchofJesusChrist.org.
2. Russell M. Nelson, "Malelega Amata," *Liahona*, Nov. 2018, 8.
3. Jeffrey R. Holland, "Seminary Curriculum to Support Home-centered Learning."





Saunia e Elder
Quentin L. Cook

O Le Korama
a Apostolo e
Toasefululua

O Le Taua e Faavavau o Filifiliga Amiontonu

O filifiliga tatou te faia e taua—o le ki lea
i lo tatou lumanai ma le fafia.

Ua tatou ola i se lalolagi e faamamafaina ai le eseesege i luga o le lotogatasi. E manatu le to‘atele e toetoe lava a le mafai e tagata mai aganu‘u ese‘ese ma tulaga eseese ina ia tasi i sini masani. Fai mai nisi, “Matou te le maua se tala fa‘atasi e fa‘amatatalaina pe faapefea ona ola faatasi ni tagata e to‘atele.”¹ O nisi e talitonu “o le lalolagi ua fuafuaina e ala i lau faasinomaga o se tagata e toatasi. Latou te faamatalaina le sosaiete o se malae mo taua” e “atiina ae ai le le talitonu, vaevaega ma lagona le mautonu.”²

O se tali tuufaatasi i nei tautinoga o le talalelei toefuataiina lea a Iesu Keriso. O le amiontonu o le mataupu autu lea e aumaia le lotogatasi ma le fafia. Ou te fafia i le 2 Nifae mataupu e 9, lea o loo i ai aoaoga maoae e uiga i le aoaoina, poto, oa, galu-ega, ma le musu e vaai pe faalogo i taunuuga o le agasala. O loo i ai aoaoga faavae loloto lea e mafai ai ona tatou mulimuli i ala o le amiontonu e taitai atu ai i le Faaola.

O le a ou faasoa atu mataupu faavae e lima lea ou te talitonu o le a fesoasoani i lau sailiga manuia mo le faatuatua i le Alii o Iesu Keriso, amiontonu, ma le malamalama. O nei sini e mafai ona fetaui ma talafeagai. I se tulaga talafeagai, o le toatele o outou o loo sauniuni mo le olaga faaleaiga ma auala e lagolago ai lou aiga. O le fa‘atuatua, amiontonu, ma le malamalama o le a fesoasoani tele ia te oe i itu uma e lua. Soo se galu-ega faamaoni e aoga ma ia faamemelo i ai. O galuega e aofia ai tulaga faatauaina, uiga, ma manatu fou ma e faamanuiaina ai tagata e taua tele.

1. Saunia e Aoao

O le uluai mataupu faavae o le a ou faasoa atu o le faaauau lea ma le naunautai ma le amiontonu o lau sailiga mo le malamalama. O se tasi o a'u toa i lenei vaega o Paul Cox, o se tagata malosi o le Ekalesia. Na ia maua se tikeri o le faasaeanisi mai le Iunivesite o Polika Iaga i fugalaau ma laau ma maua ai isi faailoga faauu maualuluga. Sa ia auauna atu i se misiona i Samoa ma mulimuli ane nofo faatasi ma lona aiga i Savai'i, Samoa, mo le tele o tausaga. O se tasi o mataupu na taulai i ai ana suesuega o le faaaogaina lea o laau mo vailaau/togafitiga i aganuu eseese, lea na ia suesueina ai nisi o laau na faaaoga e augatupulaga o tina Samoa e togafititia ai faafitalui tau soifua maloloina. Faatasi ai ma se isi tusitala, na ia tusia *Plants, People, and Culture: The Science of Ethnobotany*.³

Na ia mauaina le tele o vaega i le togafititia o fa'ama'i. E ui lava na ia faia le tele o mea i lana galuega faapitoa, o le mea lea ou te fia ta'uua na tupu i le tele o tausaga talu ai. O Paulo ma se matai Samoa, o Fuiono Senio, sa faia se suesuega i laau i le nuu o Falealupo, Samoa i Sisifo.

O se tala i le *mekasini a le BYU* na lipotia mai: "Na laiseneina e le nuu lana vaomatua i se kamupani taina laau e saili ai ni tupe e fausia ai se aoga, aua, fai mai Cox, 'Na latou manatu e tatau ona latou filifili i le va oa latou fanau ma a latou togavao, o se faaiuga matautia, matautia tele mo i latou.' Ina ua ia iloa le fefā'atauaiga ma le kamupani tipi laau, na ta'u atu e Cox i matai o le a ia totogiina le fausaga o le aoga pe a mafai ona taofia le taina" o le vaomatua.⁴

Na ia fausia le a'oga faatasi ai ma le fesoasoani a tagata fai pisinisi o lo'o feso'ota'i ma Samoa.⁵ Na maua e Brother Cox le tele o fa'aaloalogia ma faailoga, e aofia ai le Goldman Environmental Prize mo le tagata laulioa i galuega faalesiosiomaga. O ia o se faatusa o se tagata o lo o fa'aauau pea le sailiga mo le malamalama e fa'amanuia ai tagata. O lenei tala o lo'o faaalia ai le fiafia i le a'oa'oina ma le tuufaatasia o le malamalama.



O le malamalama, pe a fa'aoga ma le amiontonu, tusa lava pe tuai pe fou, e taua.

O Peresitene Russell M. Nelson, o le isi o a'u toa, o se paionia i le atina'eina o taotoga o le fatu, lea na matua faamanuiaina ai i latou o loo ola io tatou taimi. I ni nai tausaga ua mavae, na ou fesili ai ia te ia e uiga i le talafaasolopito maoae o le taotoga o le fatu ma lona tulaga taua na i ai. Na matou talanoaina mo sina taimi, ona ia faapea mai lea ma le lotomaualalo, "Ma'eu le matagofie o le Alii, o lē na te silafia mea uma, e mafai ai ona tatou maua le olioli sili i le mauaina o nisi vaega o le malamalama."

2 Nifae 9:28–29 e faitauina, "E lelei le aoaina pe afai latou te faalogologo i fautuaga a le Atua." O le poto e taua lava i taimi uma, ma o le asō ua tatou i ai i le amataga o le tele o mea fou faasaienisi ma tekinolosi alualu i luma. O le mea moni, o le tele o lenei mea o le a i ai fa'amanuiaaga tele mo le Ekalesia ma le aiga tagata uma. O le malamalama, pe a fa'aoga ma le amiontonu, tusa lava pe tuai pe fou, e taua.

2. E Taua Filifiliga Amiontonu

I le tele o tausaga ua mavae, na faasoa mai ai e Elder Bruce C. Hafen, lea ua avea nei ma se sui faamamaluina o Fitugafulu, se faataitaiga matagofie o filifiliga leaga i le taimi o se lauga na tuuina atu i Niu Sila. E pei ona ou manatuaina, na manumalo Cookie Monster (o se tagata

lauiloa i luga o le *Sesame Street*), ma e mafai ona ia filifili i ni filifiliga se tolu mo lana taui. Muamua, e mafai ona ia maua se fale fou i le tasi masina mulimuli ane. Lua, e mafai ona ia maua se taavale fou i le tasi vaiaso mulimuli ane. Po o lona tolu, e mafai ona ia maua se kuki matagofie-i le taimi nei! O le a sou manatu o le a lana filifiliga? E sa'o lelei oe—na ia filifilia le kuki!⁶

Tatou te talie i lenei mea, ae o filifiliga tatou te faia e taua—o le ki lea i lo tatou lumana'i ma le fiafia. Manatua, o i tatou o le aofaiga atoa o faiuga uma tatou te faia. Matou te ola i se taimi e toetoe lava o filifiliga uma e finauina ma suesueina. E toatele tagata toetoe lava a tetee i soo se fuafuaga amiontu po o se mataupu faavae (tagai 2 Timoteo 4:3). I le taufaaiuga o lona olaga, na aoao mai le perofeta o Liae:

“Ona e ao lava ina i ai se faafeagai o mea uma. . . .

“O le mea lea, ua saoloto tagata e tusa ma la le tino; ma ua tuuina mai ia te i latou mea uma e tatau ai mo le tagata. Ma ua latou saoloto e filifili le saolotoga ma le ola e faavavau, e ala i le Puluvaga sili o tagata uma, pe filifili le faatagata-otauaina ma le oti, e tusa ma le faatagataotauaina ma le mana o le tiapolo; ona ua saili o ia ia pagatia tagata uma e pei o ia lava” (2 Nifae 2:27).

Ona o le taua i le lag i luga o le ata o le faaolataga (tagai i le Aperaamo 3), e le o se mea e ofo ai o mataupu faavae faalelotu na aoaoina i lenei, tisipensione mulimuli, ua osofaia i le le fiafia tele. Ae ne'i tatou lotovaivai, ia tatou manatua le tau-nuuga o le taua i le lag i ma le taunuuga ofoofogia ua tatou iloa o le a amataina i le Afio Mai Faalua o Iesu Keriso.

O se fili sili o filifiliga lelei o le fetuunaiga. E toatele e finau faapea tatou te le tali atu mo a tatou filifiliga. Ae ona o le talalelei toefuataiina a Iesu Keriso, ua tatou iloa ai tatou *te* tali atu (tagai i le Mataupu Faavae ma Feagaiga 72:3). Matou te iloa foi po o ai e tatau ona matou tali atu. O le Faaola! (Tagai 2 Nifae 9:41; tagai foi Galuega 4:12.)

O nisi taimi o filifiliga taua e faigofie. I le avea ai ma ni faifeautalai talavou o loo auaua atu i

Egelani, sa ma maua ma la'u soa le avanoa e o ai i le malumalu. A o matou sopoia ia lotoa o le malumalu, sa savali mai le peresitene o le malumalu, o Selvoy J. Boyer ia i matou. I le vaai ia ma pine faifeautalai, sa ia faasino mai ia i ma'ua ma fesili, “Mataio 5: 48—pe te lua iloa lena mau?” Na fai atu la'u soa, “Ia atoatoa ona lelei o la outou amio, e pei o lo outou Tamā o i le lag i atoatoa ona lelei o ia.” Na tali mai Peresitene Boyer, “Ioe, e sa'o. Elders, o lua ola ai i lena poloaiga?”

Na amata ona ma le mautonu; ma te iloa ma te le atoatoa! Sa ia fesoasoani mai ia i maua. Na ia fesiligia fesili e uiga i mea sa ma faia mo aso e tolu ua tuana'i. Sa ia fesili i le taimi ma te momoe ai, pe a ma feala i luga, i le taimi na faia ai suesuega patino a tagata taitoatas pe ma le soa i tusutusiga paia, ma pe na ma o ma te talai i le taimi sao. Ona ia fai mai lea, “Oute mautinoa e te le atoatoa, ae ua e faia filifiliga lelei mo aso ua tuana'i, ma o lona uiga ua e agai i le itu sa'o.” Na ia tuua i ma'ua e mafaufau i le taua o le mea na ia talosagaina.

O filifiliga tatou te faia o ki ia i la tatou lumanai ma le fiafia.



Na tuuina atu e Liae lenei alaga e uiga i le filifiliga, lea o loo valaau atu ai tama ma tina amiotonu io latou atalii ma afafine: “Ou te loto ina ia outou vaai i le Puluvaga sili, ma ia outou faalogo atu i ana poloaiga; ma ia faamoni i ana fetalaiga, ma filifili i le ola faavavau, e tusa ma le finagalo o lona Agaga Paia” (2 Nifae 2:28).

E tatau ona tatou malamalamā o loo i ai le faafeagai i mea uma ma o filifiliga amiotonu tatou te faia e taua tele.

A o ou la‘itiiti, na fa‘afeiloaia a‘u i se fa‘amatatalaga mai ia Harry Emerson

Fosdick, o se faife‘au Poro-tesano laulioa. I le talanoa ai e uiga i filifiliga, na ia saunoa ai: “O mea leaga matautia o lo tatou olaga e masani ona le fuafuaina. Tatou te le’i amata mo lena sini taugofie ma le mativa. O lena faamoemoega e le‘i i ai io matou mafaufau.

... O le mafua‘aga lea o le auala i seoli e masani lava ona faatumuina i faamoemoega lelei, ma o le mafuaaga lena ou te le o faamanatuina ai ni mea maualuga, sini maualuga, faamoemoega lelei, faaiuga tetele, ae ou te fai atu o se

tasi o mea sili ona matautia i le lalolagi o le talia o i latou ma mafaufau e te talitonu ia i latou ma faatamala i aso ta‘itis o lona uiga e taitaia i latou. Oi, lo‘u agaga, vaai atu i le auala o loo e savali ai! O le na te pikina le tasi tulimanu o se laau e piki le isi. O le tagata na te filifilia le amataga o se auala e filifilia le mea e tau atu i ai. O le auala e iloa ai le iuga.”⁷

3. Tuuina atu Taumafaiga Faapaiaina i lea Aso ma lea Aso

O taumafaiga amiotonu i lea aso ma lea aso faapaiaina e sili atu nai lo taimi e faia ai galuega totoa. O se uo o Jim Jardine, na ta‘ua i se lauga i le Iunivesite o Polika Iaga, ao avea o ia ma se tamaitiiti a‘oga, sa ia mafaufau “o le faapaiaina o [lona] olaga i se tasi tulaga maoae ma le lototoa” ae na ia iloa ai “o le faapaiaiga e le o se taimi e tasi i se olaga atoa; o se tuuto i aso taitasi.”⁸

A o ou la‘itiiti, na ou mana‘o foi e fa‘amaonia a‘u lava e ala i se uiga lototoa. O lo‘u tamamatua o David Patten Kimball o se tasi o alii talavou na laveaiina ma fesoasoani i le aveina o tagata o le taavale tosolima o le Martin

i le isi itu o le Vaitafe Sweetwater. Na foliga mai e pei o le ituaiga o faapaiaga na ou vaai i ai. Mulimuli ane, ao ou asiisi ma lo‘u tamamatua o Crozier Kimball, na ia faamalamalamā mai ina ua auina atu e Peresitene Polika Iaga (1801–77) alii i la latou misiona laveai, na ia faatonuina i latou e faia mea uma latou te mafai e faasaoina ai le kamupani taavaletosolima. O lo latou faapaiaga sa faapitoa lava e “mulimuli i le perofeta.” Na ta‘u mai e lo‘u tamamatua o le tumau, faamoni, amiotonu i le tiute o se tasi po o se mataupu faavae e tatau ona faamemelo i ai.

I le avea ai ma se toa e pei o Tavita Patten Kimball e fesoasoani e laveai paonia, o le a tutusa lava le toa i aso nei e mulimuli i le perofeta e ala i le tausisia o lana fautuaga i le faaititia o le faaaogaina o ala o faasalalauga lautele, suesue i le Tusi a Mamona, aemaise lava le fesoasoani e faapotopoto Israelua ua faataapeapeina itu uma o le veli. Afai tatou te fesoasoani e faapotopoto Israelua ua faataapeapeina, o le a tatou laveaiina agaga o tagata-e pei lava ona fesoasoani le tama o lo‘u tamamatua e laveai ola o le kamupani taavaletosolima.

O nisi tagata o le Ekalesia ua tautino mai o le a latou tautino atu i latou lava ma le naunautai pe a fai e tuuina atu se valaauga maoae, ae latou te le mauaina le auauna atu po o le aoina o talaafaasolopito o aiga ua lava le lototoa mo a latou taumafaiga na lagolagoina.

4. Ia Malosi ma le Mausali i Mataupu o le Amiotonu

I ni nai tausaga talu ai, na saunoa ai Elder Neal A. Maxwell (1926–2004) o le Korama a Aposetolo e Toasefulula e uiga i nisi o ana uo e le toaaga mai i le Ekalesia. Fai mai a ia na ia matauina le pa‘u ma le tafe o lo latou faatuatua ma le mafuaaga autu. Na ta‘ua e Elder Maxwell:

“O se fuaiupu o loo i totolu o le Tusi a Mamona o loo ofoina mai ai le faamatalaga sili ona faamalieina. O se fefinauaiga i le Mosaea 5:13: ‘Aua, pe faapefea ona iloa e le tagata le alii

e lei auauna i ai o ia, o le tagata ese foi ia te ia, ma ua mamao i manatu ma manao o lona loto?”

“O lenei mea e faamatalaina ai mea e masani ona tupu: o tagata lelei feololo o lavelavea i popolega o le lalolagi. Afaí ae le o le latalata atu i le Matai o le a avea i tatou ma tagata ese ia te ia, ona leiloa lea o lo tatou ala. O tagata lelei ia e le o aafia i lenei soligatulafono tele, e pei o se tulafono, ae ua latou o ese mai le Faaola, ma ua avea o ia ma tagata ese ia i latou.”⁹

E taua lo tatou tuu o le faatuatua i lo tatou Alii ma le Faaola o Iesu Keriso i le totonugalemu oo tatou olaga. O se peresitene matagofie o le misisona na faia e i matou uma taitoatasi o faifeautalai le taulotoina o se faamatalaga faigofie e faatatau i le faatuatua ma le amiontonu lea na tumau ia te au i lo‘u olaga atoa. Ou te faasoaina atu ia te outou:

*E leai se avanoa, leai se taunuuga, leai se malaia [O lenei] e mafai ona sisi'o i ai pe faalavelavea pe pulea ai
Le faainuga mausali a se agaga naunautai.¹⁰*

A‘u ue pele, e tatau ona e naunau i agaga pe a oo i le ola amiontonu!

5. Maua Lou Talatuu e ala i Filifiliga Amiontonu

O se tasi o tala sili i le Tusi a Mamona o le apoapoiga a Alema i ona atalii e toatolu-Helamana, Sepulona, ma Korianetona. O Alema o le atalii o Alema, le perofeta. Sa ia mauaina se liua faavavega ao avea ma se alii talavou. Na avea o ia ma faamasino sili o le malo ma le faiatulaga sili ma le perofeta o le Ekalesia. O ona atalii e toalua sa

O le tagata toa e mafai ona maua i galuega faigofie o auauanaga e lagolagoina.



*“O se tasi sese e aloese ai le Au Paia,
talavou ma matutua, o le naunautai e
ola i luga o le nonoina o le moli [ma] ia
faatagaina . . . le malamalama i totonu
ia i latou e atagia, nai lo muamua.”*

faia ni filifiliga lelei. Ae o le tasi tama na faia ni filifiliga leaga. Ia te au o le tulaga pito sili ona taua o fautuaga a Alema, o lona tuuina atu lea o na fautuaga o se tama mo lana lava fanau. O lona popolega muamua o le i ai ia i latou o se molimau e uiga i le Atua le Tama, Iesu Keriso, ma le Agaga Paia.

Ua amata e Alema le mataupu e 36 e ala i le faamatala atu ia Helamana o lona liua faavavega. Sa ta‘u atu e se agelu ia Alema o le a faaumati o ia pe afai e faaauau pea ona ia tetee i le Eklesia. Na ia molimau mai o le malamalama na ia faasoaina atu e le‘i sau mai lona lava poto ae na faaalia mai ia te ia mai le Atua. Na te mana‘o ia maua e Helamana se molimau.

O le toatele o outou, pe afai e le tele, e i ai a latou molimau. Tatou te manaoia uma lava se molimau patino. Na saunoa mai Peresitene Iosefa F. Samita (1838–1919), “O se tasi sese e aloese ai le Au Paia, talavou ma matutua, o le naunautai e ola i luga o le nonoina o le moli [ma] ia faatagaina . . . le malamalama i totonu ia i latou e atagia, nai lo muamua.”¹¹

Na saunoa Peresitene Heber C. Kimball (1801–68), o se fesoasoani ia Peresitene Iaga:

“O le a oo mai le taimi o le a leai se tane po o se fasine e mafai ona toe ola i se malamalama nono. O le a tofu taitaiina tagata taitoatas i le

malamalama o i totonu ia te ia lava. Afai e le o ia te oe, e mafai faapefea ona e tulai? . . .

“. . . O le mea lea saili mo le molimau ia Jesu ma pipiimau i ai, a oo mai taimi faigata o le a e le tautevateva lava ma pau.”¹²

O le vaega e 76 o le Mataupu Faavae ma Feagaiga o loo faasino i tikeri e tolu o le mamalu ma o loo faatusa le mamalu selesitila i le la. Ona faatususa lea o le malo terasitila i le masina ma le malo telesitila i fetu (tagai foi 1 Korinito 15:41).

E malie ona o le la na te gaosia lona lava malamalama a o le masina o le malamalama atagia po o le “malamalama nonoina.” I le ta‘ua ai o i latou e fai mo latou tofi le malo terasitila, e faitauina le fuaiupu e 79 e faapea, “O i latou ia na le loto totoa i le molimau ia Jesu.” E le mafai ona tatou maua le malo selesitila ma ola faatasi ai ma le Atua le Tama i se malamalama nono.

Ia e lotofaafetai pe afai e i ai ni matua lelei o e i ai molimau ma sa aoaoina oe i le talalelei. Ae peitai, e te mana‘omia lau lava molimau. Fai mai le faifilosofia o Goethe, “O mea mai le talatuu o o outou tamā e nonō, galue ia toe mauaina, ia umia moni lava!”¹³

Ua i ai i tagata taitoatas i le tiutetauave e faia ai filifiliga amiotonu ma ia mafaufau loloto i vaega e lima o fautuaga ua ou tuuina atu. O lau sini autu o le fausiaina lea o lou fa‘atuatuaga patino. Ona o tulaga o le lalolagi, ua matua manaomia ai ona faalolotoina le liua ma le faamalosia o le faatuatua i le Tama Faalelagi ma Iesu Keriso ma Lana Togiola.

Saunia mo Taimi Faigata

Ua faia e le Eklesia se taumafaiga maoae e tuuina atu ia te oe se faafanua o le auala e fesoasoani ia te oe i le faia o filifiliga amiotonu. Ua saunia e le Alii i tatou, i lea fuaitau ma lea fuaitau, mo “taimi faigata” (2 Timoteo 3:1) ua tatou feagai ai nei. O se lisí puupuu o gaoioiga a le Au Peresitene Sili ma le Korama a Aposetolo e Toasefululua e tuuina atu ai lenei faafanua o auala e aofia ai mea nei:

- Faamamaluina o le aso Sapati ma le sauniga paia o le faamanatuga ua toe faamamafaina mo tausaga e lima ua mavae atu.
- I lalo o le taitaiga a le epikopo, o korama a toeaina ma Aualofa ua faamalosia o loo taulai atu i tiutetauave paia ua uma ona tofaina o le Ekalesia, ma fesoasoani i tagata ia osia ma tausia feagaiga paia.
- O le auauna atu i se ala maualuga atu ma paia atu ua faatinoina ma le olioli.
- O le amataina faatasi ma se taunuuga i le mafaufau, ua avea ai feagaiga o le malumalu ma auaunaga i talafaasolopito o aiga ma se vaega faamoemoeina o le ala o feagaiga.

O isi fetuutuunaiga e ausia ai se paleni fou i le va o mea na tutupu i le lotu ma i totonu o le fale sa tuuina atu i le konafesi aoao o Oketopa 2018. Na faia ni fetuuna'iga ina ia ausia ai taumafaiga a le Sapati i totonu o aiga, e lagolagoina e le Ekalesia. I le lauga sa ou tuuina atu, lea na faamaonia e le Au Peresitene Sili ma le Korama a le Toasefululua, na ma faailoa atu ai o faamoemoega ma faamanuiaga e o faatasi ma lenei fetuunaiga ma isi suiga lata mai e aofia ai mea nei:

Ua tuuina mai e le Ekalesia ia i tatou se faafanua o le auala e fesoasoani ia i tatou ia faia filifiliga amiontu.



- Faalolotoina o le liua i le Tama Faalelagi ma le Alii o Iesu Keriso ma le faamalosia o le faatuatua ia i La'ua.
- Faamalosia o tagata taitoatasi ma aiga e ala i le mataupu aoaoina e faatotonugalemu-i-le-aiga, ma lagolagoina-e-le-Ekalesia lea e saofagā atu i le ola fiafia i le talalelei.
- Faamamaluina o le aso Sapati, i se taulaiga i le sauniga o le faamanatuga.
- "Fesoasoani atu i fanau uma a le Tama Faalelagi i itu uma e lua o le veli e ala i le galuega faafaifeatalai ma le mauaina o sauniga ma feagaiga ma faamanuiaga o le malumalu.¹⁴

O le usitai ma le amiontu i le fautuaga ua tuuina atu o le a faamanuiaina ai oe i le taimi nei ma i lou olaga atoa. ■

Mai i lauga o le faigalotu na tuuina mai i le Iunivesite o Polika Iaga-Hawaii i le aso 20 o Novema, 2018, ma i le Inisitituti i Utah Valley o Mataupu Faalelotu i le aso 1 o Fepuari, 2019.

FAAMATALAGA

1. David Brooks, "The Rise of the Amphibians," *New York Times*, Feb. 15, 2018, nytimes.com.
2. Brooks, "The Rise of the Amphibians."
3. Michael J. Balick and Paul Alan Cox, *Plants, People, and Culture: The Science of Ethnobotany* (1996).
4. Julie Walker, "Professor and Samoan Chief Awarded for Saving Rain Forest," *BYU Magazine*, Summer 1997, 8; see also, Anne Billings, "You Can Make a Difference: Paul Cox—Preserving God's Creations," *Liahona*, Nov. 1998, 32–37.
5. These included Church members Rex Maughan, Ken Murdock, and others.
6. Tagai Bruce C. Hafen and Marie K. Hafen, "Bridle All Your Passions," *Ensign*, Feb. 1994, 16.
7. Harry Emerson Fosdick, *Living Under Tension* (1941), 111.
8. James S. Jardine, "Consecration and Learning," in Henry B. Eyring, ed., *On Becoming a Disciple-Scholar: Lectures Presented at the Brigham Young University Honors Program Discipline and Discipleship Lecture Series* (1995), 78.
9. Neal A. Maxwell, "Insights from My Life," *Ensign*, Aug. 2000, 9.
10. Ella Wheeler Wilcox, "Will," in Charles Wells Moulton, *The Magazine of Poetry: A Quarterly Review*, vol. 5 (1893). O le peresitene o le misiona sa i ai o Elder Marion D. Hanks.
11. Joseph F. Smith, *Gospel Doctrine* 5th ed. (1939), 87.
12. Heber C. Kimball, in Orson F. Whitney, *Life of Heber C. Kimball*, 6th ed. (1975), 450.
13. Johann Wolfgang von Goethe, *Faust*, trans. Bayard Taylor (1912), 1:28.
14. Tagai Quentin L. Cook, "Liuaina Loloto ma Tumau i le Tama Faalelagi ma le Alii o Iesu Keriso," *Liahona*, Nov. 2018, 8–11.

O Le Teugatupe Aupito Sili Ona Lelei

Saunia e Michael R. Morris

Mekasini a le Eklesia

Ina ua uma ona vaea, na faamamafaina e Blanca Gregory le sailia o se galuega fou. Ae na ia auai i le vaega o le Su‘eina o se Galuega e Sili atu mo le ola tutoatasi.

Na galue Blanca Gregory i teugatupe mo le 27 tausaga, e aofia ai le 12 tausaga o se pule lago-lago—o le mea lea na avea ai le vaea o se mea matautia. Sa ia auai i se vaega mo le ola tutoatasi o le Su‘eina o se Galuega e sili atu. Ae peitai, i lona te'i, na vave ona suia le popole ma le atuatuvalue.

O le mea e faafetai ai, na faigaluega le toalua a Blanca, o Eric, ma sa i ai se faaputugatupe a le aiga e fesoasoani ia i latou. Ina ua uma ona toe malosi mai se ma‘i ma le le toe faigaluega i le silia ma se tausaga, na amata ona sailia e Sister Gregory se galuega fou.

Na ia toe faafouina lana tusi talosaga [resume], sa lesitala i vasega komepiuta, auai i faaaliga galuega [job fair], ma amata ona fa‘atumu tusi apalai. O se taunuuga, na ia maua ni nai faatalanaga tau galuega. Faatasi ai ma lona poto masani i galuega, na ia manatu o le sailia o se galuega fou o le a faigofie.

“Na amata ona ou popole ina ua ou le toe maua mai se tala mai i se isi,” o le tala lea a Sister Gregory. “Sa ou faapea, ‘O le a le mea ua tupu?’”

Na mavae atu nai masina e aunoa ma se galuega na ofo mai. Mulimuli ane, o lana tane, o le sa avea ma epikopo o le latou uarota i Newport Beach,



Kalefonia, ISA, na fautua mai ia Blanca e siaki le polokalama o le ola tutoatasi ona sosoo ai lea ma le auai i le vaega o le Sue'ina o se galuega e sili atu.

"E te Lagona le Agaga"

I le avea ai o se tasi o le vaega o le Su'aina o se Galuega e sili atu, na amataina ai e Sister Gregory se vasega e 12-vaiaso na fesoasoani ia te ia e a'o'a'i ai i fesootaiga, iloa avanoa, fa'afouina lana tusi talosaga, tu'uina atu o ia lava i se tulaga faapolofesa, ma saunia mo fa'atalatalanoaga i galuega. Na ia faatulagaina foi sini o aso taitasi e feso'ota'i ma le fa'amalamalamaina o punaoa, faia o feso'ota'iga, ma le feagai ai ma fono-taga faafesagai.

"O se vasega o le ola tutoatasi e le pei o isi vasega. O se musumusuga. "E te lagonaina le Agaga iina," o lana tala lea. "Na aoaoina i matou e le matou vasega e faaaoga le faatuata, ia filiga, galue malosi, ma aioi atu i le Alii-faalagolago e le na o o matou tomai ma tomai e maua ai se galuega ae faapea foi i le fesoasoani a le Tama Faalelagi."

Faafetai i lana vaega o le Sueina o se Galuega e sili atu, na maua ai e Sister Gregory le tele o tomai i le fai soo o le fetufaai atu o tulaga e agavaa ai ma le faafesootaia o tagata ma pisinisi e faa-aoga ai se meafaigaluega i upega tafalagi ua taua o "O A'u i le 30 Sekone." O A'u i le 30 Sekone o se faamatulaga e fesoasoani i tagata e ana galuega e malamalama i le ituaga o galuega e saili e se tagata faigaluega, aafiaga o le tagata, ma le auala e mafai ai e le tagata ona fesoasoani i le pisinisi ia manuia.

E tusa o le valu vaiaso i lana vasega, sa lagona e Sister Gregory le uunaiga i se tasi aso e tootuli ai ma tatalo e le aunoa i le aso atoa mo se fesoasoani.

"Na ou faamaulaloa a'u," o lana tala lea. "Sa ou matuai manaoia lava le Tama Faalelagi e fesoasoani ia te au e saili se mea. Ou te le o fai atu ou te manao e avea ma pule pe ou te manao e maua ni tupe se tele. Sa na o lo'u manao i se galuega. Sa sasaa atu lo'u loto i le Alii."

I le avea ai o se vaega o lana "meaaoga" i lena aso, na ia apalai atu ai i ni avanoa se lima faaeletonika. O le aso lava na sosoo ai, na vili atu ai se tagata faigaluega e faatalanoa o ia mo se galuega o se ofisa i se lala o se fale-tupe. Sa fafia o ia na vave ona taliina ana tatalo.

"Sa ou le popole e uiga i le faatalanoaga, aua sa ou faataitai i totonus o le vasega mo se taimi umi," o le tala lea a Sister Gregory. Ae ui i lea, sa ia tatalo faatauanau ao lei faia le faatalanoaga. "Tama Faalelagi," sa ia augani atu ai, "faamolemole tuu upu i lo'u gutu ina ia mafai ai ona ou tali sa'o ma ina ia mafai ai e i latou o faatalanoaina a'u ona iloa le taua o mea ou te ofoina atu."

"O le a Suia Lou Olaga"

Ia Mati 2018, i ni nai aso talu ona uma le faatalanoaga a Sister Gregory, na taunuutu ai Mickey ma Margaret Foster i se nofoaga e paka ai taavale i le falesa a Newport Beach e asiati ai i lena afiafi i le vaega o le Sueina o se Galuega e sili atu. O le au Fosters, a'o auaua ai o ni faifeautalai sinia mo le Auaunaga

o le Ola Tutoatasi, na vave taunuutu mai ma sa maofa i le vaaia o Blanca ua leva ona paka lana taavale iina.

"Sa matuai fafia lava o ia na oso i totonus o le ma taavale e ta'u mai ia i maua o lea faatoa maua sana galuega," o le tala lea a Elder Foster. "Sa ia faamatulaina le tele o lona alofa mo lona Tama Faalelagi ma le taua o le polokalame amata o le ola tutoatasi ma lana vaega o le ola tutoatasi ia te ia i lana sailiga o se galuega."

Sa molimau foi Sister Gregory i le au Foster e le i lagona lava e ia muamua le vavalalata i le Faaola pe lagona ai foi Lona aafiaga tele i lona olaga. Na faatumuina i le lotofaafetai ma le fafia, na fetagisi uma le toatolu. I le tausaga mulimuli ane, sa tumau pea le faafetai o Sister Gregory mo lana vaega o le ola tutoatasi, mo le fesoasoani faalelagi, ma mo lana galuega o se ofisa o le fale-tupe.

"E lelei le totogi. E lelei le fa'atulagaga o taimi faigaluega. E lelei penefiti," o lana tala lea. O loo ia faaaogaina ona tomai, atiina ae taleni fou, ma "tuputupu ae i le kamupani."

"O le auai ai i le 12-vaiaso o le vaega o le Sueina o se Galuega e Sili Atu o se teugatupu e sili ona lelei e mafai ona e faia," na ia fai atu ai i so'o se tasi o sailia se galuega po'o vaavaai e sui lana galuega. "O le a le gata o le a fesoasoani ia te oe e fa'afouina lau tusi talosaga ma fefaaosaa'i ou tomai, ae o le a fesoasoani foi ia te oe e a'o'a'i ai e fa'aoga lou fa'atuatua ma tuputupu ae lau molimau. O le mea lena e faia ai le eseesega. O le vasega e na o ni nai itula i vaiaso taitasi, ae o le a fesoasoani tele. O le a suia ai lou olaga." ■

O Se Valaauga mo Ioane

Le avea ai ma se epikopo fou i le tele o tausaga ua mavae, sa ou matauina ai se tuafafine faamaoni o le sa auai i taimi uma i le lotu e aunoa ma lona toalua, o Ioane. Sa ou iloaina sa avea muamua o ia ma peresitene o le paranesi i le taimi na fausia ai lo latou falelotu. Na laitiiti le fesoasoani sa ia mauaina mai tagata o lana paranesi o lea na tigaina ai o ia i le faiga o le tele o le galuega ma na amata ai ona le toe malosi i le lotu.

A o atu tagata o le uarota i le latou fale, na te tutuina lana sikaleti ma tuu lana pia i luga o lona nofoa e pei o fai mai, "O le a e le mafai ona toe avatua a'u."

Mulimuli ane, na ou iloa ai o Ioane o se tagata e fa'aleleia masini-fale. O tagata

matutua o le uarota e masani ona valauina au e faaleleia mea. O lenei la ua ou iloa le tomai fai masini-fale a Ioane, o le a ou valaaau ia Ioane ma fesili atu mo fautuaga mo le toe faaleleia.

Sa ou faia lenei mea mo se tausaga e tasi. I lena taimi, sa matou manaomia ona valaaulia se failautusi a le uarota. Ina ua uma ona ou tatalo ma le agaga tatalo, sa uunaia au e faalautele atu le valaaulia ia Ioane.

Sa ou ta'u atu i le peresitene o le siteki ma sa ia fai mai, "E le mafai ona tatou valaaau ia te ia i le taimi nei! E ulula ma i ai lana pia." Sa ou talosagaina le peresitene o le siteki e valaaau pea ia te ia mo se faatalanoaga. Na sau Ioane

i le faatalanoaga ae na tali mai ma le malosi, "Leai, ou te le agavaa."

Na faaaauau pea mea e pei ona sa i ai muamua--sa tumau pea le le toaga o Ioane, ma sa ou valaauina o ia mo se fautuaga. I le taimi lea, ou te lei fai atu se mea ia te ia e uiga i le toe foi mai i le lotu. Sa ou talosagaina le peresitene o le siteki e faatalanoa o ia mo le taimi lona lua. Na toe fai mai foi Ioane leai, ae o le taimi lea na ia faaopoopo mai ai, "O le a ou ta'u atu ia te oe pe a ou sauni."

Ina ua mavae lenei mea, sa ou valaaau pea ia Ioane mo se fautuaga ma faaaumeaina o ia i le mea sili ou te mafaia.

I se tasi aso sa ou taliina le telefoni ma faalogo atu, "O le Epikopo matua




O Le Faamanuiaga o le Toesea

lea?" Na amata ona ia faaigoaina a'u i le igoa lena. "O Ioane lenei. Ua ou saunia." Ona valaauina ai lea o ia ma avea ma failautusi o la matou uarota.

A o mavae atu tausaga, sa auauna Ioane i le tele o valaauga. O ia ma lona faletua sa galulue faatasi i se misiona, ma o lea la ua la galulue i le malumalu. I le pati mo le faamanatuina o le 50 tausaga o le ma faaipoipoga, na tusia ai e Ioane se tusi na faapea mai, "Epikopo, faafetai mo le faasaoina o lo'u ola."

E le mafai ona ou tuuina i upu le fafia ou te lagona i le iloaina na toe foi Ioane i le lotu ona o lo'u onosai ma fesili atu ia te ia mo se fesoasoani pe a ou manaomia. ■

Burke Waldron, Iuta, ISA



Mulimuli ane, ina ua uma ona ma taumafai mo se taimi umi, sa ma faatalitali mo le ma tama muamua. Ma'eu le fafia ma lagona! Sa sologa lelei mea uma. O lo ma afafine na amata ona malosi, tuputupu ae, ma o tagata uma na siomia i ma'ua sa fafia e pei o i ma'ua mo le faamanuiaina i lenei afafine ua leva ona faatalitali i ai.

Ae na amata ona i ai faafitauli. O se faafitauli e le masani ai o le toto ma le ate na lamatia ai le pepe ma a'u. Na maua foi e fomai le toto ua potopotoi i le afuafu o le pepe. Ina ua atoa le ono masina, sa manaomia le fanau mai o le ma tama teine.

Ina ua fanau mai o ia, sa i lalo ifo o le pauna (0.5 kk) lona mamaafa ma na fuaina na o le 10 inisi (25 sm) le umi. I le falemai na taua o ia e tausimai o le matou "fitafita laitiiti." Ae o le fa aso talu ona fanau mai, na faasolo vaivai ma maliu ai o ia. O le fanauina o lo'u afafine ma ou alu i le fale e aunoa ma ia i o'u lima ma vaai i ana mea laiti i le fale na ou maua ai le tiga e le mafaamatatalaina!

Sa ou malaga ma lana tamai pusa maliu i o'u vae mo le lata i le 190 maila (300 km) seiā oo ina matou taunuū i lo matou nuu o Garruchos ma tanumia ai o ia iina. E i ai taimi e mafai ai ona ou lagonaina lona faatasi mai, e peiseai na

ia pa'i mai i o'u foliga ma lona lima. O lo'u toalua, o Gustavo, na faapaiaina le tuugamau, ma matou tanumia ai o ia.

Na matou faaaluina aso e tolū i le fale o o'u matua, lea na o mai ai tagata e asi i matou. O nisi e le malamalamā i le auala e mafai ai e le Atua ona faata-gaina lenei mea e tupu ia i ma'ua. Ae ma te le'i fesiligia lava le Alii. Na ia filifilia i ma'ua e avea ma matua o lenei tagata faapitoa, o lenei tamai agelu, o le na manaomia ni nai aso i lenei lalolagi e faataunuu ai lana misiona. Ma te le'i va'ai i lenei mea o se fa'asalaga po'o se tofotofoga. Na ma vaaia o se faamamuiaga. Ua avea nei ma o ma tiute le agavaa e toe faatasi ma ia.

E aumaia e le talalelei ia i maua le malamalamā, malosi, ma le faamoemoe o se tasi aso e mafai ai ona tausia o ia. Ioe, ma te faanoanoa i nisi o taimi, ma o nisi taimi ma te lagona ai le leai o se aoga. Ae o le Agaga e faamafanafanaina i ma'ua.

O loo ma taumafai ia maua se isi pepe, ma ma te iloa e tutupu mea e tusa ai ma le fuafuaga a le Alii ma le taimi. E alofa le Tama Faalelagi ia i tatou ma o le a le tuulafoaiina lava i tatou. E maeu lo ma'ua loto faafetai ia te Ia mo le saunia o se ala mo i matou e nonofo faatasi ai o se aiga i se aso. ■

Patrícia Moraes, Rio Grande do Sul, Pasila

Sa ou iloa o Ioane o se tagata e fa'aleleia masini-fale, o lea ou te vala'au ai ia te ia mo fautuaga e uiga i le toe faaleleia. Na te ta'u mai ia te a'u le mea e fai, ona ou taulimaina lea o le faafitauli.



O Le Lasagna o le Aso Fanau

Mo se taimi umi, sa ou lagonaina le naunau e tao falaoa pe fai ni meaai faaopoopo ma na ona momoli ifo lava i se tasi i la matou uarota e faasoa atu ai lo'u alofa ma le alofa o le Alii ia i latou, ae ou te lei faia lava.

Oute fiafia e kuka, ae na o maua ma lo'u toalua o lo'o i le fale i le taimi nei. O lea ou te faia ai ni taumafataga laiti ona o le tele o taumafataga e masani lava ona alu ai ni nai aso e mae'a ai.

I se tasi po sa ou filifili ai e fai ni lasagna. Nai lo le faia o se apa lapoa e tasi, sa ou faia ni tamai apa se lua. O le auala lena matou te aia ai leisi mo le 'aiga o le afiafi, ma e mafai ona ou tu'uina atu le isi apa i se tasi o mana'omia.

Sa ou valaau atu i le peresitene o le Aualofa e vaai pe i ai se tasi e manaomia

se meaai e momoli atu ia i latou. Sa ia ta'ua se tina nofotoatasi e faigaluega ma e toalua lana fanau. O lena aoauli, na ou auina atua se feau tusitusia i le tina ma ta'u atu ia te ia na ou faia se isi lasagna faaopoopo ma ou te manao e avatu ia te ia ma lona aiga.

Sa ia toe tali mai te au ma fai mai, "E matua ese lava! Ua lelei, manaia tele la" Sa i ai pea o ia i le galuega, ae o lana fanau lae ua i le fale, e mafai ona ou alu e momoli i ai i soo se taimi.

E le'i umi lava, ae toe fesili mai i se feau tusitusia i luga o le telefon, "Na e iloaina o nei lo'u aso fanau?" Sa ou faamautinoa atu ia te ia ou te lei iloaina. Sa tali mai o ia, "Ia, manuia le aso fanau ia te a'u!"

Ina ua ou alu e momoli le taumafataga, na faatoa manava o ia mai le

galuega. Sa matua'i fiafia o ia, faapena foi lana fanau.

I le Aso Sa, sa ia maua au i le lotu, ma na maligi ona loimata, na ia fai mai ia te au o tausaga uma i lona aso fanau, e faia ai e lona tinamatua lana taumafataga—ma o le lasagna foi e masani ona kukaina. O lona tinamatua na maliu i le tausaga ua mavae atu nei, ma o le aso fanau muamua lea na le i ai iinei lona tinamatua e faia se lasagna mo ia.

Ina ua ou alu atu e momoli le lasagna i lona aso fanau, na faamalosia ai lana molimau o loo silafia ma alofa le Alii ia te ia. Ma na faamalosia ai la'u molimau afai tatou te tuuina atu i tatou lava e avea ma meafaigaluega i aao o le Alii, o le a Ia faaali mai ia i tatou le mea e mafai ona tatou auauna atu ai. ■

Taofia le igoa, Texas, ISA

150 itulau i le Aso Tofi?

Sa ou i ai i le tulaga sili ona maualalo lo'u olaga. Na talosaga mai lo'u toalua mo se tete'aga ina ua tuua a'u mo se isi alii. Sa 30 o'u tausaga ma sa ma nonofo faatasi ma lo'u tina. Sa ou latalata foi i le le toe mauaina o la'u galuega.

O le faatonu sinia o le nusipepa lea na ou galue ai, na lapatai mai ia te au, "Afai e te toe sau i le galuega ona, o le a vave ona faate'aina oe." A o ou alu i le fale, sa ou mafaufau pe faapefea ona ou le toe inu.

I le taimi lena, na tutu ai ni faifeautalai se toalua ma talanoa mai ia te au e uiga i Le Ekalesia a Iesu Keriso o le Au Paia o Aso e Gata Ai. Sa ou fai atu ia i laua ou te le fia faalogo. Talu ai o a'u o se tusitala, o lea na uunaia ai a'u e avatu ia i laua la'u kata [lea e i ai lo'u igoa ma la'u numera].

I ni nai aso mulimuli ane, na fai mai ai lo'u tina e toalua ni Amerika sa i ai iina e vaai a'u.

"E i ai ia i laua se tasi o au kata," o lana tala lea.

O i laua lava o faifeautalai mai nai aso na muamua atu. Na tuu mai e se tasi oi laua se tamai tusi ma talanoa e uiga i

le Perofeta o Iosefa Samita. Ona tuuina mai lea e lana soa se Tusi a Mamona. Sa ia fesili mai pe e mafai ona ou fatauina ni nai mataupu. Ina ua ou malie e faia, na tilotilo lelei mai o ia ma fesili mai pe o le a ou fatauina itulau e 150.

"E le mafai!" Na ou fai atu ai.

"Ia, ma te toe foi mai i le Aso Tofi," o lana tala lea. Ua na o ni nai aso oo i ai. Ou te lei manatu e mafai ona ou fatauina na itulau i lena taimi.

Ina ua ou manava i le aso na sosoo ai, na malosi le uunaiga e sue a'u uo ma o e inu pia. Ona ou manatuina ai lea o le lapataiga a le faatonu sili ma itulau e 150 lea na fesiligia au e fatau. Sa ou alu i le fale ma amata ona ou fatauina le Tusi a Mamona. Sa ou fatauina foi le tamai tusi e faatau ia Iosefa Samita.

Sa pa'i mai le Agaga i lo'u loto ao ou fatau e uiga ia Iosefa Samita. Na ou lagonaina foi le moni o le Tusi a Mamona ao ou fatau ma aao atili

e uiga i le Faaola. E le'i umi ae ou fatauina itulau e 150. I le aso Tofi, na foi mai ai faifeautalai ma fesili mai pe na ou fatauina.

"Ioe!" Na ou fai atu ai. "Itulau uma e 150!"

Sa ou fia iloa atili. Ina ua la aoaoina au e uiga i le Upu o le Poto, sa ou fai atu ia i laua ua ou sauni e lafoai le ava malosi.

O le Aso Sa na sosoo ai, na ou alu ai i la'u uluai sauniga anapogi ma molimau. Sa ou faasoa atu la'u molimau fou e uiga ia Iosefa Samita ma le Tusi a Mamona. I se taimi puupuu mulimuli ane, sa papatisoina ma faamauina a'u o se tagata o le Ekalesia.

I le 48 tausaga talu ona ou papatiso, sa ou taumafai ai e tausi poloaiga ma tumau latalata i le Ekalesia. Na ou toe faaipoipo ma faamisiona ma lo'u toalua. I le aluga o tausaga, sa ou taliaina le tele o valaauga. O loo ou auauna atu nei i le malumalu. O taimi uma lava ou te i ai iina, ou te faafetai i le Alii mo le tosaina mai o a'u mai le pogisa ma aumai au i totonu o le malamalamama. ■

Hildo Rosillo Flores, Piura, Peru

A o ou alu i le fale, sa ou mafaufau pe faapefea ona ou le toe inu. I le taimi lena, na tutu ai faifeautalai e toalua e talanoa mai ia te au.

O o Tatou Tino Paia

Saunia e Marissa Widdison

Mekasini a le Ekalesia

Afai tatou te le aoaoina a tatou fanau e uiga i le taua e faavavau o tino, o le a taumafai ma le naunautai le lalolagi e aoao sese a tatou fanau mo i tatou.

I le 1 Korinito 6:19, ua aoao mai le Aposetolo o Paulo e paia o tatou tino: “Tou te le iloa ea o o outou tino o le malumalu lea o le Agaga Paia o loo ia te outou?” E le o se mea lea e aoao e le lalolagi. Nai lo lena, o savali faasese mafaufau o loo siomia ai a tatou fanau, siitia fesili ma fatuina ai masalosaloga.

O le a le faitino lelei atoatoa?

O a lavalava sa’o e tatau ona ofuina?

O le a le mea e tatau ona fa’aaoga ai lo’u tino?

O nai manatu nei mo le fesoasoani i tamaiti ia talisapaia o latou tino o ni meafaigaluega matagofie mo le lelei.

O Tino O Ni Meaalofa

O tino e eseese ituaiga, lanu, lapopo, ma tulaga gafatia. Atonu o le savali sili ona taua e mafai ona tatou fesootai atu ia tatou fanau, o tino *uma* o se faamanuiaga taua. O le mauaina o se tino faaletino o se vaega taua o le fuafuaga o le fafia—i mea uma, ua faia i tatou i o tatou agaga ma tino! (tagai Mataupu Faavae ma Feagaiga 88:15). E pei ona aoao mai e Paulo, o tatou tino o malumalu ia o le Agaga Paia.

O tamaiti, pei o tagata matutua, atonu e le fafia i foliga ma amioga a o latou tino. Ua lelei. Fesoasoani i lau tama ia malamalama e o’o lava i tino le atoatoa e faatagaina i tatou e a’oa’o ma tuputupu ae. E mafai ona tatou faia se fa’ata’ita’iga o le tulimatai atu i mea lelei e mafai e o tatou tino ona faia nai lo le popole tele pe faapefea ona foliga pe fa’atusa o tatou tino i isi. E i ai se aso, o le a tatou toetutu ai taitoatas, ma o o tatou tino “o le a toefuataia mea uma i o latou autino tatau ai ma atoatoa” (Alema 40:23).

Tausia o Tino

O amioga maloloina lelei a tamaiti e atinainea o le a faamanuiaina ai i latou mo o latou olaga atoa. I le avea ai ma matua, e i ai a tatou faatosinaga taua i meaai latou te ‘aia, a latou gaioioiga faaletino, o lo latou tumama ma faiga masani, ma isi auala latou te tausia ai o latou tino. I le faaopoopo atu i le fa’amatolosia oi latou ia ola maloloina, e mafai ona tatou fausia se siosiomaga faaleaiga e fa’ata’ita’iina nei filifiliga lelei. E aofia ai le faia o fa’amatolaga e le maasiasi ai e uiga i amioga faalefeusuiga ma suiga e fa’amoemoe o le a tulai mai i totonus o o latou tino ao latou tuputupu a’e. (Mo le fesoasoani i le faia o talanoaga talafeagai o vaitausaga, tagai i le *A Parent’s Guide* i le ChurchofJesusChrist.org.)





Taofia le Sauaina

O le mea e faanoanoa ai, e tusa ma le tasi i le toafa tagata i le lalolagi atoa na sauaina a o laiti.¹ E mafai ona tatou galalue e puipuia ma fa'amalosia a tatou fanau. E mafai ona tatou aoaoina i latou e fai atu “leai” i mea latou te le fiafia i ai, ma afaia e faatiga se tasi ia i latou, e tatau ona latou fesili atu mo se fesoasoani—ma faaau- au pea ona fesili atu seia latou sao- galemu. E mafai ona tatou a'oa'oina i latou i upu sa'o mo vaega o le tino, fai ni talanoaga e lagona ai le saogalemu e uiga i a latou fesili, ma fa'amalosia i latou e fa'alogo i le Agaga. (Tagai “Protecting Children” i le *Liahona* o Oketopa 2019.)

E tele savali matautia i le ala o faasalalauga e uiga i le tino. O a mea o faitau, matamata, ma fa'alogo i ai a tatou fanau? A o tatou aoaoina a tatou fanau e faailoa ma aloese mai faasalalauga leaga, o le a sili atu ona latou mafai ona iloa le va o upu- moni ma pepelo. (Tagai “Growing a Healthy Technology Garden” mai le April 2017 *Ensign*.)

Ia Agalelei

Pe tatou te faia ea ni upu le alofa e uiga i le tino a se isi tagata—e aofia ai ma tatou lava? Afai o lea, o lo'o tatou faia se fa'ata'ita'iga leaga mo a tatou fanau laiti. Nai lo lena, e mafai ona tatou faia se masaniga o le fa'aalia o le agaga faafetai mo mea e *mafai* e o tatou tino ona fai. E mafai ona tatou fa'ata'ita'iina faamatatalaga agalelei, e aofia ai le fa'amalosia o tagata i amioga ma uiga nai lo foliga vaaia.

Ma le mea mulimuli, e mafai e isi tagata ona tausia o latou tino i auala ua aoaoina ai i tatou e aloese ai. A o tatou fai atu ia tatou fanau ia aloese mai pe'a, tautaliga e tele, ma lavalava le talafeagai, ia mautinoa o tatou a'oa'oina foi i latou ia agalelei. E ui tatou te le malilie i filifiliga a tagata, e tatau ona tatou tausia isi ma le alofa ma le fa'aaloalo. ■



FAAMATALAGA

1. Tagai World Health Organization, “Violence and Injury Prevention,” www.who.int/violence_injury_prevention/violence/child.

MO TAMAITI

I le *Uo* mo lenei masina:

- O Lou Tino O se Malumalu (Aok. 2019, itulau U12)

Mo isi punaoa, asiasi i le lessonhelps.lds.org ma kiliki le autu “Tino.”

MO LE TUPULAGA TALAVOU

I le *Liahona* mo lenei masina:

- O tusiga uma i le vaega a le autalavou (tagai itulau 50) ua aoao atu ai aoaoga faavae e faatatau i le tino.

Mo isi punaoa, asiasi i le youth.lds.org.



M A T A U P U 2

Ua Lava le Mamalu

Tusi a le Faatonu: O se upusii lenei o le mataupu 2 mai le Au Paia, Leai se Lima Elelea, voluma 2 i le faasologa o tusi o le Au Paia. O le mataupu muamua, i le lomiga o Iulai, o loo faamatalaina ai le vaega na muamua atu o le Au Paia na malaga atu, sa ta'ua o le "Tolau-apiga a Isaraelu." Na latou tolauapi i Sugar Creek, e le mamao ese i le isi itu o le Vaitafe o Misisipi mai Navu. I le aso 1 o Mati, 1846, na amata ai e Polika Iaga ona taitai le vaega na muamua atu i sisifo.

Ao tuua e le Au Paia ma Polika Iaga le Sugar Creek, sa nofo ai pea i Navu ia Luisa Pratt, e fasefulu ma le tolu ona tausaga, ma sauniuni ai e tuua le aai faatasi ma lana fanau teine laiti e toafa. O le tolu o tausaga na muamua atu, na valaauiua ai e le Alii lana tane, o Addison, i se misiona i Motu o le Pasefika. Talu mai lena taimi, o le le faatuatuaina o le tautua o meli feaveai i le va o Navu ma Tubuai, o le motu i Farani Polenia lea sa auauna atu ai Addison, na faigata ai ona fesootai ma ia. O le tele o ana tusi ua ta'i fia masina le umi ae faatoa taunu mai, ae o nisi na sili atu ma le tausaga le leva.

O le tusi aupito lata mai a Addison na faamanino mai ai, o le a le fetaui le taimi e oo mai ai i le fale ma le taimi latou te o atu ai i sisifo. Sa faatonuina o ia e le Toasefululua e nofo ai pea i Motu o le Pasefika seia oo ina latou valaauiua mai e foi atu pe auina mai ni faifeautalai e sui ia te ia. I se tasi o taimi, sa faamoemoe ai Polika e auina atu nisi faifeautalai i atumotu ina ua uma ona maua e le Au Paia ia faaeega paia, ae o le savaliga toatele mai Navu na tolopoina ai lena fuafuaga.¹

Sa manao Luisa e alu i le malaga e aunoa ma lona toalua, ae o le mafaufau e uiga i ai na popole ai o ia. Sa le fafia i le tuua o Navu ma le malumalu, ma sa le fafia foi i le manatu o le malaga i taavale soloanua i luga o Mauga Papa. Sa manao foi o ia e vaai i ona mātua ua pulapula lagoto soifua i Kanata—atonu e mo le taimi mulimuli lava—a'o le'i o atu i sisifo.

Afai na te faatauese atu ana povi toso taavaletoso, e mafai ona lava se tupo e asiati atu ai i ona matua ma totogi ai pasese mo lona aiga i se vaa e alu atu i le talafatai o Kalefonia, ma faapea ona aloese ai mai le malaga i luga o le laueelele.

Na toeitiit lava a mautu le manatu o Luisa e o atu i Kanata, ae sa i ai lava se mea na ia lagonaina le le fetaui. Sa tonu ia te ia e tusi atu ia Polika Iaga e uiga i ona atugaluga e faatatau i le malaga i luga o le laueelele ma lona manao e vaai i ona matua.

Sa ia tusi atu, "Afai e te saunoa mai o le malaga i taavaletoso e toso e povi o le auala sili lea ona lelei mo le faaolataga, o le a ou auai i ai ma lo'u loto ma lo'u malosi atoa, ma





ou te talitonu e mafai ona ou lavātia e aunoa ma se faaseā e pei o se isi lava tamaitai.”²

I se taimi puupuu ane, na taunuū ane ai se avefeau ma le tali a Polika. “O maia. O le laveaiga i povi toso taavaletoso o le auala aupito saogalemu lea,” sa ia fai atu ai ia te ia. “O le a faafetaui i tatou e Uso Pratt i le vaomatua, i le mea tatou te malolo ai, ma o le a matuai le fiafia lava pe afai e le i ai lona aiga faatasi ma i matou.”

Sa mafaufau Luisa i le fautuaga, saunia lona loto ia faafeagai ma le auala faigata na i luma atu, ma filifili ai e mulimuli i le tino autu o le Au Paia, e tusa lava pe ola pe oti ai.³

O le tautotogo lena, sa faatalise ai le aufaigaluega e faauma le malumalu a'o le'i oo i lona faapaiaga faalauaitele i le aso 1 o Me, Sa latou faia se fola piliki e faataamilo i le faataanoa o le vai papatisoga, faapipii ia laupapa teuteu i o latou tulaga, ma vali ia puipui. Sa alu le ao atoa o faia le galuega ma sa masani ona faia seja tau lava i le po. Talu ai ona sa itiiti tipe a le Ekalesia e totogi ai le aufaigaluega, o le toatele o i latou sa ositaulagaina vaega o o latou totogi ina ia mautinoa na saunia le malumalu e faapaia i le Alii.⁴

O le lua o aso a'o lumanai le faapaiaga, na faauma ai e le aufaigaluega ona vali le potutele mo potopotoga i le fogafale muamua. O le aso na sosoo ai, na latou saluina ai i fafo le pefu ma otatoa o le potu tele ma tapena ai mo le sauniga. Sa le mafai e le aufaigaluega ona faauma nai vaega laiti o potu uma lava, ae na latou iloaina, o le a le taofia e na mea le Alii mai le taliaina o le malumalu. O le talitonu e faapea ua latou faataunuina le poloaiga a le Atua, na latou valiina ai upu “Ua silasila mai le Alii i la tatou osigataulaga” i luga a'e o pulelaa e faasolo i puipui i sasae o le potutele o potopotoga.⁵

O le nofouta ai i le aitalafu na latou nofo aitalafu ai i le aufaigaluega, na faasilasila ai e taitai o le Ekalesia e faapea, o le sauniga muamua o le faapaiaga o le a faia o se fuafuaga

mo foai agaalofa. Sa talosagaina i latou na auai atu e foai atu se talā e fesoasoani e totogi ai le auleipa le tagolima.

I le taeao o le aso 1 o Me, na tuua ai e Elvira Stevens e sefuluфа tausaga ia lana tolauapiga i sisifo o Misisipi ma sopoia le vaitafe ina ia auai i le faapaiaga. O se teineitiuti matuaoti sa le'i leva ona siitia atu lona aiga i Navu ae maliliu ona matua, ae o lea ua nonofo nei Elvira ma lona uso ua faaipoipo. Ona na leai se isi tagata o lana tolauapiga na mafai ona auai faatasi ma ia mo le faapaiaga, o lea sa alu ai na'o ia.

O le iloa ai e faapea, atonu o le a tele ni tausaga faatoa toe fausia se isi malumalu i Sisifo, o lea na faataunuina ai e le au aposetolo ia faacega paia o nisi o tagata talavou nofufua, e aofia ai ma Elvira. O lenei la, i le tolu o masina mulimuli ane, sa a'e'a' atu ai o ia i faasitepu e toe agai atu i faitotoa o le malumalu, ma foai atu lana talā, ma maua ai se nofoaga i totonus o le potu tele o potopotoga.⁶

Sa amatalia le sauniga i se viiga mai se aufaipese. Ona faia lea e Orson Hyde le tatalo o le faapaiaga. “Ia foai mai Lou Agaga e mafuta iinei,” sa ia aioi ai, “ma tau ima lagona e tagata uma se faatosinaga paia i o latou loto sa fesoasoani Lona aao i lenei galuega.”⁷

Sa lagona e Elvira le mana faalelagi i totonus o le potu. Ina ua uma le sauniga, sa toe foi atu o ia i lana tolauapiga, ae sa toe foi mai o ia mo le isi sauniga na sosoo ai i le lua o aso mulimuli ane, ma le faamoemoe ia toe lagona ai lea lava mana e tasi. Sa tuuina atu e Orson Hyde ma Uilifoti Utilafi ni lauga e uiga i galuega o le malumalu, perisitua, ma le toetutu. Ae lei faama-e'aina le fonotaga, na viia e Uilifoti le Au Paia mo le faamaeaina o le malumalu e ui lava o le a tatau ona latou lafoaiaina.

Sa ia saunoa atu, “E faitau afe le Au Paia ua maua o latou faaeega paia i totonus [o le malumalu], ma o le a le pe lava lea malamalamala.” “Ua lava le mamalu lenei mo le fausiaina o le malumalu.”

Ina ua uma le sauniga, sa toe foi atu Elvira i lana tolauapiga, ma toe sopoia ai le vaitafe mo le taimi mulimuli.⁸ O le taimi lea,

na faaalu e le Au Paia i Navu le taimi atoa na totoe o le ao ma le po e tapena ai ma aveese nofoa, laulau ma isi meafale seja oo ina gaogao le malumalu ma tuu atu ai i aao o le Alii.⁹

Na mamao lava i luma i le ala, na malolo ai Polika ma le Tolauapiga a Israueli i se nofoaga na ta'ua o Mosquito Creek, e le mamao mai le Vaitafe o Misuri. Sa latou fiaai, e lua masina na tuai ai ma le taimi atofaina, ma matuai matitiva lava.¹⁰ Ae sa maua'i lava Polika e auina atu se vaega e muamua atu i luga o Mauga Papa. Sa talitonu o ia, na manaomia ona faatini e se vaega o le Au Paia le malaga i lena vaitau, aua o le umi lava e feofeoai ai le Au Paia e aunoa ma se nofoaga mautu, o le a taumafai foi ona fili e faataapeape i latou pe poloka lona auala.¹¹

Peitai, sa silafia e Polika, o le faalavalavaina o se vaega faapea o le a afaina ai punaoa o le Au Paia. E toaitiiti na i ai ni tupe po o ni sapalai faasili, ma na faatapulaa ni avanoa na tuiuna mai e Iowa mo ni galuega totogi. Ina ia feola i laufanua vaoa, e toatele le Au Paia na faatau atu a latou meatotino taugata i le ala pe na galulue i soo se ituaiga galuega ia maua ai ni tupe mo meaai ma sapalai. A o agai atu le tolauapiga i sisifo ma tau leai ni tagata o nuu, o le a na ona atili faigata ai ona maua nei avanoa.¹²

Sa mamafatū foi isi mataupu ia Polika. O tagata o le Au Paia sa le'i auai i le vaega na muamua atu, sa manaomia se nofoaga e nonofo ai mo le taumalulu. Sa mananao le au Omaha ma isi tagatanuu Moni o e sa aināina le laueelele i sisifo o le Vaitafe o Misuri, e faataga le Au Paia e tolauapi iina i le taimi o le tau malulu, ae sa mumusu sui o le malo e faataga i latou e nofoia fanua na puipuia e Initia mo se vaitaimi umi.¹³

Sa silafia foi e Polika, o le Au Paia mamai ma limavaivai o i Navu, sa faalagolago i le Ekalesia e ave atu i latou i sisifō. Mo se taimi, sa faamoemoe ai o ia e fesoasoani atu ia i latou e ala i le faatau ese atu o meatotino taua i Navu e aofia ai le malumalu. Ae e oo ane i le taimi lea, e le'i faamanuiaina lava lenei taumafaiga.¹⁴

I le aso 29 o Iuni, na iloa ai e Polika e toatolu ni alii ofisa mai Fitafita a le Iunaite Setete na o mai i Mosquito Creek. Na faasilisa e le Iunaite Setete le taua ma Mekisiko, ma na faataga e Peresitene James Polk ia alii e saili se autau e toa 500 o le Au Paia mo se osofaiga faamilitel i le gataifale o Kalefonia.¹⁵ ■

Ina ia faitau le vaega atoa o le mataupu, faamolemole asiasi i le aupai. Church of Jesus Christ.org po o le lomiga faaeletonika o lenei tusiga i le lomiga o le Liahona a Aokuso i le Gospel Library po o le liahona. Church of Jesus Christ.org.

O le upu Autu i faamatalaga ua faaalia ai faamatalaga faaopoopo i le saints. Church of Jesus Christ.org.

FAAMATALAGA

1. Louisa Barnes Pratt to Brigham Young, Mar. 24, 1846; Brigham Young to Addison Pratt, Aug. 28, 1845, Brigham Young Office Files, CHL; tagai foi *Au Paia*, volume 1, mataupu 41. **Autu:** Louisa Barnes Pratt
2. Louisa Barnes Pratt to Brigham Young, Mar. 24, 1846, Brigham Young Office Files, CHL; Louisa Barnes Pratt, Journal and Autobiography, 127.
3. Louisa Barnes Pratt, Journal and Autobiography, 127. O le fuaiupu mulimuli o le upusii ua faasa'oina mo le faigofie ona fuaitau; o le uluai punavai o loo i ai le "O le a faafetaui i tatou e Uso Pratt i le togavao tatou te nonofo ai, o le a matuai le fiafia lava pe afai e le i ai faatasi lona aiga ma i matou."
4. Mendenhall, Diary, Apr. 1–4, 1846; Samuel W. Richards, Journal, Apr. 22–29, 1846; Haight, Journal, Apr. 6, 1846; Morris, Autobiography, 40–41.
5. Samuel W. Richards, Journal, Apr. 23 and 29–30, 1846; Brigham Young, i le *Journal of Discourses*, Jan. 1, 1877, 18:304; Lanman, *Summer in the Wilderness*, 31–33.
6. Barney, "Ruins of the Nauvoo Temple"; JSP, CFM:525, note 71.
7. Historian's Office, General Church Minutes, Thomas Bullock booklet no. 8, May 1, 1846.
8. Barney, "Ruins of the Nauvoo Temple"; Historian's Office, History of the Church, volume 15, May [1], 1846, 34; Scott, Journal, May 1, 1846; Woodruff, Journal, May 1 ma le 3, 1846.
9. Holzapfel and Cottle, "Visit to Nauvoo," 11. **Autu:** Nauvoo Temple [Malumalu o Navu]
10. Bennett, *Mormons at the Missouri*, 45. **Autu:** Pioneer Trek [Sopoaga Umi a Paionia]
11. Historian's Office, History of the Church, volume 15, June 28, 1846, 87–89; Brigham Young to William Huntington and Council, June 28, 1846, Brigham Young Office Files, CHL.
12. Orson Pratt, Journal, Feb. 1846; Mar. 6, 1846; June 19, 1846; tagai foi Bennett, *Mormons at the Missouri*, 32–33.
13. Brigham Young to William Huntington and Council, June 28, 1846, Brigham Young Office Files, CHL.
14. "Conference Minutes," *Times and Seasons*, Nov. 1, 1845, 6:1011; Orson Pratt, Journal, Apr. 28–29, 1846; Brigham Young to Jesse Little, Jan. 20, 1846; Jesse Little to James K. Polk, June 1, 1846, Jesse C. Little Collection, CHL.
15. Historian's Office, History of the Church, volume 15, June 29–30, 1846, 89–90; Quaife, *Diary of James K. Polk*, 444–50; Brigham Young to "the High Council of the Church," Aug. 14, 1846, Brigham Young Office Files, CHL; tagai foi Arrington, *Great Basin Kingdom*, 21. **Autu:** Mexican-American War [Taua a Mekisiko-Amerika]



Na laulioa o le Autau a Mamona, toeitiiti atoa le 500 tagata o le Au Paia o Aso e Gata Ai na ofo atu e auauna atu i le Vaegaaau a le I.S ma o atu i Kalefonia.

Tofiga o Au Peresitene i Eria

Ua faasilasila mai e le Au Peresitene Sili e faapea, e fitu eria i le Iunaite Setete ma Kanata o le a tuufaatasia i ni eria se tolu. O lenei suiga faapea ai ma tofiga nei o Au Peresitene o Eria o le a faamamaluina i le aso 1 o Aokuso.

Sa faamalamalama mai e Peresitene M. Russell Ballard, le Sui Peresitene o le Korama a Apostolo e Toasefululua e faapea, o AuPeresitene o Eria e “taulai atu i manaoga patino o itulagi taitasi, e avatu ai fautuaga ma taitaiga i taitai faaleitulagi ma faalelotoifale.” ■

Aferika i Sautesasae



Joseph W.
Sitati
Fesoasoani
Muamua

S. Mark
Palmer
Peresitene

Joni L.
Koch
Fesoasoani
Lua

Aferika i Sisifo



Edward
Dube
Fesoasoani
Muamua

Marcus B.
Nash
Peresitene

Hugo E.
Martinez
Fesoasoani
Lua

Asia



Peter F.
Meurs
Fesoasoani
Muamua

David F.
Evans
Peresitene

David P.
Homer
Fesoasoani
Lua

Asia i Matu



Takashi
Wada
Fesoasoani
Muamua

Yoon Hwan
Choi
Peresitene

L. Todd
Budge
Fesoasoani
Lua

Pasila




Adilson
de Paula
Parrella
Fesoasoani
Muamua

Marcos A.
Aidukaitis
Peresitene

Joaquin E.
Costa
Fesoasoani
Lua

Keripiane




Eduardo
Gavarret
Fesoasoani
Muamua

Jose L.
Alonso
Peresitene

Jorge M.
Alvarado
Fesoasoani
Lua

Amerika Tutotonu



Brian K.
Taylor
Fesoasoani
Muamua

Juan A.
Uceda
Peresitene

Alan R.
Walker
Fesoasoani
Lua

Europa



Massimo
De Feo
Fesoasoani
Muamua

Gary B.
Sabin
Peresitene

Erich W.
Kopischke
Fesoasoani
Lua

Europa i Sasae



Hans T.
Boom
Fesoasoani
Muamua

Christoffel
Golden
Peresitene

Alexey V.
Samaykin*
Fesoasoani
Lua

Mekisiko





Rafael E.
Pino
Fesoasoani
Muamua

Arnulfo
Valenzuela
Peresitene

John C.
Pingree Jr.
Fesoasoani
Lua

Sasae Tutotonu/Aferika i Matu





Larry S.
Kacher
Fesoasoani
Muamua

Anthony D.
Perkins
Peresitene

Jeffrey H.
Singer*
Fesoasoani
Lua

Taitaiina mai le laumua
o le Ekalesia

Amerika i Matu Tutotonu





Chi Hong
(Sam)
Wong
Fesoasoani
Muamua

S. Gifford
Nielsen
Peresitene

Matthew L.
Carpenter
Fesoasoani
Lua

Amerika i Matu Matusasae





Allen D.
Haynie
Fesoasoani
Muamua

Randall K.
Bennett
Peresitene

W. Mark
Bassett
Fesoasoani
Lua

Amerika i Matu Sautesasae





Vern P.
Stanfill
Fesoasoani
Muamua

James B.
Martino
Peresitene

Hugo
Montoya
Fesoasoani
Lua

Amerika i Matu Sautesisifo





Adrián
Ochoa
Fesoasoani
Muamua

Paul B.
Pieper
Peresitene

Kyle S.
McKay
Fesoasoani
Lua

Amerika i Matu Sisifo





Scott D.
Whiting
Fesoasoani
Muamua

Kevin W.
Pearson
Peresitene

Jörg
Klebingat
Fesoasoani
Lua

Pasefika





K. Brett
Nattress
Fesoasoani
Muamua

Ian S.
Ardern
Peresitene

Kazuhiko
Yamashita
Fesoasoani
Lua

Filipaina





Taniela B.
Wakolo
Fesoasoani
Muamua

Evan A.
Schmutz
Peresitene

Steven R.
Bangerter
Fesoasoani
Lua

Amerika i Saute Matusisifo





Jorge F.
Zeballos
Fesoasoani
Muamua

Enrique R.
Falabella
Peresitene

Mathias
Held
Fesoasoani
Lua

Amerika i Saute Saute





Mark A.
Bragg
Fesoasoani
Muamua

Benjamín
De Hoyos
Peresitene

Juan Pablo
Villar
Fesoasoani
Lua

Iuta





Randy D.
Funk
Fesoasoani
Muamua

Craig C.
Christensen
Peresitene

Walter F.
González
Fesoasoani
Lua

* Fitugafulu Eria

Manatunatu i Lou Faasinomaga Moni

Ole a se mea e te va'ai i ai pe a e tilotilo i le fa'aata?

E te filifilia mea e te le fiafia e uiga i ou foliga vaai'a? E te fasia oe lava mo au mea sese po o vaivaiga? E te va'ai i foliga o se tasi e faitioina oe o tilotilo atu?


Pe o e vaai ia oe lava o se atalii o le Atua? E te va'ai i se tasi e manatu lelei ma fa'aalia le agaga faafetai e tusa lava po o le a le tulaga? E te va'ai i foliga o se tasi e faaalia ia te oe i le agaalofa?

A tatou malamalamala pe o ai moni lava i tatou, e mafai ona tatou faatoilaloina le faitio o le tagata lava ia, naunauga ia atoatoa, ma amioga faaleaganuu matuia. E mafai ona tatou le toe taulai tele atu i o tatou ata i le faaata ae nai lo lena ia saili e atagia le Malamalamama o Keriso. I lenei lomiga, o le a e faitau e uiga i foliga o le tino ma o'o mai i se malamalamama e sili atu i lou lava taua. Ou te faasoa atu nisi o malamalamaga i ata o le tino mai upumoni o loo maua i totonusi o tusitusiga paia ma le malumalu (tagai itulau 44). I totonusi o se tusiga faaeletonika, na faailoa ai e Sandra Vanessa le agaga faafetai mo lona tino e ala i le tiga ae o se suiga o le olaga o le mauaina o se pepe.

I le itulau e 48, ua faasoa atu ai e Marcus lana tala i le auala na ia faatoilaloina ai vaai'a le lelei faaletagata lava ia ma le auala e mafai ai ona tatou iloa uma lava ua lava lo tatou "lelei"--e ala i le Togiola a lesu Keriso, e mafai ai ona tatou manumalo i mea uma.

I le avea ai ma soo o Keriso, e le mafai ona tatou fusifusia i filosofia fesuisuiai pea o le lalolagi e uiga i le soifua maloloina ma foliga vaai'a, e le tatau foi ona tatou faia a tatou tautinoga i le soifua maloloina lelei i soona fai. Manatua, o lou taua e le sau mai le lapoa po'o le foliga o lou tino. O lou taua e le i'u, ma e mai le Atua.

Ma le faamaoni lava,
Aspen Stander



AUTALAVOU MATUTUA

FAUTUAGA SILI . . .

Ua faasoa mai e talavou matutua a latou fautuaga sili e uiga i le faaleleia o foliga o lou tino:

"Aua e te popole i mafaufauga o isi vagana manatu o le Alii ia te oe! Ou te taumafai e manatua o na manatu e sau mai ia Satani aua e leai sona tino."

—Lauren Appleby, *Kuiniselani, Ausetalia*

"Faaalu le taimi e attina ae ai se sootaga anoa ma Keriso. Ou te le toe mafaufau e uiga ia te a'u lava ia. Taulai atu i isi ma pe faapefea ona e faia se suiga i le lalolagi."

—Emily Speth, *Iuta, ISA*

"Ou te mafaufau i mea uma e mafai e lo'u tino ona fai: sii se tamaitiiti, savali, tamoe, taalo, pese, ma fesoasoani i isi."

—Blythe Brady, *Iuta, ISA*

O le a le fautuaga sili na e maua e uiga i le fo'ia o mea ua fai ma vaisu, e o'o lava i mea e pei o telefoni ma taaloga vitio? Auina mai lau tali i le liahona.ChurchofJesusChrist.org ae le'i oo i le aso 31 o Aokuso, 2019.

FAASOA MAI LAU TALA

E i ai ni au tala uiga'eise e faasoa mai? Pe e te manao e vaai i ni tusiga e uiga i ni matapu faapitoa? Afaia o lea, matou te fia faalogo atu ia te oe! Auina mai au tusiga po o lou manatu faaalua i le liahona.ChurchofJesusChrist.org.

E UIGA I TUSITALA AUTALAVOU MATUTUA


Aspen Stander e faigaluega o se faatonu, o nisi taimi e fiafia e tusitala, ma e naunau e fiaitau tusi. E fiafia o ia e a'e i mauga, faimalaga solo, ai sukalaki, ma le taina o le piano.




Marcuz Paiz o se tagata faigaluega mo se kamupani tekinolosi amata. E fiafia e faamalositino, pesepese, ma le tafafao faatasi ma lona faletua o Sara, ma la pusi e tolou. Sa ia auauna atu faamisiona i le misiona a Mesa, Arisona, ISA.



Sandra Vanessa Vargas-Corvalan e sau mai le Aai o Mekisiko, Mekisiko. Sa ia auauna atu faamisiona i le misiona a Charlotte, Karolaina i Matu, ISA. O ia o se tagata e fiafia i le YouTube e fiafia e fesoasoani i ni tina fou, fai faamalositino o le yoga, vali, ma faaalu le taimi ma lana tane, o Miqueas, ma le la tama teine, o Sofia.




Aubrey Johnson ua fiafia e faaipoipo i le manamea o lona olaga ma e alofa i lona aiga. E fiafia o ia e fesoasoani atu i isi ia maua le olioli i le olaga moni ma e ala i lana faitotoa Instagram.



I LE VAEGA LENEI

- 44 Na Foafoaina i Lona Faatusa
Saunia e Aspen Stander
- 48 Lagonaina "Ua Lava Lelei":
Auala e 3 e Faatoilaloina ai le
Vaaiga Le Lelei Faaletagata
Saunia e Marcus Paiz



NA O POLOKALAMA FAAELETONIKA

Mafuaaga Ou Te
Lotofafetai ai mo Lo'u Tino
ina ua Mavae le Ma'itaga
Saunia e Vanessa
Vargas-Corvalan

**Mauaina o le Olioli
ia te Oe Lava**
Saunia e Aubrey Johnson




Saili nei tusiga ma le tele:

- I le liahona.Ids.org
- I le **YA Weekly** (i lalo o le vaega mo Autalavou Matutua i le Gospel Library)
- I le facebook.com/liahona

Foafoaina i Lona Faatusa

E lei faia o tatou tino
ina ia faaalialia pe
viia pe fa'amasinoina
i luga o tulaga taua
o le matagofie. Na
foafoaina i latou ina
ia tatou maua ai le
ola e faavavau.





Aspen Stander

Mekasini a le Ekalesia

Ilenei vaitau faatekinolosi, ua osofaia i tatou i savali o faapea mai o o tatou tino e le'o lelei tele seiiloga ua i ai i se lapoa ma se foliga faapitoa. O nisi o faamatalaga i luga o upega tafa'ilagi e foliga mai e tatau ona tatou 'aai na o vaiinu mai laulaau lanumeamata e faia mai fualaau aina ma laau toto ma momo'e i le 10 maila (16 km) i le aso ina ia maua ai le tino "atoatoa" ina ia alofagia ai e uo, aiga, faapea ma tagata ese.

O le toatele oi tatou e maasiasi e uiga i mea tatou te manatu o ni faaletonu io tatou tino. Tatou te lagona talu ai e le mafai ona tatou atoatoa—talu ai tatou te le foliga pei o se faataitaiga [tagata aulelei] i Ata Faasalalau—tatou te le agavaa mo le alofa ma le talaina.

Ae e leai se isi mea e sili atu ona sese nai lo le mea moni. O o tatou tino o ni meaalofa mai le Atua. E lei faia o tatou tino ina ia faaialalia pe viia pe fa'amasinoina i luga o tulaga taua o le mata-gofie. Na foafoaina i latou ina ia tatou maua ai le ola e faavavau.

Upumoni Paia

I le mua'i olaga, na tuuina mai ai e le Tama Faalelagi Lana fuafuaga o le faaolataga i agaga i le lagi. I le avea ai o se vaega o Lana fuafuaga, o le a tatou maua se tino ina ia mafai ai ona tatou iloa le olaga faitino i le lalolagi. I o tatou tino faaletino, o le a tatou faaaogaina lo tatou faitalia e aoao ai le talalelei ma maua sauniga e mafai ai ona tatou toe foi atu e mau faatasi ma la o ni tagata toetutu.

O lea, o le fa'atulagaina ma le amataga o le fuafuaga, "Ona faia lea e le Atua o le tagata i lona faatusa, o le faatusa o le Atua na ia faia ai o ia; na faia e ia o i laua o le tane ma le fafine" (Kenese 1:27). Talu ai o lo tatou Tama Faalelagi e i ai se tino o aano ma ivi (tagai i le Mataupu Faavae ma Feagaiga 130: 22), o le mauaina o lou lava tino e maua ai e oe le gafatia e avea ai faapei o la. O tino faaletino e le na o ni mea e le talafeagai mo o tatou agaga—e taua mo lo tatou faaolataga ma le faaeaga.

E le o valaaicina i tatou e tausisia se mamafa faatulagaina pe ogatasi foi ma le matagofie o manatu o se sosaiete. Ua valaaicina i tatou e auauna atu i le Atua ma avea atili e faapei o lesu Keriso. Ua valaaicina i tatou e folafola atu le talalelei, e tausia ni aiga amiotonu i le Alii, ma mulimuli i le ala o le feagaiga e toe foi atu ai i lo tatou Tama i le Lagi.

O Pepelo a Satani

Afai o le i ai o se tino o se fa'ama-nuiaga sili, aisea e toatele ai tagata e tauivi ma foliga o le tino pe mata'i-tuina o latou foliga vaia faaletino? Aisea e toatele ai tagata e tilotilo io latou tino ma le inoino nai lo le alofa ma le tausiga na faia ai i latou?

O o tatou tino o se avanoa ma se meaalofa. Masalo o se tasi o mafua'aga e faatosina ai i tatou e Satani e tauivi ma le alofa po o le talisapaia o tatou tino ona e leai sona tino. Sa ia teenaina le fuafuaga o le faaolataga ma na tulieseina mai le lagi, e le mafai ona oo i le olioli tele po o tiga sili o le olaga faitino. E mafai ona ia faaososoina i tatou e mafaufau faapea e le lava le lelei o o tatou tino, e tatau ona tatou o atu i tulaga matautia ma le lelei e fetaui ma tulaga faatonuina a le lalolagi o le "matagofie." Afai tatou te talitonu e tatau ona tatou aulelei atoatoa ina ia tatou agavaa ai mo le alofa, o le a avea la tatou vaaiga ma mea e le paleni, ma e mafai e le tiapolo ona musumusu mai mafaufauga o le le atoatoa, le aoga, ma le inoino faaletaga io tatou mafaufau.

E manao Satani ia tatou faagaloina na foafoaina i tatou i foliga oo tatou Matua Faalelagi ma o lo tatou taua e faavavau e le faalagolago i mea tatou te foliga i ai. E iloa e le fili o le autilo ma le naunautai io tatou tino o se faalavelave i mea e sili ona taua: o tatou tulaga faatonuina, o a tatou fegalega-leaiga ma isi tagata, ma la tatou sootaga ma le Atua. E manao le tiapolo ina ia tatou popole tele i o tatou foliga

po o lo tatou mamafa ia galo ia i tatou le galuega ua valaauina i tatou e fai e faalautele ai le fuafuaga o le fiafia.

Faaeeina i le Mana

O o tatou tino o meaalofa mai le Atua, ma e taua tele ao tatou saili e alualu i luma i le ala o le feagaiga. O le malamalamo o le i ai o se tino o se avanoa ua faafitia ia i latou o e na filifili e mulimuli i le fuafuaga a Lusifelo ae le o le mulimuli i le Tama Faalelagi ma lesu Keriso e matua maoae le mamana. Tatou te manaomia o tatou tino e maua ai sauniga o le malumalu, lea e mafai ai foi ona tatou aoaoina upumoni matagofie e uiga i le faa-moemoega ma tulaga gafatia o o tatou tino. O lo tatou auai faaletino i sauniga o le perisitua e taua e saunia ai i tatou mo le ola e faavavau. O le mafuaaga lena e tatau ai ona tatou faia galuega faalemalumalu mo e ua maliliu, o latou agaga ua vavae ese mai o latou tino—e le mafai ona latou faia e i latou lava.

O le iloaina o se avanoa moni le i ai o se tino e mafai ona fa'aitiitia ai so'o se le mauttonu e mafai ona e maua e uiga i lou tino ma suia na lagona le lelei i le agaga fa'afetai.

O Se Tuufaatasiga Fiafia

E i ai se aso, o le a tatou feoti ai foi. O o tatou tino o le a vavaeeseina mo sinia taimi mai o tatou agaga seja tatou toetutu. Pe a tatou toetutu, o vae ma lima ma sooga uma, ma lauulu o o tatou tino faaletino o le a "toefuataia i o latou autino tatau ai ma atoatoa." (Alema 40:23). Ou te manatu o le a avea lenei mea o se mafutaga fiafia pe a tatou pa'i atu, tofo, sogisogi, faalogo, ma vaai ma le malosi faafouina ma le malosi. Ou te vaai faalemafaufau i le faatalatalata atu i tagata o lo'u aiga ma lima faaloaloa e opoina i latou. Ou te /e manatu i le popole e uiga i foliga o lo'u pau ua meme'i talu mai le oso mulimuli o lo'u tino po o le vaega o gao faaopoopo o lo'u manava. O na mea uma e mou atu. Ou te manatu



o le a mafai ona tatou vaai ia i tatou lava ma le tasi i le isi i le auala e silasila mai ai le Faaola ia i tatou, ma i o tatou tino o le a tatou toe faatasia ai ma le Atua (tagai i le 2 Nifae 9:4).

Ua tuuina mai o tatou tino ia i tatou ina ia tatou faatumuina le fuitaga o lo tatou foafoaga ma maua ai se pale o le mamalu i le afioaga o le Atua le Tama (tagai Mataupu Faavae ma Feagaiga 88:19). Ua mafai lenei mea ona o le Togiola ma le Toetu o Iesu Keriso, o le na togiolaina i tatou mai le oti ma le agasala. Afai tatou te fa'aaogaina o tatou tino e fai ai le galuega ua valaauiina i tatou e fai, nai lo le popole i le auala e foliga mai ai o tatou tino, o le a sili atu ona mafai ona tatou ausia lo tatou malosi atoatoa i lenei olaga ma le isi. ■

FAUTUAGA MO LE FAALELEIA O LE TINO

1. **Faataitai le lotofaafetai.** Soo se taimi lava e te maua ai oe o lo o e tautala pe mafaufau le lelei e uiga i lou tino, mafaufau i mea uma e mafai e lou tino ona tu'uina oe e fai. O ou lima e mafai ai e oe ona taalo pasiketipolo, e opoina se uo o lo'o feagai ma se aso faigata, e sii ai se pepe fou. O ou vae e te maua ai le malosi e savali ai, siva, tamoe, tafeni, ma to'otuli e tatalo. E galue malosi ou māmā ina ia maua e sela o lou tino le okesene, faatele ma faalaitiiti i manava uma e te manavaina e tu'uina atu ai le okesene i lou tino. O lou fatu e tata e lagolago ai le ola, ma o lou fai'ai e galue televave e tausai ai le malamalama. A o e mafaufau e uiga i le wavega o lou tino, o a nisi auala e mafai ona e fa'aalia manino ai lena loto faafetai?
2. **Ia maua le agaalofa.** O le poloaiga sili muamua ma le lona lua o le alofa i le Atua ma le alofa i lou tuaoi e pei o oe lava. (tagai Mataio 22:37-39). Tatou te iloa e tatau ona tatou maua le agaalofa mo isi, pe ua tatou mafaufau moni ea i le uiga o le alofa io tatou tuaoi e pei oi tatou lava? E manaomia lo tatou alolofa muamua ia i tatou lava. E mafai ea ona e taufaalili i se uo po o seisi o lou aiga ona e lapoa tele, pae tele, puupuu, pe ua maanuminumi tele? E leai lava! Fa'alauatele le agaalofa lena ia te oe lava e pei ona e faia i isi.
3. **Tausi lelei oe lava.** Taumafa mea'ai o le a fafagaina ai lou mafaufau ma lou tino ma o le a maua ai le malosi talafeagai i aso taitasi. Fa'amalositino i se auala e lagona ai le lelei ma fesoasoani ia te oe e talisapaia le meaalofa o lou tino faaletino. Saili ni auala lelei e pulsea ai le popole ma ia mautinoa e fai ni malologa e manava ai ma malolo. Ma e mafai ona faigata i nisi o taimi, ae o se tasi o auala sili ona taua e tausi ai lou tino o le lava lelei o le moe!
4. **Auai i le Malumalu.** E leai se mea o i ai le taua o o tatou tino faaletino na sili atu ona manino nai lo sauniga o le malumalu. Ua folafola mai ia i tatou uma faamanuiaga faaleagaga ma faaletino ao tatou faia nei sauniga mo i tatou lava, ma e mafai ona tatou manatua nei faamanuiaga ao tatou mauaina sauniga mo i latou o loo i le lalolagi o agaga.

Lagonaina “Ua Lava Lelei”: Auala e 3 e Faatoilaloina ai le Vaaiga Le Lelei Faaletagata

O le popole ma le atuatuvalē na taitai atu ai au i lalo o se ala o le le atoatoa o le soifua maloloina faaletino ma na sili atu foi ona leaga lau vaai ia te au lava ia. Ae e tolu mea na fesoasoani ou te toe alofa ai ia te a'u lava ia.

Saunia e Marcus Paiz

Ele'o lava lou lelei." O upu na o lo'o tautau i luga o se puipui i lo'u potu a lalo. O lo'o i ai se potu laitiiti iina i le mea ou te faamalositino ai, ma a o'o mai mafauauga leaga i lo'u mafaufau, ou te tusia i lalo ma faapipi'i luga o le laupapa. O se faamanatu o tauiviga na feagai ma a'u ma le ituaiga tagata tuai ua ou tuua.

Mo se taimi umi na ou fai ifo ai ia te au lava e le o lava lou lelei. Sa ou lagona le lofituina i le popole ma le atuatuvalē, lea na iu ai ina le lelei le soifua maloloina faaletino. Sa ou malemo. Sa ou lagona le faatauvaa. Sa ou lagona le leai o se faamoemoe. Sa ou talitonu ou te lei agavaa mo le alofa o le Atua po o soo se tasi lava.

I le avea ai ma talavou matutua, e toatele i tatou e ono aafia i taimi tatou te lagona ai e le o lelei tele i tatou, e tusa lava pe o a tatou amioga, taleni, po o, i lo'u tulaga, foliga faaletagata lava ia. Talu ai nei, na ou luitauina ai a'u e tatala ma tafi ese le pefu mai

itulau sili ona natia i la'u lava tusi o le olaga. I le taimi o au faigamalaga, na ou maua ai ni nai mea na atiina ae le vaaiga le lelei o le tagata lava ia na ou taofia i totonu mo se taimi umi. Ae na ou iloaina foi auala nei e tolu e faatoilaloina ai.

1. Aveese Faatusatusaga

Na ou faitauina muamua se upusii mai ia Theodore Roosevelt lea na faapea mai, "O le faatusatusa o le gaoi lea o le fafia." I totonu o se lalolagi lea e maua fua ai le soifuaga o tagata uma i ala o faasalalauga faaleagafesootai, sa ou lagonaina le uunaia pea e faatusatusaga le talafeagai i uo, aiga, ma tagata lauiloa lautele. O o'u vaivaiga sili ona loloto na faafetaui ma mea sili na ausia e le tasi, ma e masani lava ona tuua ai au ua le atoatoa. I lenei taimi o mafauauga le lelei o le tagata lava ia, na ou iloaina ai e tatau ona suia lo'u mafaufau.

Sa ou faia se malologa mai ituaiga uma o ala o faasalalauga



faaleagafesootai ma amata loa ona ou galue i le tulaga o le faaleleia o manatu ma lagona e patino ia te au ma vaaia le mea sili i isi. I se taimi puupuu, na amata ona suia o'u mafaufauga. Na vave ona ou tuu le faatusatusaina o o'u tulaga le lelei i tulaga lelei a isi e pei ona masani ona ou faia muamua. O le mea moni, na amata ona ou faamanuia faalilolilo le manuia o isi! O lenei faiga masani na tafiesea le puipui o le faamaualuga ma le fuā na ou fausia i le aluga o le taimi. O le mea na sosoo ai o se mafaufau manino ma le mafai ona vaaai i isi mea mai se vaaiga e faavavau.

2. Ogatasi ma le Finagalo o le Atua

O lo tatou aafiaga i le lalolagi o nisi taimi e uftia i le mamafa o le iloaina o tatou o tagata le atoatoa faaletino. Mulimuli ane o le auala le lelei na ou vaaai ai ia te a'u lava ma lo'u tino na faaleagaina ai vaega uma o lo'u olaga. A ou lagonaina le mamafa o le tuputupu a'e o o'u le atoatoaga, ou te liliu atu i amioga faataumaoi nai lo le Alii. O nei

amioga na fatufatuita ai se lagona o le le atoatoa lea na matua mamafa tele i taimi na ou lagona ai le le aoga o le ola. I le faaiuga, na o le pau le mea ou te liliu i ai o le Alii. E ala i le lotomaualalo ma le salamo, sa ou faia ai se taumafaiga ina ia sili atu le tumau i le faitauina o upu a perofeta ma se faamoemoega ma tatalo ia malamalama i o'u siosiomaga i mata faalelagi.

E leai se tofotofoga e sili atu pe a tatou liliu atu i le Alii ma talia Lona finagalo, e tusa lava po o le a le tau-nuuga. I se tulaga faigata, o tofotofoga e masani ona lagona ai le mamafa pe a tatou taumafai e faamalosi o tatou loto nai lo Lona finagalo. O le taliaina o Lona finagalo, na ou maua ai se manino tulaga mauluga, ma na amata ona ou vaaai i le taua o le tagata sa ou i ai ae le o le ola pea i se tulaga o le le agavaa.

3. Atia'e le Alofa Atoatoa


I le Moronae 8:16 ua ta'u mai ia i tatou "e lafo ese i fafo e le alofa ua

atoatoa le fefe uma." O le alofa atoatoa o le meafaigaluega sili lea ona malosi e mafai ona tatou faaaogaina ao tatou vaaai atu i o tatou ata i le faaata ma malamalama i le taua e faavavau oi tatou lava ma tagata uma o siomia ai i tatou. O le vaaai ia i tatou lava po o ai i tatou nai lo le lafoina oa tatou mea sese i lalo o le masini e faalapopoa ai le vaaai [microscope]. E le o se tulaga i foliga vaaia. O le fa'ama-galoina oi tatou lava ma isi i mea sese ua tuanai ma agai i luma ma o tatou mata ua taulai atu i le malamalama o le mamalu e fa'avavau.

Na ou iloa e le mafai i le na ona ou taumafai e alofa; e tatau ona ou fa'ata-gaina e faatumulia ai a'u ma avea ma se vaega o lo'u tagata. I totonu o pui-pui o le alofa atoatoa tatou te maua ai le natura moni o le Atua—ma faaopo-po i ai lo tatou lava natura paia—ma le ala na la foafoaina mo i tatou.

O la'u faigamalaga i le faaleleia o le mafaufau, itu faaletino, ma le soifua maloloina faaleagaga ua faamalosia ai lo'u faatuatua i le taimi a le Atua ma Lona alofa e faavavau mo au. I nisi o taimi sa matua maulalo lava le tulaga ou te oo i ai, ae ina ua ou le toe faatu-satusaina a'u i isi, faaogatusa lo'u loto ma le Atua, ma aoao e alofa moni ia te a'u lava ia, o foliga o lo'u tau-nuuga e faavavau na oo mai i le taulaiga ma sa ou maua le filemu. O le alofa o le Atua e silisili lava lona malosi. A tatou fa'a-gesegese ma fa'aalu le taimi e iloa ai, o le a la fesoasoani ia i tatou ia tatou iloa ua lava lo tatou lelei, e o'o lava i taimi tatou te vaivai ai. ■

E alala le tusitala i luta, ISA.



Saunia e Peresitene
Russell M. Nelson

O LOU TINO:

O se Meaalofa Mao'a e Faapelepele

O lou tino o se foafoaga ofoofogia a le Atua.

O le umi ou te ola ai, o le tele foi lea o lo'u iloa. O lena malamalama e fesoasoani ia te au ou te malamalama ai o le meaalofa o o tatou tino faaletino o se wavega maoae. O se tino tulaga ese ua tuuina mai ia i tatou taitoatasi e lo tatou Tama Faalelagi alofa. Na la faia e avea o se fale fetafai mo o tatou agaga, e fesoasoani ia i tatou taitoatasi i la tatou sailiga e faataunuu le atoaga o lo tatou foafoaga. O o tatou tino e mafai ai e i tatou taitoatasi ona iloa le fuafuaga sili o le faaolataga lea na la fuafuaina mo Ana fanau faapelepele uma. E finagalo o la ina ia tatou avea atili e faapei o la ma toe foi atu e mau faatasii ma la. O lena faamanuiaga sili o le a le mafai ona faia e aunoa ma le maua-inia muamua o se tino faaletino i lenei olaga faataitai.

O le Atua, le Tama o o tatou agaga,¹ ua ia te la se tino faamamaluina, faatoatoaina o aano ma ivi.² Sa tatou nonofo faatasi ma la i le lagi ae tatou te le'i fananau mai.³ Ma ina ua la faia i tatou faaletino, sa faia i tatou i le faatusa o le Atua, ua tofu le tagata ma sona lava tino faaletino.⁴

O i tatou o se vaega o Lona faamoemoega paia "O la'u galuega ma lo'u mamalu," na la saunoa mai ai, "o le aumaia o le tino ola pea ma le ola faava-vau o le tagata."⁵



AUTALAVOU

I LE VAEGA LENEI

- 50 **O Lou Tino: O se Meaalofa Mao'a'e e Faapelepele**
Saunia e Peresitene
Russell M. Nelson
- 56 **O le A le Tulafono o le Legaviā?**
Saunia e Joshua J. Perkey
- 58 **Mea Matagofie e Mafai e le Tino ona Fai**
- 60 **O Le Upu o le Poto: O Le A, O Mea e Le Lavea Ai**
- 62 **Fesili ma Tali: O le a la'u mea e fai pe afai ou te le fiafia i lo'u tino?**
- 64 **O Le Upu Mulimuli: Fa'aaloalo i le Meaalofa o o Tatou Tino**
Saunia e Elder D. Todd Christofferson

ATA NA TUSIA E SCOTTY REIFSNYDER



O I TATOU O TAGATA E ITULUA

O tagata taitasi e aofia ai se tino ma se agaga,⁶ ia e o mai uma mai le Atua. O se malamalama mausali i le tino ma le agaga o le a faatulaga ai o tatou mafaufauga ma galuega mo le lelei.

A o lei oo i lo tatou olaga faaletino iinei, o atalii ma afafine agaga taitasi sa nonofo faatasi ma le Atua. O le agaga e faavavau; sa i ai i le mama i le muai olaga⁷ ma o le a i ai pe a mavae le oti o le tino.⁸ O le agaga e tuuina mai i le tino ia aafiaga o le olaga ma uiga patino.⁹ "O le agaga atoa o se mea e tino, ae ua sili atu ona lelei pe mamā."¹⁰

O le atiina ae o le agaga o se taunuuga e faavavau. O uiga auaumama o le a faamasinoina ai i tatou i se aso la le agaga.¹¹ O nei mea e aofia ai uiga mama, faamaoni, agaalofa, alofa, ma isi.¹² O lou agaga, faatasi ai ma le i ai i totonusi o lou tino, e mafai ona tuputupu ae ma faaali atu nei uiga i auala e taua i lou alualu i luma e faavavau.¹³

O le Agaga ma le tino, pe a tuufaatasia, e avea o se tagata ola e maoae lona aoga. "O le agaga ma le tino o le tagata lea"¹⁴ E taua tele nei mea e lua. O lou tino faaletino o se foafoaga



ofoofogia a le Atua. O Lana malumalu faapea foi ma oe ma e tatau ona taulimaina ma le migao. Ua tautino mai tusitusiga paia:

"Tou te le iloa ea, o lo outou tino o le malumalu lea o le Agaga Paia ua i totonusi ia te outou, o loo ua ia te outou mai le=Atua, e le aia foi outou ia te outou?

"Aua ua faatauina outou i le tau: o lenei ia outou vivii atu i le Atua i o outou tino ma o outou agaga, o mea a le Atua ia."¹⁵

O lou tino, po o a lava ana meaalofa faalenatura, o se foafoaga mataina a le Atua. O se fale fetafa'i o le tino—o se malumalu mo lou agaga. O se suesuega o lou tino e faamaonia ai lona mamanu paia.

O LOU TINO O SE MEAALOFA MAOA'E

O le maofa o o tatou tino faaletino e masani ona le amanaiaina pe le faaaloaloina. O ai e le'i feagai ma lagona o le le taua ona o lona tino po'o foliga vaaia? E toatele tagata e moomoo i o latou tino ia tutusa ma o latou manaoga. O nisi na fananau mai ma le lauulu sasao e mananao i le migimigi. Ae o isi na fananau mai ma le lauulu migimigi e mananao i le sasao.

Mafaufau loloto i le matagofie o mea e te va'aia pe a e tilotilo i le fa'ata. Aua e te amana'iaina togitogi [freckles], lauulu felefele, po o isi tulaga le lelei ma vaai i tala atu e iloa ai oe moni lava—o se atalii o le Atua, na faia e la i Lona faatusa.

A e usuina le pese "O A'u o se Atalii o le Atua,"¹⁶ mafaufau i Lana meaalofa ia te oe o lou lava tino faaletino. O le tele o uiga maoae o lou tino e faamaonia ai lau lava "amio atua."¹⁷

O totoga taitasi o lou tino o se meaalofa tulaga ese mai le Atua. E tofu le mata ma se tioata e otometi ona taulai tonu ai le vaai. O neura ma musele e faatautaia mata e lua ia maua ai se ata se tasi e faatafa-tolu. O mata e fesoottai atu i le faiai, lea e faamaumauina ia mea na vaai.

O le Agaga ma le tino, pe a tuufaatasia, e avea o se tagata ola e maoae lona aoga.



*Aua e te amana'iaina togitogi [freckles], lauulu felefele,
po o isi tulaga le lelei ma vaai i tala atu e iloa ai lou tagata
moni—o se atalii o le Atua.*

O lou fatu o se pamu tulaga ese.¹⁸ E i ai ni ona afuala e faataia itu e fegasoloa'i i ai le toto. O nei afuala e matai ma tapuni e sili atu i le faa-100,000 taimi i le aso—36 miliona taimi i le tausaga. Ae, vagana ua afaina i faama'i, e mafai ona latou tatalia na ituaiga o galuega mamafa and toe lava e le gata.

Mafaufau i papupuni o le tino mo le puipuiga. Ina ia puipuia ai mai le faaleagaina, na te matauina le tiga. I le tali atu i siama, na te gaosia ni polotini e tetee atu i ai. O le pa'u e tuuina atu le puipuiga. E lapatai mai i manu'a e ono mafua mai i le malosi o le vevela po o le malulu.

O le tino na te faafouina ona lava selua le toe aoga. O le tino e fofoina ona lava lavelavea, totolia, ma ponaivi gaui. O lona mafai ona fanafanau o le isi lena meaalofa paia mai le Atua.

O le tino e mafai ona faatonuina pea lava pea le maualuga o mea e le mafaitaulia, e pei o le masima, vai, suka, polotini [protein], okesene, ma le karaponi taiokesaita [carbon dioxide]. O pulega faatonutonu e pulea e aunoa ma lo tatou iloaina o nei mea ofoofogia.

Faamolemole ia matau: E le manaomia se tino atoatoa ia maua ai se faasinomaga e faavavau. O le mea moni, o nisi o agaga e sili ona lelei o i totolu o ni tino auma'iia. O le tele o le malosi faaleagaga e masani ona atiina ae e tagata e i ai luitau faaletino—ona e matuai luitauina i latou. O tagata faapena

ua agavaa i faamanuiaga uma o loo teuina e le Atua mo Ana fanau faamaoni ma usiusitai.¹⁹

O olaga faaletino taitasi ua tapunia e le otu. Mulimuli ane, o le a oo mai le taimi o le a 'toe faatasia . . . agaga ma le tino i . . . foliga atoatoa; o lima ma vae ma soogaoivi o le a toefuataiina i ona tulaga e tatau ai."²⁰ Ma, faafetai ia lesu Keriso ma Lana Togiola, e mafai ai ona faaatoatoaina i tatou ia te la.²¹ Soo setasi e suesueina ia galuega a le tino o le tagata ua ia vaai moni "i le Atua o femaliua'i i lona mamalu ma lona mana."²²

O TATOU AGAGA E TATAU ONA PULEA O TATOU TINO

E ofoofogia e pei o lou tino, o lona faamoemoega autu, e pei ona ta'uua muamua, e sili atu ona taua-ia auauna atu o se tulaga mo lou agaga e faavavau.

Na maua e lou agaga lou tino ma avea ai ma se tagata ola e maua se aafiaga i le olaga faitino ma tofotofoga fa'apitoa ma su'esu'ega. O se vaega o lena su'ega o le fuafua lea pe mafai ona fa'aleleia manaoga o lou tino e le agaga o lo'o nofo i totolu.

A tatou malamalama i lo tatou natura ma o tatou faamoe-moega i le lalolagi ma oo tatou tino o malumalu faaletino o le Atua, o le a tatou iloa o se mea paia le faatagaina o soo se mea e ulu atu e mafai ona faaleagaina ai le tino. E moni lava le le fa'aaloalo i le fa'afeiloaia o le va'ai o tatou mata taua po'o lagona o lo tatou pa'i po o le faalogo e sapalai le fa'i ai ma mea e

manatuaina e le mama pe le agavaa. O le a tatou faapelepele i lo tatou ola mama ma aloese mai "tuinanau valea ma le faatiga, lea e malelemo ai i [tatou] i le faafanoga ma le malaia."²³ O le a tatou "sosola ese mai nei mea; ma mulimuli i le amiotonu, amioatua, faatuatua, alofa, onosai, [ma] agamalu"²⁴—uiga e faagaeetia ai le agaga atoa.

O mea e pei o le ava, tapaa, ma fualau faasaina ua faasaina e le Alii. Ua faapena foi ona lapataia i tatou e uiga i leaga o ponokarafi ma mafauauga le mama. O mana'oga mo nei malosiaga leaga e mafai ona avea ma vaisu. I le taimi, o vaisu faale-tino po o le faale-mafaufau e faapologaina ai *uma* le tino ma le agaga. O le salamo mai ia mea e tatau ona tatou ausia i lenei olaga ao i ai pea ia i tatou le fesoasoani a se tino faaletino e fesoasoani ai ia i tatou e atiina ae le loto pulea.

O lo tatou Foafoa na faaosoina manaoga i totonus oo tatou tino e faaauau ai tagata soifua ma faataunu ai Lana fuafuaga sili o le fiafia. O le mea lea, tatou te fia mananao ai mo meaai, vai, ma le alofa.

Ua iloa e Satani le mana o o tatou manaoga. O le mea lea, na te faaososoina ai i tatou e 'ai mea e le tatau ona tatou aai ai, inu mea e le tatau ona tatou inuina, ma solia ai le faaliga o le

alofa aupito sili ona vavalalata i le fa'aogaina o na mea i fafo atu o tuaoi o le faaipoipoga.

Pe a tatou iloa moni lo tatou natura paia, tatou te mananao e pulea na mana'oga. Ma o le a taulai atu o tatou mata i mataaga, o tatou taliga i leo, ma o tatou mafaufau i mafauauga e aoga i lo tatou foafoaga faaletino o se malumalu o le Atua. I tatalo i aso taitasi, o le a tatou faailoa atu ma le agaga faafetai o la o lo tatou Foafoa ma faafetai atu ia te la mo le matagofie o lo tatou lava malumalu faaletino. O le a tatou tausia ma faapelepele i ai e pei oa tatou lava meaalofa patino mai le Atua.

MULIMULI I LE FAAOLA

Ina ia ausia lou taunuuga e sili ona maualuga, faataitai i le Faaola. Sa la fetalai mai, "O a ituiga o tagata e tatau ona outou i ai? . . . Pei Lava O Au Nei."²⁵ O lo tatou faamoemoe sili ona maualuga o le tuputupu ae lea i le agaga ma maua "le tulaga o le atoaga o Keriso."²⁶

Manatua, e leai se vaitau o le olaga e mavae atu e aunoa ma se faaososoga, tofotofoga, poo se puapuaga pe faaleagaga pe faaletino. Ae ao e atiina ae ma le agaga tatalo le loto pulea, o manaoga o le tino e mafai ona gauai atu i lou pulea faaleagaga.

*Ma o le a taulai
atu o tatou . . .
mafaufau
i mafauauga e
aoga i lo tatou
foafoaga faaletino
o se malumalu
o le Atua.*



*E pei lava o le maoae o lo tatou
tino, e le o se mutaaga ia lava.
Ae o se vaega taua o le fuafuaga
sili a le Atua o le fiafia.*

Ma pe a ausia lena, e mafai ona e maua le malosi e gauai atu ai i le finagalo o lou Tama Faalelagi. Manatua, na fetalai lesu, "Ae aua le faia lo'u loto, a o lou finagalo."²⁷

A oo mai tofotofoga loloto i lou ala, ia manatua le folafolaga matagofie lenei a le Faaola: "O le manumalo, ou te avatua ia te ia ma te nonofo faatasi ma au i lou nofoalii, e pei o au foi ona ou manumalo, ua ma nonofo foi faatasi ma lou Tama i lona nofoalii."²⁸

Tau ina ia tatou faafetai pea mo faamanuiaga maoae o se tino faaletino matagofie, o le foafoaga sili a lo tatou Tama Faalelagi alofa. E pei lava o le maoae o lo tatou tino, e le o se mutaaga ia lava. Ae, o se vaega taua o le fuafuaga sili a le Atua o le fiafia mo lo tatou alualu i luma e faavavau. Afai tatou te faamamaluina e pei ona faauuina ai e le Atua, o le a tatou tumau ai i lena "ala lauitiiti ma le vaapiapi e tau atu i le ola e faavavau."²⁹



O lesu Keriso o lo tatou Faataitaiga Sili. Ou te tautino atu, o la o Lana molimau faapitoa, o la o le Alo o le Atua. O la "o le ola ma le malamalamo o le lalolagi."³⁰

O i tatou o atalii ma afafine o le Atua Silisilise. O la o lo tatou Tama. O i tatou o Ana fanau. O lo tatou tofi paia o le matagofie o tagata soifua. O lo tatou tofi e paia. E leai se tuaoi o lo tatou gafatia. Talosia ia tatou faamamaluina pea Ana meaalofa ma lena talatuu i mea uma tatou te faia ma tautatala ai. ■

FAAMATALAGA

1. Tagai i le Galuega 17:27-29.
2. Tagai i le Mataupu Faavae ma Feagaiga 130:22
3. Tagai Ieremia 1:4-5; Eperu 12:9; Mose 6:51; Aperaamo 3:22-23.
4. Tagai Kenese 1:27; 2:7; 1 Korinito 15:44; Mose 2:27; 3:7.
5. Mose 1:39.
6. Tagai Mataupu Faavae ma Feagaiga 88:15.
7. Tagai Mataupu Faavae ma Feagaiga 93:38.
8. Tagai Alema 40:11; Aperaamo 3:18.
9. Tagai lopu 32:8
10. Mataupu Faavae ma Feagaiga 131:7.
11. O le agaga, e le o le tino, o le vaega e faatinoina ma faatuatuaaina o le tagata. A leai le agaga, e oti le tino (tagai lakopo 2:26). O le mea lea, o le agaga, e filifilia le lelei po o le leaga ma o le a faamasinoina mo uiga faaalia lelei ma lé lelei e i ai i le Faamasinoga Mulimuli (tagai Alema 41:3-7).
12. O uiga auaumama faaleagaga e aofia ai le "faaatuatua, amiomama, poto, faautauta, onos2, agalelei faaleuso, amioatua, alofa mama, lotomaulalo, [ma le] filiga" (Mataupu Faavae ma Feagaiga 4:6).
13. Tagai 2 Nifae 2:11-16, 21-26; Moronae 10:32-33.
14. Mataupu Faavae ma Feagaiga 88:15.
15. 1 Korinito 6:19-20; tagai foi Mataupu Faavae ma Feagaiga 93:35.
16. "O Le Atua lo'u Tama," Viiga, nu. 184.
17. 2 Peteru 1:4.
18. O le fatu na te pamuina le tusa ma le 2,000 kalone (7,570 L) i le aso.
19. Tagai Aperaamo 3:25-26.
20. Alema 11:43; tagai foi Failauga 12:7; Alema 40:23; Mataupu Faavae ma Feagaiga 138:17.
21. Tagai Moronae 10:32.
22. Mataupu Faavae ma Feagaiga 88:47.
23. 1 Timoteo 6:9.
24. 1 Timoteo 6:11. 1 Timoteo 6:12 ua faaaau, "la e tau le taua lelei o le faatuatua, tago atu ia i le ola faavavau." O la tatou filifilia lena.
25. 3 Nifae 27:27.
26. Efeso 4:13.
27. Luka 22:42.
28. Faaliga 3:21.
29. 2 Nifae 31:18.
30. Alema 38:9; tagai foi Mataupu Faavae ma Feagaiga 11:28.



O Le a le **TULAFONO** o le **LEGAVIĀ?**

Saunia e Joshua J. Perkey

Mekasini a le Ekalesia

Ae faalogo i le fuaitau "le tulafono o le ola mama," e te iloa le uiga? Atonu e tele ni fe'au fefilo i te mauaina e faatatau i ai. O ituaiga uma o ala o fasalalauga, ma o nisi taimi e oo lava i uo ma aiga, e eseese manatu e uiga i ai. Ma o loo aoao malosi e le lalolagi mea e feteenai ma mea o loo aoao mai e le Alii.

Ae o le a tonu le uiga o le tulafono o le ola mama?

O le tulafono o le ola mama o le faaupuga a le Alii mo Lana poloaiga ia ola i se olaga o le mama a'i mai feusu-aiga ma le mama.

E le o manino atoatoa pea? Ia, sei o tatou maua se fa'amatalaga sili atu ma le fesoasoani a le *Mo le Malosi o le Autalavou*.

**SEI O TATOU TALANOA
SAO E UIGA I LENEI
POLOAIGA E SILI ONA PAIA.**



O LE OLA MAMA O LE MAMA A'I'A'I MAI FEUSUA'IGA

I lona faaupuga e sili ona faigofie, o le ola i le tulafono o le legavia o lona uiga o oe "e aua lava nei e faia ni sootaga feusuai a o le i faaipoipo, ma [ia e] faamaoni atoatoa i lou toalua pe a uma le faaipoipoga."¹

Ae o le amiomama ma le legavia e sili atu nai lo na o le feusuai. "Ia taulimaina isi ma le faaaloalo, ae le o ni mea e faaaogaina e faamalie ai le tuinanau ma manaoga manatu faapito. A o lei faaipoipo, ia aua lava nei faia ni kisi faananau loto, pe taoto i luga o se isi tagata, pe tago i vaega lilo, po o itutino sa o se isi tagata, pe o fai ofu pe leai foi. Aua lava nei e faia soo se mea e faaosoina ai ni lagona feusuai. Aua nei e faaosoina na lagona i lou lava tino."²

Ia maitauina o tulaga faatonuina a le Alii e le sua ona e toalua tagata e fafia le tasi i le isi ma ua malilie uma i le amio. A e faaaloalo i isi tagata, o le Alii, ma oe lava ia, o le a e tausia poloaiga--ma o lona uiga e leai ni sootaga faafeusuiga po o le faatupuina o lagona feusuai i fafo atu o le faaipoipoga, i soo se taimi.

E matua faamamafa lava le Alii i lenei mea. "Sa aoao mai le perofeta o Alema o le agasala tau feusuaigna e sili atu ona matautia nai lo isi lava agasala vagana ai le fasioti tagata ma le faafitia o le Agaga Paia (tagai Alema 39:3-5)."³

Afai o loo e mafaufau pea po o le a le uiga o le "kisi faananau" po o le uiga o le "faatupuina lagona feusuai," talanoa i ou matua, epikopo, po o se isi tagata matua faatuatuaina. O talanoaga ma i latou e mafai ona fesoasoani ia te oe ia malamalamai ai i amioga tatau ma le le talafeagai ma fesoasoani ia e ola ai i se olaga mama mai feusuaigna.

Pe a oo mai i le faia o faaiuga, saili le Agaga. Tatalo e le aunoo i le Tama Faalelagi. Afai o e lelei i le faaleagaga, o le a sili atu ona faigofie le faia o filifiliga sa'o.

Afai na e faia se solitulafono tau feusuaigna, saili le fesoasoani mai lau epikopo ma ou matua, o le a fesoasoani ia te oe e maua le malosi ma le filemu ao e salamo. Atonu e le o se faiga faigofie, ae e matua taua lava!

*Ae o le amio
mama ma le
legavia e sili atu
nai lo na o tulaga
taufeusua'i.
E faatatau foi
i le faaaloalo.*



O LE LAGONAINA O LE TOSINA ATU E LELEI

Atonu e te mafaufau pe e sese le mafaufau o se tasi e aulelei. Aua le popole tele i ai. O se mea masani. E moni lava!

 Ae e tatau ona e fa'aeteete i ou mafaufauga. Na lapatai mai le Faaola "Ai se vaai atu i le fafine [po o se tamaloa] ina ia manao i ai, ua uma ona mulilua . . . ma ia i lona loto." (Mataio 5:28). O lona uiga e tatau ona e puleaina ou mafaufauga ma lagona ae aua ne'i tu'uina e pulea oe e na mana'oaga.

 O se ki lenei e fesoasoani ai ia te oe: taumafai e aua le faia le manatu faapito. Aua le tuinanau i se tasi, mafaufau e uiga ia i latou i se tulaga le talafeagai, pe faia ni mea e faaosofia ai lagona feusuai ia oe lava poo isi.⁴

 O le mafuaaga foi lena e taua tele ai le le auai i ponokalafi po o isi ala o faasa-lalauga mataga. O na mea e masani ona manatu faapito, tuliese le Agaga i taimi uma, ma faaosoosoina oe i mea e le tatau ona e faia.

 Ae e le o lona uiga o le i ai o lagona i se tasi pe lagona le tosina atu i se tasi e avea ai oe ma se tagata leaga. O le mea moni, o le lagona lea o le tosina o se vaega o le fuafuaga a le Atua ma o se vaega o le faaipoipoga. O tane ma ava o loo i ai ni mafutaga lelei e lagona le malosi o faatosinaga o le tasi i le isi ma nau-nau e auauna atu ma faamanuia e le tasi le isi.

 "O sootaga vavalalata faaletino i le va o le tane ma le ava e matagofie ma paia. Ua faauuina e le Atua mo le foafoaga o fanau *ma* mo le faaalia o le alofa i le va o le tane ma le ava."⁵

FESOO TAIGA MAFANA FAALETINO—i le Nofoaga ma le Taimi Sa'o

 O le fesootaiga mafana faaletino o se mea e tulimatai atu i totonu o lau faaipoipoga i le lumanai. E paia ma matagofie.

 A o e taumafai e ola i se olaga mama ma le mama aiai, o le a e lagonaina le latalata atu i le uunaiga a le Agaga Paia, o le a sili atu ou lagona e uiga ia te oe lava, ma o le a e saunia mo faamanuiaga matagofie i le lumanai. ■

FAAMATALAGA

1. *Mo Le Malosi o le Autalavou* (tamaitusi, 2011), 35.

2. *Mo Le Malosi o le Autalavou*, 36.

3. *Faamaoni i le Faatuatua: O Se Tuisitaiala o le Talalelei* (2004), 29.

4. Mo sina faamatalaga manino atili i lenei vaega, faiatau le "Alofa po o le Tuinanau," *Liahona*, Oke, 2016, 30–35.

5. *Mo le Malosi o le Autalavou*, 35; faaopoopo le faamamafa. Mo le tele o talanoaga musuia i sootaga vavalalata faaleulugalii, tagai i le Wendy Watson Nelson, "Alofa ma le Faaipoipoga" (faigalotu i le lalolagi atoa mo le autalavou matutua, 8 o lan., 2017), *broadcasts.lds.org*; Boyd K. Packer, "O Le Fuafuaga o le Fiafia," *Liahona*, Me 2015, 26–28; Jeffrey R. Holland, "Personal Purity," *Ensign*, Nov. 1998, 75–78.

E mafai e lou fa'rai ona gaosia le eleitise e lava ma tote e faamalamalama ai se tamai matauila.

Ole vaega e puipuia oe mai faamai, e faaigaina ai fatupupui e pei o ou selai e pueina siama ma totoga e pei o ou loutaima e fausia seiia puipui ma le atepili, e mafai ona puipuia oe mai valirasimasiama leaga."

Ole meapueata faaonapo nei e pito sili ona taugata e mafai ona pueina le 400 miliona ata, ae o le mata o le tagata e mafai ona vaa i le 576 miliona ata.

Ae mauaina fa'amatalaga e ala i setasi o ou sane, ole faailo e malaga mai ou neura i lou fa'rai i le silia ma le 100 mailia i le itula (160 kph).

Mo tagata tauaso, e sua le vaega o le fa'rai lea e gafa ma le vaai ina ia mafai ona malosi atu le pa'i ma le fa'alogo. O le mata o le tagata e mafai ona iloa le fia afe o lanu eseese, ma o lou isu e mafai ona iloa le faitau afe o manog eseese.

E lu ni mata e te maua ai se vaiga i se meavaai, e fesoaoani i le loloto o le iloa. Tago e suesueu e ala i le moenii o le mata e tasi ma taumafai e pa'i se mea latiti e latalata la oe.

A faailoa atu i lou fa'rai se mea matautia, e tafe le adrenaline, lea na te faatopetepeina le tata o lou fatu, faavavevave lau manava, lapopoai utupoto, ma traofia le vaega o lou tino lea e gafa ma le faamaluina o meaal, ina ja mafai ona laiti maso ma se malosi tele.


Ole vaega e silia ona paia, o tatou tino o lo'o i ai le mana e foafoa ai-e foofoa ai le ota.

O le fa'alogo o le sane pito sili lea ona vave o tagata. E mafai e lou fa'rai ona iloa se leo e 10 taimi e vave atu ai nai lo le emo o le mata, e ititi lava i le tusa ma le 0.05 sekone.

O le fatu o le tagata e tata mo le silia atu ma le tolu piliona taimi i le averesi o se olaga. E silia ma le 100,000 taimi i le aso.

O le totu e aveina le otaota o le tino i fatugao ma le ate mo le fa'avasegaina ma lafoai.

O le totu e tufatufaina meaai mai le vaega lea e vaavia le faagasologa o traumfa i lou tino [digestive system].



O le ate e nafaa ma
le sili atu i le 500
faagasologa eseese.
E taua tele pe afai e
luā-vaeitolu le vaega
o le ate a se tagata
na aveesea ona o se
fā'avalavelave po'o se
taotoga, o le a toe
tupu i lona teles na i ai
muamua pe tusa ma
le fa valaiso.

O ponaiivi ua gau'i e mafai
E malolosi ponaiivi o tagata.
O ponaiivi laiti e 26 i ou vae
e tauaveina lou mamafā o le
tino i lā'saga uma e te fāia.

“O o tatou tino faaletino o le meafaigaluega lea a lo tatou agaga.”

Peresitene Boyd K. Packer (1924–2015),
Peresitene o le Korama a Apostolo
e Toasefululuia, *Ler Not Your Heart*
Be Troubled (1991), 211.

O lou fatu na te pamuinua le 5.5 lita o le
toto i le minute. O le mea lea, i le averesi
o le olaga, o le a pamu pe tusa ma le
1.5 miliona paelo o le toto—lava lelei
e faatumu ai taavale nofoaafi e 200.

O le toto e auina atu le okesene mai
mama i si totoga. E aveesea e le toto le
karaponi taiokesaita i mama e manava
ai i fafo.

O le pā'u e tuuina atu le vaega ia e tau
faasaga i siama [antibacterial substances]
ma galue o se laina muamua e pui-
puia oe mai meaoa ninii [invading
microorganisms] o taumafai e osorai a
iou tino. O le tele o siama e pau iluga
o le pā'u e vave ona mamate.

E mafai ona faapipi'i lou pā'u mai le tasi
vaega o lou tino e tupu ai i se isi vaega.
O le totoga pitō sili lea ona tele i le tino
o le tagata ma o lo'o faafouina pea lava
pea e la.

MEA MATA GOFIE E MAFAI E LE TINO ONA FAI

Mai le ulu i le tama'ivae, o lou tino o se foaoaga ofoofogia. Ona o lea, e mafai ona e valivali, alu e a'e i se

mauga, ta'alo lakapi, kolose, ili le faili, ma faia le tele o isi gaoioiga e fiafia ai.

E pei ona faamalamalama mai e le perofeta i le itulau 50, “O lou tino, po o a lava ana meaalofo faalenatura,
o se foaoaga mataina a le Atua. . . . Mafaufau loloto i le matagofie o mea e te vaai a pe a e vaai i le faaataa . . .
o se atalii o le Atua, na faia e la i lona faatusa.”

O LE UPU *o le* POTO:

O Le A, O Mea e Le Lavea Ai

Saunia e le aufaigaluega a le *Liahona*



"Ia ese mai le lalolagi. Ua e iloa ma ou iloa e tatau ona avea oe o se malamalama i le lalolagi. O le mea lea, ua manaomia oe e le Alii ia foliga e pei o, ia leo e pei o, ma aga e pei o, laei e pei o se soo moni o lesu Keriso. Ioe, o loo e nofo ai i le lalolagi, ae e matuai ese lava ou tulaga faatonuina mai le lalolagi e fesoasoani ai ia te oe ia taumamao mai pisia o le lalolagi."

Peresitene Russell M. Nelson, "Faamoemoe o Israaelu" (faigalotu a le autalavou i le lalolagi atoa, 3 lunu, 2018), HopeofIsrael.ChurchofJesusChrist.org.



O LE **UIGA** O LE UPU O LE POTO



O se tulafono o le soifua maloloina mai le Alii mo lo tatou puipuiga faaletino ma faaleagaga.

ALOESE:	FIAFIA:
Meainu malolosi	Fualaau aina
Tapaa	Fualaau faisua
Lauti ma le kofe	Aano o manu (ia le tele tele)
Soo se mea e afaina ai poo le fai ma vaisu	Fatu o sana

Tagai Mataupu Faavae ma Feagaiga 89. Tagai foi i le autu o le talalelei o le Upu o le Poto i le topics.ChurchofJesusChrist.org.

O MEA E **LE** LAVEA I LE UPU O LE POTO



Ua aoao mai e Peresitene Boyd K. Packer (1924–2015), le Peresitene o le Korama a Aposetolo e Toasefululua, le mea e le o le upu o le poto:

1.

*Se faamaoniga o taimi
uma o le a e malosi
ma maloloina.*

"Ua le folafola mai e le
Upu o le Poto ia te oe, se
soifua maloloina atoatoa,
ae ua ia aoao mai le ala e
tausia ai le tino na fanau
mai ma oe, i se tulaga
sili, ma lou mafaufau ia
mataala i musumusuga
faaleagaga malu."

2.

Se lisi ua atoatoa.

"E tele ni masani matautia
ma mea ua fai ma vaisu,
e mafai e se tasi ona inu
pe lamu pe manava i
totonu pe tui foi i le tino,
e manua ai le tino ma le
agaga, o mea ia e le o taua
mai i le faaaliga."

3.

O se 'alofaga e popole ai.

"Aoao e faaaoga fuafua
tatau ma faautauta i mea
e faatatau i le soifua malo-
loina ma taumafa tatau,
ae maise lava i vailau ma
fualaau faafomai. Aloese
mai le soonafai po'o le
fa'amalosi po'o le avea ma
se tagata fa'atau o se tasi e
mulimuli i ta'a'iga").

"Aua lava nei faatagaina Satani po o isi e faaseseina oe e manatu
faapea o le solia o le Upu o le Poto o le a atili ai ona e fiafia,
sili atu ona lauiloa ai, pe aulelei atili ai"² ■

FAAMANUIAGA FOLAFOLAINA

O le ola i le Upu o le
Poto o se faamanu-
iaga sili! O nisi nei
o auala ua taua e
le *Mo le Malosi o le
Autalavou* e mafai ona
faamanuaina oe:


- Saolotoga mai vaisu leaga
- Puleaina atili o lou olaga
- O se tino e sili atu le soifua maloloina
- O se mafaufau e sili atu le mataala
- Taitaiga mai le Agaga Paia
- Malosiaga sili atu e auauna atu ai i le Alii

FAAMATALAGA

1. Boyd K. Packer, "O Le Upu o le Poto: O Mataupu Faavae ma Folafolaga," Ape. 1996 konafesi aoao.
2. *Mo Le Malosi o le Autalavou* (2011), 25.



"O le a la'u mea e fai pe afai ou te le fiafia i lo'u tino?"



*"A e usuina le pese
'O A'u o se Atalii o
le Atua,' mafaufau
i Lana meaalofa ia
te oe o lou lava tino
faaletino. O le tele
o uiga maoae o lou
tino e faamaonia ai
lau lava 'amio atua.'*
[2 Peteru 1:4]. . . .

*"... E le manaomia
se tino atoatoa
ia maua ai se
faasinomaga e
faavavau. O le mea
moni, o nisi o agaga
e sili ona lelei o
loo i totonu o ni
tino faatauagavale
pe le atoatoa."*

Peresitene Russell M. Nelson, "O Lou
Tino: O Se Meaalofa Mao'a'e e
Faapelepele," *Liahona*,
Aok. 2019, 52, 53.



Talia Lou Tino

Talia lou tino pe o le a lava
le tulaga, ae le o mea e le
o i ai. O taimi uma lava ou
te tilotilo ai ia te au lava
i le faaata, ou te faapea
atu, "Le Tama Faalelagi, ou te faafetai i le
alualu i luma o loo E faia ia te au."

Temperance B., 18 tausaga, Victoria, Ausetalia

la Tausia Lelei

Ou te tausia lo'u tino e ala i le faama-
lositino ma le 'ai lelei. O le tausia lelei o
lo'u tino ua atili ai ona ou faafetai mo
lea mea. Pe a ou tausia le malumalu ua
faamanuiaina ai au e le Tama Faalelagi,
e suia o'u lagona ma ou sili atu ona ou
iloaina ma talisapaia le faamanuiaga
matagofie o le i ai o se tino na foafoaina
e le Atua.

Camilla A., 16 tausaga, Florida, ISA



**Mafaufau I ai
o se Malumalu**

Mafaufau i lou tino o se
malumalu (tagai i le 1
Korinito 3) ma e silasila
foi le Alii i le loto (tagai i le
1 Samuelu 16), ae le o le tino!

*Vico W., 17 tausaga, North Rhine-Westphalia,
Siamani*

la Faaaloalo ia te Oe Lava

Na tauivi la'u uo ona sa popole o ia e
uiga i manatu o isi e uiga ia te ia, ma na
leai ai sona faaaloalo ia te ia lava. O le
mea aupito sili ona fesoasoani ia te ia o
le manatuaina o le Atua, o ana uo, ma
lona aiga sa i ai iina e alolofa ma lagola-
goina o ia.

Matthew V., 16 tausaga, Misuri, ISA



E Alofaina Oe

Pe a ou faalogo i au uo o fai mai latou te le fiafia i se mea e uiga i a latou tino pe latou te inoino i ai, ou te fia fesoasoani ia latou ia iloa e alofa le Tama Faalelagi ia i latou. Ou te fiafia e mafaufau e alofa o la ia te au ma e finagalo o la ia ou fiafia, e tusa lava po o a o'u fesili faaletino. E tatau ona tatou tausia ma alofa i o tatou tino aua o lo matou malumalu lea.

Ignacio P., 14 tausaga, Chaco, Atenitina

E Le Faamatalaina Ai Oe

Manatua o lou tino e le fa'amatalaina oe. O lou tino ae le o oe o se tagata, i le avea ai o se atalii agaga o le Atua.

Sailor O., 18 tausaga, nofoaga

Faia Mea e te Fiafia ai

Ou te fiafia i le i ai i fafo ma fai gaoi-oiga, e pei o le tietie i la'u uila po o le faasavali la'u taifau, e fesoasoani i taimi uma ia ou lagona le lelei e uiga i lo'u tino. E sili atu le lelei pe a ou faia nei mea ma a'u uo ona e faamanatu mai ia te au o loo siomia a'u e tagata e popole mo a'u ma e le popole poo a o'u foliga.

Itzcel O., 18 tausaga, Arisona, ISA



E faapei ia tino toetutu?

E tusa ai ma tusitusiga paia ma perofeta o aso nei, o tino toetutu e:

Faaletino. O se tino toetu e i ai aano ma ivi.(tagai Luka 24:36-39).

Tino ola pea. "O lenei tino faaletino e faatu mai i se tino ola pea, . . . e le mafai ona toe oti i latou" (Alema 11:45).

Atoatoa. "O le a toe faatasia le agaga ma le tino i ona foliga atoatoa" (Alema 11:43). "O le a aveesea tulaga faaletonu ma le atoatoa; o le a leai ni faaletonu, ma o le a maua e alii ma tamaitai le atoatoa o o latou agaga, o le atoatoaga na fuafuaina e le Atua i le amataga" (Iosefa F. Samita, *Gospel Doctrine, Aoaoga a Perofeta*, 5th ed. [1939], 23).

Matagofie. "E leai se mea e sili atu le matagofie e vaavaai i ai nai lo o se alii po o se tamaitai toetu" (*The Teachings of Lorenzo Snow*, ed. Clyde J. Williams [1996], 99).

Tala atu o le Mana o Satani. "Afai e le toetu mai le tino, o le a pulea o tatou agaga e . . . le tiapolo, . . . ma mau faatasi ma le tamā o pepelo, i le pagatia, e pei o ia lava" (2 Nifae 9:8-9). Ae ona o lesu Keriso na aumai le toetutu o o tatou tino, o le a le tupu lenei mea.*

Mafai ona maua se atoatoaga o le olioli. A aunoa ma le toetu, e le mafai ona maua le olioli o le mamalu selesitila. "O le agaga ma le elemene, ua soofaatasi e lē matuu'eseeseina, e mauaina se atoatoaga o le olioli" (Mataupu Faavae ma Feagaiga 93:33).

* Vagana ai atalii o le malaia (tagai Mataupu Faavae ma Feagaiga 76:30-38).

O tali ua faamoemoe e mo le fesoasoani ma ni manatu, ae e le o se faalauiloaga aloaia o aoaoga faavae o le Eklesia.

O Le A Sou Manatu?

"E mafai faapefea ona ou iloa ua faamagaloina a'u?"

Auina mai lau tali ma, afai e manaomia, o se ata manino lelei a o le'i oo i le aso 15 o Mati 2019, i le liahona.ChurchofJesusChrist.org (oomi le "Submit an Article or Feedback").

E ono iloiloina tali mo le uumi po o le manino.

Fa'aaloalo i le Meaalofa o o Tatou Tino

Saunia e Elder D. Todd Christofferson
O Le Korama a Aposetolo e Toasefululua

Ole manuia moni i lenei olaga, e maua mai i le faapaiaina o o tatou olaga—o lona uiga, o o tatou taimi ma filifiliga—i faomoemoega o le Atua (tagai Ioane 17:1, 4; Mataupu Faavae ma Feagaiga 19:19). I le faia o lena mea, tatou te faatagaina ai o la e siitia i tatou i lo tatou taunuuga e aupito sili ona mauluga.

O se olaga ua faapaiaina e faaaloalo i le meaalofa e lē mafaatusalia o le tino faaletino o se tagata, o se foafoaga paia i le faatusa lava o le Atua. O se faamoemoega tutotonu o le olaga faaletino, o agaga taitasi e tatau ona maua se tino faaletino ma aoao e faaaoga le filifiliga saoloto e avea o se tagata e itulua o le tino ma le agaga. O se tino faaletino e taua foi mo le faaeaga lea ua na o le tuufaatasiga atoatoa lava o le faaletino ma le faaleagaga e oo mai ai, e pei ona tatou vaaia i lo tatou Alii pele, ua toetu. I lenei lalolagi agasala, o nisi o le a itiiti sina taimi e tiga ai i le olaga; o nisi tino o le a lē atoatoa, gauia, pe itiiti se avanoa e ola ai; ae o le a lava le umi o le olaga mo agaga taitasi, ma o le a agavaa tino taitasi mo le toetutu.

O i latou e talitonu o o tatou tino e le mai se isi mea nai lo le taunuuga o tupuaga mai meaola, o le a lē lagonaina e tatau ona tali atu i le Atua po o

soo se tasi lava mo mea latou te faia i o latou tino. O i tatou o lo'o i ai se vaaiga e fa'avavau, e ui i lea, e tatau ona fa'aalia o loo i ai so tatou tiute i le Atua e tusa ai ma le auala tatou te tausia ai o tatou tino. I upu a Paulo e faapea:

"Tou te le iloa ea, o lo outou tino o le malumalu lea o le Agaga Paia ua i totonu ia te outou, o loo ua ia te outou mai le Atua, e le aia foi outou ia te outou?"

"Aua ua faatauina outou i le tau: o lenei, ia outou vivii atu i le Atua i o outou tino, ma o outou agaga, o mea a le Atua ia" (1 Korinito 6:19–20).

I le amanaiaina o nei upumoni ma le taitaiga a perofeta o aso nei, o le a mautinoa lava o le a tatou le faaleagaina ai o tatou tino, i ni pe'a; po o le faavai-vaiina, i fualau faasaina; pe faaleagaina, i le faitaaga po o le le tauagafau. Ona o lo tatou tino o le meafai-galuega a lo tatou agaga, e taua lo tatou tausia i le ala sili tatou te mafafia. E ao ina tatou faapaiaina ona mana e auauna atu ai ma faalautele le galuega a Keriso. Na saunoa Paulo, "O lenei, le au uso e, ou te aioi atu ia te outou, ona o le alofa mutimutivele o le Atua, ia outou tuuina atu o outou tino i le Atua, o le taulaga ola, ma le paia, ma le malie, e taliaina i luma o le Atua" (Roma 12:1). ■

Mai se lauga o le konafesi aoao ia Oketopa 2010.



O Lou Tino e Pei o se Malumalu

Na aoao mai Elder Christofferson o o tatou tino o se mealofo ma "se foafoga paia i le faatusa tonu o le Atua." E pei o malumalu, o o tatou tino e paia ma e tatau ona tatou tausia i latou i le ala sili tatou te mafaia. O nisi nei o auala e lavea ai malumalu ma o tatou tino i le fuafuaga a le Tama Faalelagi.

Tuuina atu avanoa e aoao
ma alualu i luma

E nofoia e lo
tatou agaga

O i e alala
ai le agaga
o le Atua

Auauna ma faalautele le
galuega a Keriso.



E ala i le
Toetutu, o o
tatou tino e
mafai ona
faavavau.

E faavavau
faamanuiaga
o le malumalu.

Paia

E fesoasoani ina ia tatou toe
foi atu ai i le Tama Faalelagi

O se mealofo
mai le Atua

E mafai ona tatou tutu
i nofoaga paia


O le malumalu o se
nofoaga paia

AUTALAVOU MATUTUA

**O LE A SE MEA E
TE VA'AI I AI PE A E
TILOTILO I LE FAA'ATA?**

*Faitau upumoni e uiga i le tino
ma le fuafuaga o le fa'aolataga
faapea foi ma manatu mo le
fesoasoani ia te oe e fa'aleleia
foliga o lou tino.*

42



FAAPELEPELE I LOU TINO

**O SE FEAU MAI
LE PEROFETA**

50

O LE TULAFONO
O LE LEGAVIĀ

**O LE A TONU
LAVA LENA MEA?**

56

O LE TINO

20 MEA MAOA'E

58

O LE UPU O LE POTO

**O LE A MA VAEGA
E LE O I AI**

60

O LE EKALESIA A
IESU KERISO
O LE AU PAIA O ASO
E GATA AI

Uo



**O tatou tino
matagofie!**

Tagai i le itulau e U12



Saunia e
Peresitene
Henry B. Eyring

Fesoasoani
Lua i le Au
Peresitene Sili


Tatala Lou Loto i le Agaga Paia

Ina ua lata ona tuua e Iesu Ona soo, sa Ia ta'u atu ia i latou pe faapefea ona Ia tuuina atu ia i latou Lona filemu:

“A o le Fesoasoani, o le Agaga Paia lea, . . . na te d'oa'o ia te outou i mea uma lava, e faamanatu mai foi o ia ia te outou i mea uma ua ou fai atu ai ia te outou.

“Ou te tuuina atu ia te outou le manuia, o lo'u manuia ou te avatu ai ia te outou. . . . Aua le atuatuvalo o outou loto, aua foi tou te matatau.”

(Ioane 14:26–27)



O lagona o le Agaga Paia e sili atu ona taua nai lo soo se mea e mafai ona tatou vaai i ai pe faalogo i ai. O nisi taimi latou te lagona e pei o se mu filemu io tatou loto. Mo au, e masani lava o se lagona o le malamalama.

A e papatiso ma faamauina o se tagata o le Ekalesia, ua ta'uina atu ia te oe i se faamanuiaga ia “talia le Agaga Paia.” I lena taimi, e mafai ona e mauaina le Agaga Paia e faatasi ma oe. Ae e tatau pea ona e filifili e faafeiloi o Ia i lou loto ma lou mafaufau.

Ou te tatalo ia e tatalaina lou loto i le Agaga Paia. Ou te tatalo o le a e lagona le olioli i le avea o Ia ma au soa e le aunoa. ●



Sii mai le “O Lo'u Filemu Ou Te Tuu Atu Faatasi ma Oe,” Liahona, Me 2017, 15–18, ma le “O Lona Agaga e Faatasi ma Oe,” Liahona, Me 2018, 86–89.

Valiina o Mea o Loo i Lona Loto

E fesoasoani le Agaga Paia ia tatou manatua. Pe a manao Peresitene Eyring e manatua se mea, na te tusia i lalo i lana api o talaaga. O nisi taimi na te vali foi se ata e faaali ai ona lagona.



A o auauna se tasi o fanau a lana fanau i se misiona i Farani, sa vali e Peresitene Eyring ni faifeautalai o savavali atu i se auala i Pale.



Muamua, na te faia se atatosi i le penitala. Ona ia faaopoopo atu lea o se vaega i le valivai. Na te tuuina se'i matutu ona faaopoopo ai lea o se isi vaega.



E fiafia Peresitene Eyring e vali ata o vaa ma lona aiga. O lenei ata o loo faaalia ai Sister Eyring i totonu o se tamai va'a ina ua valu ona tausaga.



O lenei ata vali o lona faletua, o Kathleen, ma le toalua o le la fanau e toaono e faamanatu ia te ia lona alofa mo lona aiga.

Taumafai e tusi pe vali sou ata!

Faataitai le FAATUATUA

Saunia e Keree Brown

Mekasini a le Eklesia
E faavae i se tala moni

*"Ou te faaali foi ia te oe lo'u faatuatua i a'u galuega"
(Iakopo 2:18).*

Sa popo faatopetope e Klarie le polo i lalo le malae. *O le mea lenei*, o lona manatu lea. O le teineitiiti pito sili ona umi ma saoasaoa i le au sa paga ma Klarie i le taaloga atoa. Ae o lea ua paga ma le isi teineitiiti. O le avanoa lenei a Klarie!

Sa vave ona faliu ese mai le isi teine taalo ma seti ona vae. Ona ia oso loa lea i luga ma togi. Na lele atu le polo i le ea ao taofia e Klarie lana manava.

Faamolemole alu i totonu.

Na fafao lelei lava le polo i le ato.


Na tuuina atu e le au a Klarie ia te ia ni faamalo i le po atu o lima [high fives]. Ona tilotilo ifo ai lea o Coach Garcia i le taimi ma ili lana faaili. "Ma o le iuga lena o faataitaiga! Lelei tele, tagata uma! O le a ou vaai ia te outou uma taeao. Ia mautinoa e lava lelei le tou malologa aua o le a tatou faia ni tuuga pupuu se tele."

Na oi Klarie ma savali atu e aoina ana mea. Ona ia vaai atu lea ia Coach Garcia o talotalo atu ia te ia e alu atu.

"Malo, Klarie," o lana tala lea. "Lelei tele lou taalo ananei. Ou te iloa e te galue malosi i taimi o faataitaiga, ma ou te mitamita ia te oe."

"Faafetai," o le tala lea a Klarie ma se ata tele.





Sa ataata pea o ia a o savali atu i le taavale a lona tina. Ma a o la agai atu i le fale, sa ia toe matamata i lana tog i mulimuli i lona mafaufau. Aemaise lava lefafao lelei o le polo i le ato. Sa tau le mafai ona ia matauina le lauga o le konafesi na faalogologo i ai Tina.

Ae e i ai se mea na tosina atu i ai lona mafaufau. Na faapea mai le failauga, "E tatau lava ona tatou faavanoaina se taimi e matua faaaoga ai lo tatou faatuatua."^{*} O upu "matua faaaoga" na foliga mai o se mea e faalogo ai i faataitaiga pasiketipolo.. *E Faapefea ona e faaaoga lou faatuatua?* o lona manatu lea. *E te tamoe ma le faatuatua?* *Pe popo le faatuatua e pei o se polo?*

Na faasaga atu Klarie ia Tina. "E faapefea ona e faaaoga lou *faatuatua?*" na ia fesili atu ai.

Na ataata atu Tina. "E faapefea ona e lelei atili i le pasiketipolo?"

"Ou te faataitai," o le tala lea a Klarie. "E ta'u mai e lo'u faiaoga ia te a'u le auala ou te lelei atili ai. Ma a fai a matou toleniga, ou te taumafai malosi ia sa'o la'u faatinoga."

"E faigofie?"

"Leai!" Na fai mai ai Klarie, ao ia manatua le tiga o ona vae ina ua uma a latou tuuga pupuu. "E tatau ona ou faataitai *soo.*"

Sa luelue le ulu o Tina. "E finagalo le Tama Faalelagi ia tatou faatuatua ia te Ia, ae e tatau ona tatou galulue i ai. Na Ia tuuina mai ia i tatou auala e faataitai ai ma lelei atili."

"E pei o le a?"

"E fesili mai ia i tatou e talanoa atu ia te Ia i le tatalo. E pei o la tatou faiaoga [coach]. Na te tuuina mai tusitusiga paia ia i tatou. E pei o Sana tusi taalo. Ma Na te musuia perofeta e faamalosia i tatou e aoao o se aiga. O le matou aiga e pei—"

"Pei le matou autaalo!" Na faalavelave atu ai Klarie.

"Sa'o lelei lava! O le au a lo tatou aiga e galulue ma faataitai faatasi," o le tala lea a Tina. "O le a la le mea e tupu pe a e alu i faataitaiga, a Klarie?"

"Ou te lelei atili," sa ia fai atu ai. Sa mafaufau o ia i le lelei o ona lagona ina ua ulu lana tog i mulimuli aua sa galue malosi i faataitaiga mo le tele o vaiaso.

"E sa'o. Pe a tatou faataitai, o loo tatou faatinoina lo tatou faatuatua. E fesoasoani lena ia tatou molimau ia malosi atili. Ma e faafafiaina ai i tatou."

E lei mafaufau lava Klarie i le faatuatua faapena. Sa ia faalogo o le faatuatua e pei o se fatu laau. Ae na te le iloa e mafai ona pei o le taalo pasiketipolo! Sa mafaufau o ia i le auala na faia ai e le faiaoga lana fuafuaga masani mo la latou 'au. *Atonu e mafai ona ou faia se fuafuaga faataitai foi,* sa ia mafaufau ai, *ae mo le faatuatua!* O le taimi lava na ia taunu ai i le fale, sa ia maua ai se api lapoia ma amata ona tusitusi:

- Tatalo—taeo ma le afiafi
- Suesueina o tusitusiga paia—aso uma
- Lotu—Aso Sa uma

Atonu o le faatinoina o le faatuatua e le pei lava o le taalo pasiketipolo.

Ae o le faataitaiga o le faataitaiga.

Sa ia lagona le mafanafana ma le fiafia i totonu ao ia tilotilo atu i lana fuafuaga. Sa ia faatuatua i le Tama Faalelagi ma iloa o le a Ia fesoasoani ia te ia! ●

* Richard G. Scott, "Ia Avea le Faaaogaina o le Faatuatua ma Mea E te Faamuamuaina," *Liahona*, Nov. 2014, 92–95.



O Se Ala Fou

Pe a ou papatiso, ou te filifili e savali i se ala fou ma Iesu.

(Tagai Roma 6:4.)



O lenei itulau e lagolagonina le *Sau, Mulimuli Mai ia te A'u*,
itulau 122 mo le Peraimeri ma le itulau 124 mo aiga.

Faaali ma Ta'u Atu



Ou te fiafia e faavasega fa'a-matalaga o talafaasolopito o aiga, ma ou te fiafia e o i le lotu ma lo'u aiga.

Maria O., 11 tausaga, Pasila



Elei leva ona papatiso lo matou aiga, ma matou ioe uma matou te fiafia i la matou lotu fou. I se tasi afiafi mo le afiafi faaleaiga, na fai mai ai lo matou tina matou te faia la matou laau o le aiga e faaaoga ai a matou ata tusifolau tuai. O se po fiafia!

Joshua, Matilda, ma Graeme K., 9, 11, ma le 7 tausaga, Malo o Toga



Ou te fiafia e auauna atu i lo'u aiga.

**Lizmel S.,
9 tausaga,
Puerto Rico**



Ou te fiafia
ope a fesoasoani a'u uo ia te au i a'u fesili.

**Ricardo A.,
9 tausaga,
Puerto Rico**



**Mel P.,
8 tausaga,
Polivia**

Ou te fiafia e faitau le Tusi a Mamona i lo'u tuafafine laitiiti. O le mau e sili ona ou fiafia i ai o le 1 Nifae 3:7.

Emilia L., e 10 tausaga, Siamani



Talofa mai Korea i Saute!

대한민국



O ma'ua
o Margo ma
Paolo.

Auai ma i ma'ua
a o ma asiasi atu i
Korea i Saute!



Korea i Saute
e i Asia i Sasae.
E tusa ma le 50 miliona
tagata ma e lata
i le 88,000 tagata
o le Eklesia.

Seoul

KOREA I
SAUTE



O le alafapeta a Korea e ta'uua o le Hangul. O se faailoga lea o loo i ai le igoa o le Eklesia i le faa-Hangul i fafo atu o se fale o le Eklesia.



E toatele aiga Korea e fa'atau i maketi e pei o lenei, lea e mafai ai ona latou fa'atau fualau aina, fualau faisua, aano o manufasi, ma meaai mama mai le au faatau i le auala. O se tasi o meaai lauiloa i Korea o le bibimbap, o se meaai e fefiloi ma le araisa.



I Korea, o se mea masani le nofo i luga o le foloa i le fale po o se faleaiga. E tele aiga e suesue, taaalo, ma aai faatasi i se laulau e maualalo i le eleele, e pei o lenei.

Faafetai mo le asiasi o Korea i Saute faatasi ma i ma'ua. Feiloai i se isi taimi!



Feiloai i nisi o a maua uo mai Korea i Saute!



O taimi uma ou te feagai ai ma se tofotofoga, o le mafau-fau i le Tama Faalelagi e aumaia le filemu i lou loto. Ou te iloa e moni o loo soifua le Tama Faalelagi ma lesu. Ma o le a ou mulimului ia i Laua.

Ha-eun S., 11 tausaga



O nisi taimi ou te fia manao ai e ta lou uso pe a ia talepeina i lalo a'u poloka pe tusitusi i luga o lau api. Ae ua ou aoao i le auala e onosai ai. Ua ou faia se taumafaiga ona ou te manao ia filifili le mea sa'o.

Se-jong H., 8 tausaga

E te sau mai Korea i Saute? Tusi mai ia i matou! Matou te fiafia e faalogo atu ia te outou.

ALU i le

Saunia e David Dickson

Mekasini a le Ekalesia
(E faavae i se tala moni)

"Ina ia manatua pea o ia ma tausi i ana poloaiga" (Moronae 4:3).

Faatali, e le i uma lau *banchan*,” na fai mai ai Tina. Na tulei e Tina ia ipu mafolafola laiti o fuala’au faisua latalata ia Juhyuk.

Sa tilotilo Juhyuk i lana ti o le taeao. Sa tuai o ia! E masani lava o lona uso matua e fesoasoani ia te ia e sauni mo le lotu. Ae o lona uso na malaga i fafo o le taulaga, o lea na tatau ai lava ia Juhyuk ona alu na o ia i le aso.

“Ua lelei Tina,” o le tala lea a Juhyuk. Sa ia faanatinati e faauma lana mea’ai. Ona ia fusia lea o lona Tina ma savali loa mo le faitotoa.

Na taofia o ia e Tina. “Ua ia te oe lau telefoni?”

Sa uu i luga e Juhyuk. “Ioe. E mafai ona ou lafoina se feau tusitusia [text] i la’u faiaoga Peraimeri pe a i ai se faalavelave.”

“Ma se ofu mafanafana i lalo o lou ofu talaloa? Ua malulu.”

Sa faaali atu e Juhyuk ia Tina lona ofu mafanafana.

Sa luelue atu le ulu o Tina. Sa telea’i atu Juhyuk i le auala. O leo uma o le aai na maua ai e ia le fiafia. E ese le manaia o le nofo i se tasi o aai pito sili ona tele i Korea i Saute!

Ae sa moomoo pea Juhyuk ia faatasi lona uso ma ia. La te o faatasi i le tele o taimi i le lotu.

“Ou te iloa le auala,” o lana tala lea ia te ia lava. Ma e sao lelei, e lei leva ae ia taunu i le nofoaga muamua e faatali ai le pasi.

Ae sa na o ia iina. Sa ese lena mea. Sa ia siakiina lana uati. Pei a ua ia misia le pasi! O lea la ua tatau ona ia faatali mo leisi pasi.

Ina ua mavae ni nai minute, na amata ona potopoto mai isi tagata. Muli-muli ane, sa sosolo atu se pasi lanumoana sesega. Sa pe’ a Juhyuk i sitepu o le pasi, totogi le ave pasi, ma nofo i lalo.

Ta-tink!

Sa siakiina e Juhyuk lana telefoni ina ua uma na tatagi le faailoilo o le feau tusitusia. O le feau mai lana faiaoga Peraimeri.

LOTU

“O e i luga o le pasi? Manatua, a e leiloa, e mafai ona matou o atu e su’e oe!”

Sa ia ataata ma toe tali atu i lana feau tusitusia. “Ioe. O lea ua ou i ai i le taimi nei.”

Ua na o se malaga puupuu lava i le pasi. O le pasi lona lua e tatau ona ia tietie ai mo le sili atu ma le itula.

Sa tilotilo atu Juhyuk i le taimi ma faauu. Sa lei manao o ia e misi le lotu. E fiafia o ia i le vaega o le tatalo o le faamanatuga lea e faapea mai, “manatua pea o Ia.” O lona uiga ia manatua pea Iesu. Ma na manao Juhyuk e faia le mea lena.

Ina ua valaaulia o ia ma lona uso e le uso o lona tina ma lona toalua i le lotu i ni nai masina talu ai, na ia feiloi i faifeautalai. Na aoaoina i la’ua uma e Elder Kim ma Elder Moon e uiga ia Iesu. O le tele o mea na aoaoina e Juhyuk e uiga ia Iesu, o le tele foi lea o lona fiafia e mafaufau ia te Ia.

Ta-tink!

“Ua sui lau pasi?” o le feau feaveai lea.

“Leai,” o lana tali lea.

Na tu le pasi i le auala pisi lea na mana’omia ai e Juhyuk ona oso ese ai e sui lana pasi. Sa fesili atu o ia i le ave pasi pe ua taunuu lana pasi lona lua.

“Ua e misia,” o le tala lea a le ave pasi. “O le isi pasi e taunuu mai i le 15 minute.”

“Ia ua lelei,” o le tala lea a Juhyuk. “Faafetai lava!”

Mulimuli ane, ina ua mavae le tietie ai i le pasi lona lua, na faatopetope atu Juhyuk i totonu o le faletapuai. Na faavanoa mai e lona aunt ma uncle se nofoa mo ia. Na ia taunuu ma le manuia!

Na mafaufau Juyuk e uiga i mea uma na ia faia ina ia oo atu ai i le lotu. Na ia mafaufau i tagata uma na fesoasoani ia te ia i le ala. Na ia lagona sa fiafia le Tama Faalelagi na i ai o ia iina.

Na fai e Juhyuk se tatalo lemu. “Faafetai i Lou Afio, Tama Faalelagi, ua mafai ona ou sau i le lotu i lenei aso.” ●





O Lou Tino O se Malumalu

1. Oti ese ia kata i le isi itulau ma fofola atu i latou i mea e mafai ona va'ai i ai tagata ma au atu i ai.
2. Ia auauai e faatavale se ma'a taisi [dice]. Pe a uma ona faata'avale se tasi, sue lena numera i le "Upumoni e uiga i Malumalu" ma faitau leotele.
3. Saili le kata o lo'o a'oa'o mai se fa'amatalaga talitutusa e uiga i tino. (Fesoasoani: Vaavaai mo faailoga e tutusa.) A e mauaina le soa (le kata e tutusa), aapa atu ma po le kata! Ona faitau lea o le kata leotele ma fai le gaoioiga.
4. Faaauau ona faatavale ma po seiloga ua tofu uma tagata ma le avanoa, pe seiloga e uma ona faitau uma kata.



U12 Uo

Na aoao ai e le Aposetolo o Paulo o o tatou tino o malumalu ia o le Atua (tagai 1 Korinito 6:19). O se taaloga lenei e mafai ona e ta'alo e a'oa'o atili ai.

O UPUMONI E UIGA I MALUMALU

1. O malumalu taitasi o le maota o le Alii.



2. E eseese foliga o malumalu i fafo. O isi e i ai togalaau ma vaipuna. E eseese o latou siepi ma lanu. O malumalu uma e matagofie.



3. O aso uma lava, e galulue ai tagata e tausia fafo o le malumalu ma tausia lelei.



4. E faamama foi e tagata totonu o malumalu o tagata faigaluega ma volenitia e faamautinoa o iila ma lelei mea uma.



5. O malumalu e faaaoga e fai ai le galuega a le Tama Faalelagi.



6. O malumalu o nofoaga faapitoa, ma paia e tatau ona tausia ma le fa'aaloalo.





O tino taitasi o se malumalu lea e nofo ai le agaga o lena tagata. E mafai e le Agaga Paia ona alala ai foi ma i tatou.



Fai atu i se tasi e faamatala mai se taimi na latou lagonaina ai le Agaga Paia.



E mafai ona tatou tausia o tatou mafaufauga ia mama e ala i le faitau, matamata, ma le faalogo i na o mea e valaaulia ai le Agaga.



Usu se fuaiupu mai se pese Peraimeri e te fiafia i ai.



O tino e omai i lanu eseese, foliga ma ituaiga tele eseese. Ae po o le a lava, e aulelei tino taitasi.



Tau mai se mea e mafai e lou tino ona faia.



E mafai ona tatou fa'aogaina o tatou tino e fesoasoani ai i tagata ma faia mea atonu e faia e Iesu.



Tu'u atu i se tasi se fa'afetai ma faapa atu lou lima!



O aso uma e mafai ai ona tatou galulue e tausia o tatou tino ia maloloina e ala i le fufuluina, 'ai mea lelei, ma le fa'amalositino.



Ta'u se mea e tasi e lelei e 'ai ma inu ai ma se mea e tasi e le tatau ona e 'ai pe inuina.



E tatau ona faia lou tino i le alofa ma le faaaloalo. Afai e faatiga e se isi oe pe pa'i i lou tino i soo se auala e te lagona ai le le fiafia, ta'u vave atu i se tagata matua talitonuina!



Fai se isi afega.

*Na auai Callie ma Marco i lotu eseese.
E mafai ona avea i la'ua ma ni uo lelei?*

"Ia fai oe ma faaaaoao i e ua faatuatua" (1 Timoteo 4:12).

Ta o e aumai nisi laau!" Sa fai atu ai Callie ia Marco. Sa tilotilo Marco i le lag. "Ua tatau ona ou alu i le fale. Ua toetoe lava a goto le la."

"Ae e le'i uma na fausia le ta olo!" o le tala lea a Callie.

"Faamalie atu!" Sa valaau atu ai Marco a'o topetope atu i le fale. "E tatau ona ou oo i le fale ao le'i amata le Sapati!"

Sa mapuea Callie. Sa i ai mea maoae i le avea ai ma uo a Marco, ma sa i ai mea faigata. Ia, o le tele lava na

o le tasi le mea faigata. E lei tele se taimi la te taaalo faatasai ai. Sa tutusa la vasega i le aoga ae le o le potu lava e tasi. E le'i tutusa le la taimi malolo. Ma le isi, na la fa'aaluina uma le Sapati ma o la aiga. I le lotu a Marco, na amata le Sapati i le goto o le la i le po o le Aso Faraile. Mo Callie, o le Sapati o le Aso Sa.

Ma o mea lelei? Sa tele mea lelei. O le tasi o Callie e le popole lava o le a palauvale Marco, taumafai e faaoso o ia e faia mea leaga, pe matamata i mea e le lelei. Sa latou o atu ma lona aiga i se lotu ese, ae sa

OLO ma Faigauo

Saunia e Kasey Tross
E faavae i se tala moni



latou talitonu i le tele o mea tutusa na faia e Callie. E pei o le tausia o le aso Sapati ia paia, e ui lava na eseese aso.

Na tuu e Callie lana faaputuga fasi laau ma alu i totonu.

“Ua alu Marco i le fale?” O le fesili lea a tina.

“Ioe,” na fai atu ai Callie ao nofo i lalo i se nofoa.

“Ua seasea ma taaalo.”

“Leiloa pe mafai ona lua tafafao faatasi i le Aso Faraile. “O se aso malolo mai le aoga,” o le tala lea a Tina.

“Ua lelei,” sa fai atu ai Callie, ma foliga fafia. O le a ia saunia mea uma pe a o'o mai Marco, e mafai ona la amata ona galulue i luga o le la olo i le taimi lava lena.

I le taimi o le aoga mulimuli ane i lena vaiaso, na faia ai e le faiaoga a Callie se faasilasilaga. O le vasega tolu atoa o le a matamata faatasi i se tifaga.

“Ioe!” O le tala lea a Callie. Sa ia tuu lana pusa o loo i ai lana meaai o le aoauli i totonu o lana ato faafafa ma alu i le nofoaga masani i le va o potuaoga.

Sa maua e tagata uma se nofoaga e nonofo ai i luga o le fola, ma na tape e faiaoga ia moli. Na fafia lava Callie ao amata le tifaga. E uiga i nisi tamaiti o lo'o fausia faatasi se 'olo, e pei lava o ia fausiaina se olo ma Marco! *Pe a uma ona ma fausia*, sa mafaufau ai o ia. Sa lulu lona ulu ma toe autilo i luga i le ata.

Ae ao alu le tifaga, na matauina e Callie o nisi o upu o i ai e le lelei tele. Sa amata ona ia lagonaina le faateleina pea lava pea o le le toafilemu. Sa ia le iloa po o le a le mea a fai.

Na faafuasei ona ia faalogoina se popo i lona tauau. O Marco! Sa tolotolo mai o ia i le va o le toatele o tamaiti aoga e talanoa ia te ia.

“Callie, ou te le manatu e tatau ona ta matamata i lenei mea,” o lana musu musu atu lea. “Ou te manatu e tatau ona ta o atu e fesili io ta faiaoga pe mafai ona ta faitauina ni tusi.”

Na mapuea Callie. Sa manaia le lagona o le iloaina sa i ai se isi e tutusa lagona pei o ia. “Ioe. Ou te le fafia foi i le tifaga lea.”

Sa la tutu i luga ma Marco ma laalaa filemu faataamilo ia la uo aoga seia oo ina la taunuu atu io la faiaoga. Na alu Marco i lana faiaoga, ae alu Callie i lana faiaoga. Sa ia fesili pe mafai ona ia faitauina se tusi nai lo le matamata i le tifaga, ma na fai mai lana faiaoga ioe.

A o alu atu Callie i lona potuaoga e faitau, na ia vaaia Marco o faia foi le mea e tasi. Sa ia talotalo ma ataata. Sa ataata atu foi Callie. O le i ai o se uo moni e sili atu nai lo se olo ua maea. ●

E alala le tusitala i Virginia, ISA.



“Ua ou maua le lelei faamaoni i tagata o faatuatuaga uma.”

Elder Quentin L. Cook o le Korama a Apostolo e Toasefululua, “O Le Faavavau o Aso Uma,” *Liahona*, Nov. 2017, 53.

Ua Asiasi Elder Andersen i Ivory Coast

O se tasi o laasaga muamua i le fausiaina o se malumalu fou o se fonotaga faapitoa e taua o le "suatiaina o le eleele." O Elder Neil L. Andersen ma Sister Kathy Andersen na malaga atu i Ivory Coast mo le suatiaina o le eleele mo le malumalu fou.



Na faaaoga e tamaiti ni suo lanu auro e fesoasoani ai e "suatia le eleele" mo le malumalu. Ona mafai lea ona amata le fausiaina! E tusa ma le lua tausaga e fausia ai le malumalu.

"Ia tatou tuuto atu i tatou lava . . . ina ia sili atu ona lelei lo tatou tagata ma agaga ia saunia e ulu atu i le malumalu faapaiaina. Ia sili atu lo tatou faamaoni i le mulimuli i le Faaola."



Na faia e Elder Andersen se tatalo e faapaia ai le fanua mo le malumalu fou. O ia ma Sister Andersen na faia ni lauga i le faa-Falani, o le gagana aloaia iina. Fai mai Sister Andersen na te fiafia ona ua faatagaina i tatou e Iesu e ulu atu i totonu o Lona maota, le malumalu. Tatou te maua faamanuiaga iina e le mafai ona tatou mauaina i se isi lava mea i luga o le fogaeleele.





O foliga ia o le
malumalu o le a i ai.

I le taimi nei o tagata o le ekalesia i Ivory Coast e tatau ona malaga mo le 12 itula i le malumalu e pito lata ane, i le atunu o Ghana. I ni nai tausaga, o tamaiti ua lava lo latou matutua e faia ai papatisoga o le malumalu o le a mafai ona o atu i se malumalu matagofie i lo latou lava atunu!

Matou te Fia Vaai i le Malumalu

O le auala lea e usu ai e tamaiti le pese "Ou te fia vaai i le malumalu" i gagana eseese e ono. Mulimuli i le laina mai fuaiupu ta'itasi i le gagana sao.

Me encanta ver el templo


Oh, j'aime voir le temple

Eu gosto de ver o templo

Jeg elsker herrens temple

Ich freu mich auf den tempel

Ou te fia vaai i le malumalu



MANATU LELEI

E mafai ona ou faia ni mea faigata!





Saunia e Sister
Michelle D. Craig

Fesoasoani
Muamua i le Au
Peresitene Aoao o
Tamaitai Talavou

O Se Aiga o Fitafita-Talavou



“E ao ina outou ave i o outou luga le suafa o Keriso, o lou igoa lea” (3 Nifae 27:5).

Sa ou asiasi i se tasi taimi i se aiga i Chile. Na maliu lo latou tama i se faalavelave i le masina ae ou te lei sau. O se tasi o tamaiti o se tamaiti e igoa ia Peniamina. Sa 10 ona tausaga.

A o lei oo i le faalavelave faafuasei o lona tama, sa faia e Peniamina se lesona o le afiafi faaleaiga. Sa faata-tau i le autau talavou mai le Tusi a Mamona (tagai Alema 53:16–22; 56:42–57). Na ia talanoa e uiga i le lototoa ma le auala na latou faatuatua ai i le Atua.

Ina ua faalogo le tina o Peniamina e uiga i le faalavelave, na mafaufau o ia i le lesona a Peniamina. Sa ia faapea atu i lona aiga, “E tatau ona tatou lototoa e pei o le autau talavou. Ua i ai se isi taua tatou te tau ai.”


Sa faigata mo le aiga a Peniamina. Sa foliga mai ua suia uma o latou olaga. Sa tatau ona latou me'i atu i se

isi fale e nonofo faatasi ma lo latou tina matua. Ma sa latou misia moni lava lo latou tama. Ae na latou iloa o le a latou toe faatasi ma ia i se aso. Na latou filifili e avea ma se aiga o le autau talavou. Sa ta'u mai e Peniamina ia i matou, “O loo ou lototoa.”

Sa ou savali atu i le latou fale ma le manao e faamafanafana ia i latou. Ae o a'u na tuua le latou fale ma le lagona o le faamanuiaina. O Peniamina ma lona aiga o loo tauivi ma lenei taua ma le lototoa. Ua musuia a'u i lo latou faatuatua.

E mafai ona tatou lototoa uma e pei o Peniamina. O le lototoa e le faapea o le leai o se fefe po o le faanoanoa. O lona uiga o le i ai o le faatuatua o le a fesoasoani mai le Tama Faalelagi ia i tatou i taimi faigata. Pe a oo mai mea faigata i o tatou ala, e mafai ona tatou filifili e faalagolago ia te Ia. E mafai ona avea uma i tatou ma autau talavou! ●

Ua Salamo Paulo



Ina ua mavae le maliu o Iesu, na aoao pea e Ona soo tagata.
Ae le o tagata uma sa fiafia i mea na latou aoaoina. O se tamaloa e
igoa ia Paulo sa sili lona agaleaga ia i latou na mulimuli ia Iesu.




I se tasi aso ao malaga
Paulo, sa ia vaia se
malamalama pupula mai
le lagi. Na ia faalogoina
le siufofoga a Iesu! Sa
tau atu e Iesu ia Paulo
e amata ona fesoasoani
i tagata ia salamo ma
mulimuli ia te Ia.



Na faatauasoina Paulo i le malamalama
pupula. O se tagata paia e igoa ia
Anania na faamaloloina mata o Paulo
ma papatisoina o ia.

Ina ua mavae lena, na aoao
atu Paulo i tagata e uiga ia Iesu
Keriso. O ia o se faifeautalai
maoae, faiaoga, ma se taitai
i le Ekalesia a Keriso.






E mafai ona ou filifili e agalelei nai lo le ita. E mafai lava
ona ou filifili e mulimuli ia Iesu. ●

Faitau le tala i le liliu o Paulo i le Galuega mataupu e 9, 22, po o le 26.

Ua Vaai Paulo ia Iesu



Matua Pele

O le mekasini o lenei masina e aoao ai tamaiti e faatatau i mataupu faavae autu o le talalelei (tagai Mataupu Faavae o le Faatuatua 1:4):

- Ua aoao se teineitiiti e faaaaoga lona **faatuatua** (itulau 4–5).
- Na tuuina mai e Paulo ia i tatou se faataitaiga o le **salamo** ina ua ia filifili e mulimuli ia Iesu (itulau 20–22).
- O se itulau valivali e faamanatu mai ai ia i tatou o lo tatou **papatisoga** o le avanoa lea e amata ai se malaga fou ma Iesu (itulau U6).
- Ua aoaoina i tatou e Peresitene Eyring e tatala o tatou loto i le **Agaga Paia** (page U2).

Faatasi ai ma lau fanau, e mafai ona tou vaavaai mo nei ta’iala a’o e faitau i le mekasini o lenei masina. Atonu e mafai ona e li’o pe vase lalo i taimi uma e te va’iai ai i se tala. E lelei le talanoaina o i latou o se aiga!

Tumau le faamaoni,

O Le Uo

O le Auala e Auina Atu ai Ata a Lou Tamaitiiti po o se Aafiaga i le Liahona

Alu i le liahona.ChurchofJesusChrist.org
ma kiliki le “Submit an Article po o
Feedback.” Pe imeli foi i le liahona@
ChurchofJesusChrist.org faatasi ai ma
le igoa o lau tama, tausaga, o le aai e
nofo ai, ma lenei faamatalaga faataga:
“O d’u, [tuu i ai lou igoa], ua tuu atu le
faatagaga i Le Ekalesia a Iesu Keriso o
le Au Paia o Aso e Gata Ai e faaaaoga le
tusiga a lau tama i mekasini a le Ekalesia,
i luga o uepisaite a le Ekalesia ma
fa’asalalauga fa’aaqafesoottai, ma atonu
i lipoti a le Ekalesia, lolomiina oloa,
vitio, lomiga, ma meaaoga mo aooaga.”
Matou te fia faalogo atu ia te oe!



Saili le Liahona o loo nana i totonu!

ANOTUSI

- U2** Mai le Au Peresitene Sili: Tatala Lou Loto i le Agaga Paia
- U4** Faataitai le Faatuatua
- U6** O Se Ala Fou
- U7** Faaali ma Ta’u Atu
- U8** Talofa mai Korea i Saute!
- U10** Alu i le Lotu
- U12** O Lou Tino O se Malumalu
- U14** Olo ma Faigauo
- U16** O Apostetolo i le Lalolagi aoo: Ua Asiasi Elder Andersen i Ivory Coast
- U18** Manatu Lelei: E Mafai Ona Ou Faia Mea Faigata
- U19** O Se Aiga o Fitafita-Talavou
- U20** Tala o Tusitusiga Paia: Ua Salamo Paulo
- U23** Itulau e Valivali: Ua Vaai Paulo ia Iesu